



SYMBOLAE

LITTERARIAE

OPVSCVLA VARIA

PHILOLOGICA SCIENTIFICA ANTIQVARIA

SIGNA . LAPIDES . NVISMATA . GEMMAS

E T

MONVMENTA MEDII AEVI

NVNC PRIMVM EDITA COMPLECTENTES

VOLV MEN SEPTIMVM

Ornatum Tabulis VII. aere incis



FLORENTIAE. CIO . IO . CC . LI.

EX TYPOGRAPHIO ALBIZINIANO

PRAESIDVM PERMISSV

11 A. 1. 1217

1217

1217

1217

1217

1217

1217


1217

1217

1217

1217

1217



N. P. C.

INCLVTO . NOBILI . MAGNANIMO
DOMINO . IOSEPHO
DE FRANCE

A CONSILIIS . AERARII
ET . DIRECTORI . THESAURORVM
AVGVSTISSIMAE IMPERATRICIS
REGINAE HVNG . ET BOHEMIAE

ANTONIVS FRANCISCVS GORIVS
FELICITATEM

ERVDITOS HOMINES, qui iu-
vandis ornandisque bonarum
artium studiis fedulam na-
vant operam, in clientelam
fufcipere, proprium est Principum,
Virorumque cum nobilitate generis,

tum disciplinarum cognitione, et cultu praestantium; qui ad exemplum Dei Optimi Maximi ac Beneficentissimi, eos omni ope et praesidio erigere, fovere, ac tueri gaudent quammaxime: quod dum liberaliter faciunt, nemo est, qui non videat, quam ingentia sint eorum merita; quantum quoque lucis atque adiumenti adferant Litterariae Reipublicae, et quam mirifico laudum proventu nominis sui augeant claritatem. Divinum hoc iuvandi optimas artes studium, et earum Cultores, quum in Te, VIR PRAECELLENTISSIME, miro modo florere et excellere iamdudum fama ad aures meas pertulisset; et Viri docti, qui Te in Caesarea Austriaca Aula eximio munere fulgentem norunt, inter familiares periucundos de Re Litteraria sermones cumulatissime mihi confirmassent; statui, ubi primum opportunam nactus essem occasionem, et quod Tibi placere posse cognoscerem, fors ob-

obtulisset, me totum patrocínio tuo amplissimo offerre, et commendare; unaque perpetuo aliquo laudis monumento egregiae virtuti, eruditioni, ac magnanimitati tuae debito et consentaneo animum meum perpetuo Tibi dicatissimum testari. En igitur, quum id quod cupiebam, feliciter contigerit, sisto Tibi Antiquitatis Scrutatori et Locupletatori laudatissimo, confesco, dedicoque Opus vigiliis et lucubrationibus ornatissimum, quod magnopere Tibi gratum fore, titulisque omnibus acceptissimum spero; nam continet selectiora complura NVMISMATA POPVLORVM ET VRBIVM, et alia omnium rarissima, nunc primum e ditissimis Cimeliis Vindobonensibus, Granelianis, tuis etiam, ac praesertim e Regio Cimeliarchio Caesareo, deprompta, quae pereruditae Animadversionibus inlustravit Vir Doctissimus, totoque Antiquario Orbe Celeberrimus, A. R. P. ERASMVS FROELICH, e Societate
 A 3 Iesu,


Iesu , mihi amicissimus . Quum igitur ipse complura Numismata ex tuis Cismeliis praeclara et insignia , humanitate tua largiente ac favente , acceperit , vel tacitus , Te Patronum ac Maecenatem mihi aliquando futurum praenunciavit , laudata non semel eruditione tua , tuoque in ingenuas artes , et studia amore , ac favore ; viamque quodammodo mihi aperuit , ut huiusmodi Opus virtutis et nobilitatis tuae splendore , atque ornamentis cumularem . Vtinam , Te auspice , atque opitulante , alia , quae habet , et si otium aliquando est , elucubrare potest idem ▼. C. FROELICH , ad opes Thesauri Numismatici augendas , de quibus humanissime me monuit , ad me mittat ! Dum enim vires comparo ad alia quaedam sumtu maximo in lucem edenda , nimirum Vasculariam Etruscam ad continuationem mei Musei , ad Thesaurum antiquorum Diptychorum , et Gemmarum , praesertim Home-

rica-

ricarum , perficiendum , proferendum-
que , iucundo me oblector studio *Sym-
bolas Philologicas* colligendi , quas ab ami-
cis doctis viris accipio , laetorque ma-
xime ut publico bono et commodo
lucem adspiciant optatissimam . Haec
quoque esse vota tua probe scio , VIR
INLVSTRISIME , qui ut Litterario
Orbi prodesse , ea de re magnificis
atque ingentibus sumtibus rariora ac se-
lectiora Numismata , Gemmarum item ,
Statuarum , Anaglyphorum , omnisque
Vetustatis Cimeliorum ingentem vim
comparasti , atque miro decore , ele-
gantia , atque ordine (qualem etiam re-
cens in CAESAREVM AVSTRIAE THE-
SAVRVM introduxisti) in tuo ditissi-
mo Museo conlocasti , ut praestan-
tes doctrina viri quantum tuis curis
profecerint , Genio tuo bonarum ar-
tium Praestiti ac Fautori acceptum re-
ferrent . Sed ex adiecto praesertim Nu-
morum Aureorum AVGVSTALIVM
Catalogo , quem modo , Te auspice
ac

ac favente, mecum humanissime communicavit idem Celeb. P. FROELICH, quum hi Numi in VAILLANTIO et BANDVRIO desiderentur, omnes clarius intelligent, quanto iudicio et eruditione polleas in perscrutandis colligendisque hisce Vetusti Aevi deliciis, cui nonnisi omnium rarissima Cimelia placeant, quae Graecae et Romanae Historiae lucem adferunt maximam. Haec igitur omnia sicuti immortalem Tibi nominis gloriam pepererunt; ita omnes ad Te amandum et colendum magnopere adliciunt; meque suavissime cogunt, ut Tibi perpetuo obsequio ac benevolentia sim divinctissimus. Interim Tibi, VIR SPLENDIDISSIME, me totum omniaque mea studia etiam, atque etiam commendo; Deumque immortalem precor, ferventibus votis, ut vivas Reipublicae Litterariae bono quamdiutissime.

Dabam Florentiae e meo Museo
Eidib. Martiis an. MD. LXX. CCLII.



AD LECTOREM BENEVOLV
 EDITORIS
P R A E F A T I O



PERIS huiusce, quod plurimis
 Numis rarissimis numquam antea
 vel editis, vel probe expensis,
 atque optima exquisitae eruditio-
 nis fruge in Animadversionibus
 refertum est, ut bono Litterariae Reipubli-
 cae in lucem iterum revocarem, occasio-
 nem mihi iucundissimam praebuit Vir mul-
 tis laudibus, et nominibus Celeberrimus,
 P. Franciscus Antonius ZACHARIA e Soc.
 Iesu, qui nuper dum ipsum rarissimum,
 exemplar, Viennae Austriae editum anno
 CIO. IO. CC. XXXVIII. atque in Philo-
 sophico Universitatis Congressu, dum Can-
 didati laurea donarentur, his dumtaxat,
 qui aderant, distributum, in forulis suis
 tamquam gemmam reconditum, mihi osten-
 deret; dolebat in paucissimorum hominum
 ma-

manibus esse, ac vel parum, vel minimum non solum Transmarinis, verum etiam Italis notum: neque novam lucem, elapsis iam tredecim annis, accepisse; nec passim a Numographis, ut solet, memoratum laudatumque vidisse. Ne diutius doleret, meam curam meosque sumtus obtuli, ac me quantocius in Symbolis meis editurum promisi. Statim ipse, quod fancitum fuerat, me rogante, scripsit Auctori Praeclarissimo P. FROELICH S. I. qui ea qua incoctus est humanitate, summa cum animi modestia et candore coniuncta, non solum adnuit coeptis, probavitque; verum etiam Tabulas aeri incisas cum Numorum xxxix. imaginibus ad me misit; favente meis studiis Excellentissimo Domino BARONE DE PFÜTSCHNER, IMP. CAESARI ET REGINAE Augustissimae a Secretioribus Consiliis, et Curis; adiecitque suis locis inferenda Additamenta non pauca, Mantissam, singulares quoque et insignes aureos Numos. Hos quidem omnes luculentius illustrasset, ni diuturnis curis distentus adhuc esset in digerendis disponendisque accurato ordine ac serie immensis promemodum antiquis Numis omnis generis, quibus refertum est toto orbe commendatissimum CIMELIARCHIVM REGIO-CAESAREVM, una cum Ornatissimo Collega suo Domino Valentino DV-VAL

Bi.

Bibliothecae Augustae, quae Florentiae servatur, Praefecto dignissimo. Adiecit etiam, pondere et notis probe expensis, Numismata XLVI. Siciliae et Italiae antiquissima; et alia XIII. pereximiae raritatis, quae in Regia-Caesarea Gaza adservantur, quae accurate descripsit et inlustravit: postremo AVGVSTALIVM NVMORVM AVREORVM Catalogum adtexuit, quos, praeter alios selectissimos et rarissimos, ostentat NVMOPHYLACIVM Nobilissimi Viri D. IOSEPHI DE FRANCE, qui bono Litterariae Reipublicae natus est. Ex hoc Catalogo perspicient periti quantum etiamnum adiungi Rei Numariae possit, et quam insignes opes in eodem Cimelio reconditae sint, in quod plura alia, eaque valde pretiosa, confluxere. En igitur, ERVDITE LECTOR, quoad potui, per me consultum delitescenti raritati huiusce Operis, quod se satis superque commendat, nec meis indiget laudibus.

In fronte Dedicatoriae Epistolae ad ornatum, exhibendum censui argenteum Numisma maximae magnitudinis, plane inaeestimabile, et singulare, quod, dum Florentiae esset, mihi perhumaniter ostendit idem praelaudatus Vir Clariss. DV-VAL; moxque in THESAURO REGIO-CAESAREO perpetuo servandum consecratum est. De

eo nonnulla inferius adnotantur pag. 123. Dum ostenderetur, et legitimum a peritis censeretur, fuit qui eius edtypum ex ipso archetypo sibi fecit: cuius exemplar nactus Nob. Eques Anglus Ioannes Bouverie, aeri incidendum curavit. Secutus suum ipsum autographum, quod perita manu delineatum idem DV-VAL ad me XII. Kal. Sept. An. MDCCXLIX. ut evulgarem, misit.

Symbolam suam, me rogante, in fine etiam dedit egregius eruditae Antiquitatis Interpres et Vindex, P. Eduardus CORSINIVS, in Pisano Lyceo Professor, qui observationibus suis Graecum Marmor Asiaticum in Froelichiano Opere adlatum pag. 116. perdocte elucidavit. Si haec probabis, LECTOR HVMANISIME, eo facilius alias veteris Numariae Rei opes accipere potero a Doctissimo Auctore P. FROELICH, cui ob haec, et alia eximia ingenii sui monimenta, quantum ei debeat Litterarius Orbis, perspicue liquet, ac Tibi luculenter exploratum est. Vale, hisque deliciis utere felix.



LECTORI SVO

AUCTOR

*SElecta quaedam VRBIVM, et POPVLORVM
NUMISMATA, quae per otium in Ci-
melio R. P. C. Granellii S. I. mihi con-
templari datum est, heic Tibi, LECTOR BE-
NEVOLE, exhibeo. Servire haec poterunt
Appendiculae loco ad eorum Numorum col-
lectionem, quos ubivis terrarum signatos,
et Angustorum, Caesarumve vultu, ac no-
mine carentes, viri Doctissimi Hubertus
Goltzius, et R. P. Harduinus S. I. evulga-
runt, atque eruditis animadversionibus illustra-
runt. Numi nostri, aut in istorum libris
non sunt; aut si sunt, est in ipsis ali-
quid repertum, quod novae lucis aliquantu-
lum adferre ad Rem Antiquariam possit.*

*II. In Animadversionibus meis quaedam
esse non diffiteor, quae quum adsequi certa
interpretatione non potuerim, coniectura per-
tentanda putaverim: ea ego Te, ERV DITE
LECTOR, non tam, ut credas, iubeo; quam,
uti discutias, illustres, emendes, invito,
ac rogo.*

*Opellam hanc in duas Partes dividere
libuit,*

libuit, quarum Prior Numos in Europeis Urbibus signatos, complectitur: altera in Asia percussos exhibet. Quia vero Vir Cl. Gorius se curaturum scripsit, ut hic libellus novis typis recuderetur, pauca, multis curis licet distentus, secundis curis expendere, et addere libuit, quae suis locis adiungenda monui; hisque submovi, quae non probabam. Nunquam antea editas adieci etiam Ponderum Assium antiquorum cum Italiae, tum Siciliae recensione; et rariorum aliquot in fine Numismatum Mantissam cum aliquot adnotationibus, quae scripsi dum in ordinem redigerem Cimeliarchium Numarium AUGUSTISSIMAE AVLAE VINDOBONENSIS, e quo Thesauro et multa alia isthic adnotata Numismata selegi. His igitur utere, et vale (1).

RE-

(1) Sed quoniam adeo devinctus sum Viro longe Celeberrimo ac Doctissimo P. FROELICH, qui me hucce Additionibus et lucubrationibus suis beavit, ut Eruditorum gratiam inirem: laborum meorum, qualescumque hi sint, maximum praemium duco laudari a laudatissimo viro, totoque litterario Orbe famigeratissimo; ideo non parcam modestiae meae, quin haec eius humanissimam Epistolam adponam, voti compos factus.

REVERENDISSIME AC ILLVSTRISSIME
DOMINE DOCTOR

Domine , ac Patrone plurimum
Colende .

INtellexi ex Epistola V. C. P. Zachariae
nostrae Societatis , velle Te , VIR CE-
LEBERRIME , novis typis resudendum cu-
rare libellum illum meum , nempe Animad-
versiones in quosdam Numos veteres Vr-
bium ; atque eum in finem a Te expeti ima-
gines Numorum cupro insculptorum . Equidem
solatio mihi utique non exiguo fuit , tanto
Viro , TIBI inquam , meas non displicere
nugas ; atque vel ideo easdem minus odi ,
vel propemodum amo . Itaque et gaudeo esse
mihi tituli aliquid , quo TE , Vir Celeberr-
me , per literas saltem alloqui , ac revereri
liceat : et quia illud optimum factu putavi ,
ipsas cupreas Tabellas ad Te ut statim trans-
mitterem , detuli eas ad Excellentissimum Do-
minum BARONEM DE PFÜTSCHNER , qui TE
pro summis meritis tuis , una cum omnibus Eru-
ditionis amatoribus , maximi facit . Idem gra-
tiose recepit se curaturum , uti eadem ad
TE recte perferantur , nullo , utz spero , tuo
vel sumptu , vel incommodo .

Si

Si itaque recudendus foret ille liber, cuperem omitti omnia non necessaria, quae in prior editione poni debuerunt: nempe hic titulus Libro esto: Animadversiones in quosdam Numos veteres Urbium: Editio altera auctior: omissa deinde dedicatione, illico ad Lectorem Praefatiuncula ponatur, adnotatis accessionibus factis, quas nunc Tibi indico. Vtinam otii mihi aliquid esset, ut limare augereque multo magis has lucubrationes possem! sed vix hisce scribendis hora suppetit. Hisce adiungi poterunt, quae separata Charta adscripsi Numismata ITALIAE et SICILIAE. Vale Vir Reverendissime, ac Doctissime, meique apud Deum memor, finito me Amicorum tuorum minimis accenseri

Viennae Austr. Prid. Kal. Sept. MDCCXLIX.

Indignum Christi Servum

FRASMVM FROELICH S. I.

I N D E X

N V M O R V M

IN EVROPA PERCVSSORVM

QVI IN PARTE I. INLVSTRANTVR

T A B V L A I.

CORCYRAE NIGRAE Num. I. II. III.

pag. I.

CAVLONIAE Num. IV. V. VI. VII. VIII.

pag. 12.

T A B V L A II.

MAMERTINORVM Num. IX. *pag.* 29.ERYCINORVM Num. X. *pag.* 33.MACEDONVM Num. XI. *pag.* 36.

ARGIVORVM una et EPIDAVRIORVM

Num. XII. *pag.* 37.LYSIMACHIENSIVM Num. XIII. *pag.* 41.

TOMITARVM Num. XIV. XV. XVI. XVII.

pag. 43.

T A

T A B V L A III.

MARCIANOPOLITARVM Num. XVIII.

pag. 49.

VRBIS ROMAE Num. XIX. *pag.* 51.

NVMISMATA SICILIAE *pag.* 63.

NVMISMATA ITALIAE *pag.* 63. ac sequentibus, quae ibidem enumerantur, et describuntur.

INDEX NUMORVM

IN ASIA PERCVSSORVM

QVI IN PARTE II. INLVSTRANTVR

T A B V L A III.

NVMVS NICOMEDIENSIVM Num.
XXV. *pag.* 71.

SARDIANORVM Num. XXVI. *pag.* 76.

CYZICENORVM Num. XVII. *pag.* 78.

T A B V L A IV.

ERYTHRAEORVM Num. XVIII. *pag.* 79.

TRALLIANORVM Num. XIX. *pag.* 81.

AT.

ATTVDEORVM Num. XXX. *pag.* 82.
 TIBERIOPOLITARVM Num. XXXI.
pag. 87
 AMISENORVM Num. XXXII. *pag.* 88.

T A B V L A V.

EV MENIS REGIS Num. XXXIII. *pag.* 91.
 ELAEVSIORVM Num. XXXIV. *pag.* 95.
 CORYCIOTARVM et HERACLEAE
 Num. XXXV. *pag.* 100.
 TRIPOLITARVM Num. XXXVII. *pag.* 106.
 TARSENSIVM Num. XXXVIII. *pag.* 113.
 SINOPENSIVM Num. XXXIX. *pag.* 114.



INSCRIPTIO ANTIQVA Asiaticis ad-
 censenda *pag.* 116.

MANTISSA Numismatum rarissimorum ,
 nunc primum, praecipue e Cimeliarchio
 Regio - Caesareo , depromptorum.

I. Numus argenteus maximae magnitudinis :

OCTAVIAE Sororis Augusti cum

TIBERIO, Capita exhibens. *pag.* 123.

II. MARCIANI AVG.

Numisma aureum *pag.* 126.

III. THEODORAE AVGVSTAE

Numisma aureum. *pag.* 127.

IV. THEODORI DESPOTAE

Numus aeureus. *pag.* 129.

V. TIBERII GRACCHI Quinarius

argenteus. *pag.* 131



NVMISMATA X. AVREA declinantis

Imperii, quae in Banduriano Thesauro desiderantur. Ex Cimeliarchio Regio-Caesareo Vindobonensi. *pag.* 134.

CATALOGVS Numorum Aureorum Augustalium, qui in Vaillantio et Bandurio desiderantur. Ex Museo Illustrissimi D. IOSEPHI DE FRANCE. *pag.* 137.



P. EDVARDI CORSINI Cl. Reg. Schol. Piar. In Pisana Acad. Professoris, Animadversiones in adlatam Graecam Inscriptionem Asiaticam. *pag.* 153.



NVMI IN EVROPA PERCVSSI

P A R S P R I O R



NVMI CORCYRAE NIGRAE

T A B V L A I.



UMI omnes ΚΟΡΚΥΡΑΙΟΝ,
vel ΚΟΡΚΥΡ, vel ΚΟΡ in-
scripti (nisi si qui istorum
ad Corinthios pertinerent)
ab Antiquariis haecenus ad
Corcyram, celeberrimam il-
lam in Ionio mari insulam,

Corfù hodie dictam, relati sunt. Ego vero,
quos heic subiiciam, tres parvi moduli ex
aere numos, elegantes sane, atque integros,
ΚΟΡ inscriptos, alteri Corcyrae insulae, et
urbi, quam ob rem tribuendos esse existi-
mem, post continuo, quam numos descri-
psero, pluribus exponam; illamque insu-
lam, cuius antiqua memoria haud ita vulgo

A

ce-

celebris est, paullo prolixius praedicabo. Numi nostri ita habent.

KOP. Κορκυραίων. *Corcyraeorum*. Satyrus nudus diotam, seu amphoram in aliud vas maius pone statutum effundit: a tergo Satyri pisciculus.

Nulla inscriptio. Bacchus nudus, tigride, vel pantherisco vectus. Vide iconem Tab. I. num. 1. Sequitur alter numus.

KOP. *Corcyraeorum*. Victoria stans, expansis manibus, et alis.

Aquila, aut alia avis maior stans, rostro fertum gerens; ex pampinis, botrisque contextum. Tab. I. num. 1.

Tertius numus nihil fere ab altero hoc differt, nisi quod avis, ferti loco, botrum unicum rostro tenet. Tab. I. num. II.

Hos numos non illi Corcyrae, quae Ionio mari circumfunditur, et olim Phaeacum Insula, Scheria etc. atque Graecis Scriptoribus fere Κέρκυρα, in numis tamen Κόρκυρα compellata legitur, adscribendos censeo; sed alteri Corcyrae vindicandos puto, quae a Veteribus Κόρκυρα ἢ Μέλαινα, *Corcyra Nigra* dicta est, propter umbrosas, quibus abundat, nigricatque, silvas: ab nostri temporis Graeculis *Zachalia*; ab Italis *Curzola*, vel *Curzula*, vel etiam *Corzola* nominatur. Sita ea est inter insulas Melitam, et Lesinam, quae

quae olim Pharos, vel Pharia : ab Dalmatico littore , ubi olim Onaeum oppidum , hodie *Sabioncello* constitutum est , exiguo Adriatici maris intervallo dirimitur .

Ad hanc porro Adriatici maris Insulam, prae altera illa celebriore Corcyra hosce numos pertinere , ex eo suspicari coepi , quod numi isti essent in Dalmatiae regione, huic insulae vicina , reperti , atque inde ad nos perlati . Ea suspicio in certam prope sententiam corroborata est ; posteaquam omnia , in primo illo , e tribus , quos proposui , numis consignata , deprehendi egregie plane , ac proprie Adriaticae huic Corcyrae convenire . Primo porro numo huic insulae , atque urbi adserto , nihil iam de aliis duobus dubitabam ; quod eodem ex loco adlati , et fabrica omnino persimili cussi essent , ac diversa ab ea , quam prae se ferunt alterius maioris Corcyrae numi .

Primo igitur in numo trium praecipue rerum consignata symbola contuemur ; Bacchi figuram , tigride , ut solet , vel pantherisco vecti ; Satyri simul (quod genus , Bacchi comites esse , nemo ignorat) qui fronte cornuta , cetera nihil ab homine difformis , ex amphora in vas aliud vinum effundere videtur . Quae ambo , uti et in aliis duobus numis , pampini , et uvae , ube-

rem vini in hac insula proventum significant. Alterum est pisciculi imago, hic certe non temere signata; sed pisciculorum divitem capturam, ab insulae huius incolis exerceri solitam, aperte indicans.

Iam vero, vini proventum quod concernit, eius testem habemus *Palladium Fuscum*, de situ, et ora *Illyrici Lib. 11*. Qui ita de Corcyra nostra: *A Pharo decem milibus passuum abest Corcyra Nigra, cum urbe cognomine: haec autem aetas utramque Curzulam vocitat; sed insula ambitu sexcentorum stadiorum, pinnastris redimita, et aquis abundans, fert frumenta, vinaque, et alia usui necessaria*. Alterum una confirmat *Sponius in Itinerario*, adnotans: Venetos Curzolam: quos nunc Dominos haec insula agnoscit, emolumenti plurimum, quod percipiunt, vini proventui, et pisciculorum capturae debere. Pisciculi isti, qui miri saporis sunt, notissimo nomine *Sardellae* appellantur; ab aliis etiam *Sardinae*, *Sardenae*, *Ligulae*, *Chalcides*, *Trichiae*, vel *Sardae*, etsi hoc minus recte, dicuntur.

Sponii narrationem Collega quidam meus, epistola ad me Flumine S. Viti anno superiore data, omnino confirmavit, quem ego hac super re, ille *Liburnos*, qui eam Insulam pernoissent, consuluit. Neque porro
du-

dubium est , quae nostra aetate huic insulae e terra , marique proveniunt (quando utriusque ingenium eodem in loco vix , ac ne vix quidem unquam mutari solet) olim quoque provenisse .

Comprobantur haec egregie tertio numi symbolo , vasorum , varia figura insculptorum , imagine , singulari arte , studioque in numo expressa . Nam fictilia variae formae vasa hodieque plurima in Corcyra nostra confici , ac diversas in oras venundari , quem paullo superius laudavi , Collega meus me per literas edocuit . Eandem autem , vasa varia e terra figendi artem , exercuisse , atque iisdem mercibus inclaruisse veteres Corcyrae Nigrae incolas , egregie contestatur *Aristoteles* , aut quisquis est auctor libelli : *Περὶ Θαυμασίων ἁκυσμάτων* , in quo ita lego : *Λέγεται δὲ μεταξύ τῆς Μεντορικῆς , καὶ τῆς Ἰσθριανῆς ὅρος τὸ εἶναι τὸ καλούμενον Δέλφιον , ἔχον λόφον ὑψηλόν .* *Επὶ τῆτον τὸν λόφον ὅταν ἀναβαίνωσιν οἱ Μέντορες , οἱ τῷ Ἀδρίῃ οἰκῶντες , θεωροῦσι τὰ εἰς τὸν πόντον ἐκπλέοντα πλοῖα .* *Εἶναι δὲ τινὰ καὶ τόπον ἐν τοῖς ἀνὰ μέσον διαστήμασιν εἰς ὃν ἀγορᾶς κοινῆς γενομένης , πωλεῖσθαι παρὰ μὲν τῶν ἐκ τῷ ποντὶ ἐμπορίων ἀναβαινόντων τὰ Λέσβια καὶ χῖα , καὶ Θάσια , παρὰ δὲ τῶν ἐκ τῷ Ἀδρίῃ τὰς Κερκυραϊκὰς ἀμφορεῖς .* *Locus longiusculus , ut sententia sibi constaret , adferendus erat ,*

quem ita Latine reddo : *Mentoricam inter et Istrianam regionem mons esse fertur , Delphius dictus , elato vertice conspicuus . Hunc verticem conscendentes Mentores , qui ad sinum Adriaticum habitant , speculantur navigia , in pontum venientia . Fertur quoque locus esse , aequo utrimque intervallo distans , in quo , nundinis publice constitutis , venduntur a mercatoribus e Ponto venientibus , vina Lesbia , Chia , et Thasia ; ab aliis mercatoribus Adriatici sinus , Corcyrenses amphorae .* Heic sane cum *Adriatici* mercatores *Corcyrenses* amphoras venum adferre dicantur , nulla ratione *Corcyram* , Ionico mari cinctam , intelligere licet . Quod vero non Κορκυραικὴς , sed Κηρκυραικὴς scriptum habeatur , dixerimque superius *Corcyram* *Phaeaciam* plerumque Κέρκυρα , alteram Κόρκυρα scriptam offendi , nihil heic obest ; quando et nostra *Corcyra* , etsi rarius , Κέρκυρα , exprimitur . Dionysii Periegetis Commentator *Eustathius ad vers. 494* . Ita praeclare de utraque *Corcyra* : Δύο δὲ Κέρκυραι εἰσὶν , ἡ τε Φαιακίς , πρὸς τῷ Ἰονίῳ κόλπῳ — ἑτέρα δὲ Κέρκυρα ἐντὸς τῆς Ἰονίας , διὰ τῆς οὐ μάλιστα λεγόμενης Κόρκυρας , ἡ καὶ Μέλαινα καλεούμενη . *Duae autem Corcyrae sunt , Phoeacia altera in sinu Ionio : altera Corcyra intra Ionium (nempe in Adriatico sinu) per o parvum plerumque appellata Corcyra , etiam Nigra cognominata .*

Vasa haec Corcyrenſia *Plinius* quoque, etſi magis generico uſus nomine, Corcyrae noſtrae adiudicare videtur *Lib. xxxv.* ubi de vafis fictilibus agens, et meliora enumerans, Adriatica vafa commendat his verbis: *Adrianis firmitas*.

Neque illud mihi heic aliquis obiiciat, non videri, exiguam, et haud ita clari nominis inſulam, ac urbem monetae cudendae aut habuiſſe exercitium, aut ius a Romanis obtinuiſſe. Sunt enim veterum Scriptorum teſtimonia complura in promptu, quae vetuſtatis memoriam, claritatemque nominis huic noſtrae Corcyrae adſerant; quippe cuius et Hiſtorici quidam, et Geographiae Scriptores veteres, praecipui nominis, omnes meminerint.

Bellum Illyricum, quod anno V. C. 524. coeptum, et anno altero cum Teuta, Illyrici Regina, geſtum, atque conſectum eſt a Romanis, *Polybius Lib. II.* deſcribens, frequenter Corcyrae meminit: eandem a Teuta primum occupatam, ſubinde a Romanis receptam eſſe: mox Iſſios quoque, et Pharum in Romanorum poteſtatem veniſſe, deſcente ſeſe Demetrio Phario. Similia de Corcyra memorat *Appianus de Bell. Illyr. Romani Corcyram, Pharum, Eſſios* (Iſſios) *atque Epidamnium acquiſſere* — *Corcyram, et Apol-*

Ioniam libertate donavere. Quibus vero libertas data est, monetae quoque flandae, ac feriundae potestatem confirmatam, aut indultam esse, non est incongruum. Victoriae typus in duobus numis nostris perve-tustis, hanc Romanorum victoriam, quae Corcyrae huic libertatem peperit, indicare potest.

Corcyram vero, de qua dictis locis Polybius, et Appianus agunt, Nigram intelligi oportere (etsi alibi nonnunquam dubie loquantur, atque etiam de altera Corcyra, dum de itinere, et appulsu Classium agitur, accipi possit pars narrationis) ex eo manifestum fit, quod uterque Scriptor Corcyram cum Issiis, et Pharo eadem narrationis serie coniungat. Fuisse vero Corcyram nostram Issiis, et Pharo proximam, Geographiae antiquae Principes omnes contestantur. *Strabo Lib. 11. de Adriatico sinu*: *Ἐτι δ' Ἰσσα, καὶ Τραγῦριον, καὶ ἡ Μέλαινα Κόρκυρα, καὶ Φέρες. Praeterea Issa, et Tragurium, et Nigra Corcyra, et Pharus*. Idem paullo aliter profert *Ptolemaeus Lib. 11. ad finem*: *Τῇ δὲ Δαλματίας νῆσοι παράκεινται Ἰσσα καὶ πόλις. Τραγῦριον καὶ πόλις. Φαρία καὶ πόλις. Κόρκυρα ἡ Μέλαινα. Dalmatiae vicinae iacent insulae: Issa, etiam urbs, Corcyra Nigra*. Easdem omnino insulas, nisi quod loco Tragurii Me-

Melitam inferat, confociat *Agathemerus Hy-
potyp. Geogr. Lib. I. Cap. 5.*

Non sunt praetereunda silentio *Plinii*
verba *Lib. II. Cap. 26.* quibus eadem con-
firmans, aliud quoque de origine Corcy-
rensiū nos docet: *Iſſa Civium Romanorum,*
et cum oppido Pharia: Corcyra, melaena co-
gnominata, cum Gnidiorum oppido distat xxv. m.
passuum, inter quam, et Illyricum Melita.
Gnidios, seu Chidios Coloniam in Corcy-
ram deduxisse, *Scymnus* etiam, et *Strabo*
Lib. VII. confirmant, qui posterior Corcyram
Nigram *Κνιδίων κλίμα, Gnidiorum Coloniam*
appellat.

Ea res heic rursus aliquid offert, quod
cum numis Corcyrae Nigrae, quos protuli-
mus, non illepide congruere videatur; quan-
do Gnidiiis eadem e terra marique, quae in
aere suo Corcyrenses Coloni ostentabant,
emolumenta provenisse, apud veteres Scri-
ptores reperio, aut in ipsis numis conspicio.
Pisciculorum capturam celebrem ad Gnidum
fuisse, discimus ex *Aristotele Lib. VI. Histor.*
Animal. Cap. 15. Eubulus apud *Athenaenum*
Dipnosoph. Lib. I. commendat inter cetera
Κνιδεία κεράμια, Vasa figlina Gnidiorum. De-
nique Bacchum, et botros in monetis suis
consignarunt Gnidii, uti apud Vaillantium,
et Harduinum videre est. Propria igitur, et
Me-

Metropoleos quoque suae fertilitatis , et emolumentorum symbola in aere suo Corcyrenses exprimebant , qui Graecae item linguae usum a Gnidiis accepisse videntur. Gnidus enim , quanquam Cariae urbs esset , Graecis tamen a civibus , ut aliae permultae Asiae urbes , incolebatur : etiam a *Scylace πόλις Ἑλληνίς* , *urbs Graecanica* compellata .

Romanorum quoque monumenta vetera in hac nostra Corcyra non desiderari , fidem facit *Ioannes Lucius* , qui inter *Inscriptiones Dalmaticas* , unam ex Aldo refert , quae in Scopulo Corcyrae Nigrae prope Franciscanos reperta est , et ita habet :

D. M. S.

VRSINVS . ET .

EVTYCHIA . PARENTES .

INFELICES . VRSINO .

FILIO . PIENTISSIMO .

P O S .

ANN. XXV.

Expositis iis , quae ad Corcyram hanc nostram , numorum ope illustrandam , faciunt ; illud etiam probabili e dictis sequela deduci posse videtur : numos illos , qui singulari symbolo diversas vasorum figuras in eadem facie exhibent , cum epigraphe

ΚΟΡ.

KΟΡΚΥΡΑΙΩΝ , aut KΟΡ . Nigrae potius , quam Phaeaciae Corcyrae adscribendos esse : ubi praesertim fabricae ratio numis nostris similior deprehenderetur . *Goltzius* et *Bege-
rus* numum unum , alterumve simili cum , typo sistunt : atque unum quidem , in cuius facie eadem , tria adeo variae formae vasa exhibentur , cum epigraphe KΟΡΚΥΡΑΙ , alterum , praeter amphoram , botro decoratum , cuius inscriptio KΟΡ .

De origine nominis Κόρυρα , vel Κέρκυρα , cum certi nihil habeamus , vix operae pretium me facturum putabam , si aliquid adnotarem . *Pausanias Lib. 11. Cap. 5.* adstipulante *Stephano* , a Corcyra , Asopi filia , originem petunt : alii a voce Κέρκυρος , quae brevioris navigii genus significat , quo harum insularum incolae praecipue usi fuerint .

Numus Corcyrae Nigrae , qualem primo loco proposui , etiam habetur in Cimelio celeberrimi Monasterii Gotviciensis , quod Reverendissimus , et Eruditissimus Dominus eiusdem Monasterii Abbas GODEFRIDVS , cum aliis pretiosissimis Rei Literariae opibus , ad totius Austriae nostrae ornamentum , collegerat .

„ Similis Numus in Gaza Caesarea Vin-
„ dobonensi servatur , atque in his certe le-
„ gitur

„ gitor ΚΟΡ. Attamen similis fere numulus
 „ exstat in Cimeliarchio Saxo-Gothano, in
 „ quo distincte legitur ΚΟΛ, loco ΚΟΡ, uti
 „ per Epistolam me edocuit eius Custos di-
 „ gnissimus Celeberr. D. Schlaeger, qui eun-
 „ dem numulum *Colophoniis*tribuendum,
 „ censet: quod iidem, teste Athenaeo Lib.
 „ XII. pag. 526. vinolentiae dediti essent;
 „ et τὸ Κολοφῶν, Hefychio teste, piscem
 „ quemdam marinum significarit. Nihil fa-
 „ ne ostat, quin diversae Vrbes similibus
 „ figuris, ac typis ob similes causas ute-
 „ rentur.

NVMI CAVLONIAE.

TABVLA I.

QVarum rerum uberiore proventu felices
 essent populi, earum signa suis mone-
 tis intulisse, in Corcyrae Nigrae numis vi-
 dimus. Similibus quoque symbolis numos
 suos ornasse Cauloniatas, in praesenti di-
 spiciemus. Cauloniae Italicae originem, fa-
 ta, soli ubertatem, atque etiam alia in hu-
 ius urbis numis expressa, propterea pluri-
 bus exsequi constitueram; quod, qui hac
 de re scripserunt, alii non satis recte quae-
 dam, alii non satis: quidam ingeniosa, et
 ar-

arguta potius , quam vera , aliqua adnotaverint .

Duos Cauloniatarum numos , ab aliis nondum prolatos , qui singularia quaedam prae se ferunt , exhibebo ; illorum quoque numismatum , quae ante me alii produxerunt , ut res tota melius illustretur , mentionem faciendam duxi . Atque ut suo omnia ordine procedant , primum de Cauloniae nominibus , origine , situ , casibus agam : deinde ea , quae ad numerorum expositionem , pertinent , ita pertractabo ; ut posteaquam , quae fuerit aliorum sententia , exposuero , quae meae sint opiniones , in medium proferam .

Vrbs haec , quam ornandam suscipimus , *Caulon* , et *Aulon* , item *Caulonia* , et *Auloniam* , apud veteres Auctores scripta reperitur . *Caulon* adpellatur a *Virgilio Lib. II. Aeneid. vers. 553.*

*Hinc sinus Herculei (si vera est fama) Tarenti,
Cernitur . attollit se Diva Lacinia contra ,
Caulonisque arces .* —————

Eodem nomine usi sunt *Plinius Lib. III.* et *Ovidius Metam. Lib. XV. vers. 705.* ubi canit :

————— *Caulonaque , Naryciamque .*

Au-

Aulon vero dicta est haec urbs ab *Horatio Lib. 11. Carm. Ode 6.*

——— *amicus Aulon*
Fertili Baccho nimum Falernis
Invidet uvīs .

Martiali quoque *Lib. XIII. Epigr. 125.* appellatur : *Felix vitibus Aulon* . Auloniae una et Cauloniae nomen commemorat *Strabo Lib. vi.* et originem adtingit : Μετὰ δὲ τὴν Σάγραν , Αχαιῶν κλίσμα Καυλωνία , πρότερον δὲ Αὐλωνία λεγομένη διὰ τὸν προκείμενον αὐλῶνα , ἔστι δὲ ἔρημος . *Post Sagram est Caulonia, Achaeorum colonia , antea Aulonia dicta , propter adsitam vallem (αὐλῶνα) nunc deserta.*

Vtriusque huius nominis meminit quoque *Stephanus* , et pro Aulonia , vitiose dictum putat Caulonia , ut *Epitaurus* , pro *Epidauros* : addit gentile nomen , quale numi comprobant , Καυλωνιάτης . Cauloniae nomen a plerisque Scriptoribus veteribus usurpatur , a *Diodoro Siculo* , *Pomponio Mela* , *Pausania* etc.

Nominis originem , et urbis ipsius , aliam quam *Strabo* prodiderat , adfert *Servius in Virgilii locum supra laudatum* : cuius haec sunt verba : *Caulon mons est Calabriae : in quo oppidum fuit , a Locris conditum . — Alii a Caulo , Clitae Amazonis filio , conditum tradunt .*

dunt. Rursum vero idem *Strabo Libro citato*, a Siculis, qui antea urbem Cauloniam in Sicilia habitabant, alteram hanc Cauloniam in Italia conditam, seu potius Auloniam, instauratam esse testatur; postquam ipsi nempe a Barbaris suis sedibus exacti fuissent. Alterius in Sicilia Cauloniae Stephanus quoque memoriam conservavit.

Ad conciliandas has, quibus in diversa, abeunt, de Cauloniae Conditoribus veterum Scriptorum sententias, Diodorus, Pausanias, et Livius faciem praeferunt; e quibus colligo, ter Cauloniam Italicam conditam, ter everfam fuisse, usque ad primum Augustorum saeculum, ad cuius medium vixit Strabo.

Condita primum est ab Achaeis Aulonia, vel Aulon, et quidem duce Typhone Aegienfi, uti cum Strabone Pausanias perhibet; atque adeo illam de Caulo, Amazonis filio, sententiam, quam e vulgi rumusculis dubius ipse Servius refert, ad fabulas ablegandam censeo. *Pausanias* his rem complexus est verbis, *Lib. vi. Καυλωνία δὲ ἀπὸ κτίσθῃ μὲν εἰς Ἰταλίαν ὑπὸ Ἀχαιῶν. ἐκκιστῆς δὲ ἐγένετο αὐτῆς Τύφων Αἰγίεύς. Caulonia (tum Aulonia) est ab Achaeis in Italiam deducta Colonia. Conditor eius fuit Typho Aegienfis.*

Primum everfa est a Dionysio Seniore,
Sy-

Syracufarum Rege, circa annum V. C. 366. De quo Auloniae casu, eius incolis Syracufas abductis, ita *Diodorus Sic. Biblioth. Histor. Lib. xiv.* scriptum reliquit: Τὴν δὲ πόλιν καταστρέψας τοῖς Λοκροῖς τὴν χώραν Καυλωνιατῶν ἐδωρήσατο. *Urbe eversa*, Dionysius, *regionem Cauloniatarum Locrensisibus dono dedit.*

Interea temporis Cauloniae Siculae cives a Barbaris, uti *Strabo Lib. vi.* refert, suis sedibus expulsi, in Italiam ad Locrenses confugere; qui Auloniae everfae agrum ipsis colendum concesserunt, atque ad condendam novam Cauloniam Auctores, Adiutoresque fuerunt. Inde factum existimo, ut *Strabo Siculos Cauloniatas*, *Servius vero Locrenses*, restitutae Cauloniae Conditores, recte aliquo modo uterque, compellaret. Ob hanc quoque Locrensi in Siculos Cauloniatas benevolentiam, auxiliumque, videtur aliam adhuc Cauloniam *Stephanus* in Locrensi agro constituisse: Ἐστὶ καὶ ἄλλη Λοκρῶν.

Subinde, Pyrrho Epirota Italiam bellis miscente, alteram ruinam Caulonia subiit circa annum V. C. 477. Factum id esse a Campanis, Romanorum in eo bello sociis, narrat *Pausanias Lib. vi.* Πύρρος δὲ τῷ Αἰακίδῃ, καὶ Ταραντινῶν ἐς τὸν πρὸς Ρωμαίους πόλεμον καταστάντων, ἀλλάξει τε τῶν ἐν Ἰταλίᾳ πόλεων ἐγένοντο αἱ

αἱ μὲν ὑπὸ Ρωμαίων, αἱ τε ὑπὸ τῶν Ἑπειρωτῶν ἀναστατοί. Κατέλαβε δὲ ἐς ἅπαν ἐρημαθῆναι καὶ τὴν Καυλονίαν, ἄλῃσαν ὑπὸ Καμπανῶν οἱ Ρωμαίων μεγίστη τῇ συμμαχικῇ μοῖρα ἦσαν. *Pyrrho autem Aeacide, atque Tarentinis adversum Romanos belligerantibus, aliae Italiae urbes ab Romanis, ab Epirotis aliae eversae sunt. Accidit autem, ut Caulonia omnino deserta facta fuerit, capta a Campanis, qui pars maxima erant sociorum Populi Romani.*

A quibus tertium erecta fuerit Caulonia, certi nihil habeo, quod proferam; suspicor a Crotoniatis id factum esse. Nam *Solinus Cap. viii.* a Crotoniensibus Cauloniam conditam memorat; quos ad haec tempora referre, quum Conditores aliorum temporum alios iam teneamus, non importunum fore arbitrabar. Instauratam tamen tertium fuisse Cauloniam, ex *Livii Lib. XXVII. Cap. 14.* constat. Narrat is, Cauloniatas bello Punico secundo ab Hannibalis partibus stetisse, et urbem eorum a Valerio Laevino, iussu Q. Fabii Maximi oppugnatam; aut ab Hannibale obsidionem solutam fuisse. Romani perfidam urbem sub finem belli huius Punici diruisse videntur; quum constet, Strabonis tempore desertam fuisse; quod et *Plinius Lib. 111. Cap. 10.* perhibet: nec alia bellorum occasio adsignari fortasse possit, qua deinde Caulonia ruinam subierit.

Quonam tempore, post Plinii aevum, rursus locus iste habitatores nancisci coeperit, porro inquirere nostri non est instituti. Nunc est exiguum oppidum, vulgo *Castel vecchio* dictum, quod a *Gabriele Barrio Lib. III. de antiquit. et situ Calabriae*, ita describitur post Crotonem: *Inde est Castro vetum oppidum, edito, salubrique loco situm inter Alarum, et Musam amnes, torrentinis, et anguillis fecundos; undique rupibus septum etc. Aulon quidem vallem, planitiemque, ac florida loca significat: Caulonia vero iactantiam, quod ob loci salubritatem, rerumque opulentiam praecellat. De Cauloniae nominibus, origine, situ, et casibus, ad illustrandos facilius numos veteres, haec tantum.*

Cauloniatarum numos, quos haud ita magno numero detexerunt Antiquitatis studiosi, omnes ante ruinam, quam exeunte bello Punico secundo subiit Caulonia, cufos esse, ex eo liquet, quod longissimo deinceps tempore desertus ille locus iacuerit, et numi magnam vetustatem prae se ferant. Neque tamen horum, quos teneamus, aliquos ante primum huius urbis excidium percussos esse puto; quod et fabrica sit perelegans, et omnes ΚΑΥΛΩΝΙΑΤΑΝ, non ΑΥΛΩΝΙΑΤΑΝ, inscripti repariantur.

Qua-

Quatuor Cauloniatarum numos *in Magna Graecia Goltzius* protulit, qui ita habent :

Jupiter nudus stans, sinistra extensa, ex qua taenia pendet : dextra fulmen gerit ; ex parte monogramma, quod vide Tab. I. num. III. legendum coniicio Τύφων, qui fuit primus, uti diximus, Cauloniae Conditor.

ΚΑΥΛΩΝΙΑΤΑΝ. *Cauloniatarum*. Cervus stans. Hunc numum etiam Begerus exhibuit. Sequitur alter.

ΚΑΥ. Iupiter sine taenia, ex parte cervulus.

ΚΑΥΛΩΝΙΑΤΑΝ. Cervus, vas, et litera Φ. Fortasse loco ϙ lectum est Φ. Nam prior ille character, ϙ vetus Koph, Κροτωνιατῶν signum etiam in veteribus numis erat. De Crotoniatis Conditoribus dictum est. Sequitur tertius.

ΚΑΥ. Iupiter solita figura.

ΚΑΥΛΥΝΙΑΤΑΝ. Cervus, et ramus, cum monogrammare, quod vide Tab. I. num. IV. Ramus lauri esse videtur. Sequitur quartus Goltzii.

ΛΥΑΚ. pro ΚΑΥΛ. inverso situ. Jupiter.

ΛΥΑΚ. Cervus, et ramus, qui oleae simillimus. Vide Tab. I. num. v. Doctissimus Begerus in *Thesauro Brandenburgico* alium adiicit, en illum !

Jupiter stans, dextra fulmen torquet, super sinistra extensa masculus nudus stat, expansis manibus; ea figura Begerus putat Dionem Cauloniaten, celebrem athletam, aut cervorum venatorem indicari: mihi posterius placet.

Cervus stans.

Sola epigraphe ab aliis diversum, e Cimelio Galliarum Regis, R. P. *Harduinus*, produxit numum sequentem:

KATA. Iovis Tonantis, ac cervi effigies.

ΑΤΑΚ. inverse pro KATA. Cervus.

Nostri duo numi ita habent, quorum typos vide Tab. I. num. VI. et VII.

Iupiter nudus stans d. fulmen, s. extensa, sub qua cervulus, et aratrum: ad dextram apes collectis alis:

KATAΩNIATAN. *Cauloniatarum*. Cervus bene latis cornibus, quibus annosi cervi superbire solent: unicum tantum cornu adparet; in area ramus frugifer. Est argenteus, elegantissimus. Sequitur alter.

Iupiter solita figura: in area rude cornu copiae, et piscis.

KATAΩ — N. Cerva stans. Argenteus, medii moduli, uti et praecedens.

„ Mirabile aliud numisma argenteum
 „ *Cauloniatarum*, latum, et incusum, ad-
 „ cessit interea Cimeliis Collegii Vindobon-
 „ nensis S. I. in quo Iupiter nudus solita
 figura

figura comparet cum epigraphe retrograda, ΛΥΑΛ, hoc est ΚΑΥΑ. quae numisma, pervetustum arguit.

Numorum istorum perpetuum, ac velut proprium Iovis Tonantis, ac Cervi esse symbolum videmus. *Barrius* loco laudato, minus recte, in numis fortasse multum attritis, figuram illam nudam stantem agnovisse videtur; nam fulminis loco eidem palmae ramum tribuit, et Cresum (ita legit) nescio quem, referri existimat, qui, quum cervum fugaret, in fluvium prolapsus sit. Historiam similem apud *Pausaniam Lib. VIII.* forte legerat *Barrius*,. ast illic de Arcadia sermo, nullumque illi venatori nomen datur: nisi forte ob iaculandi peritiam, qua Cretenses, teste *Aeliano Histor. var. Lib. I.* excellebant, Cres, vel Cressus fuerit a Barrio appellatus. Sane Iupiter Tonans, in omnibus, quos retuli, Cauloniarum numis exhibitus, facile *Barrium* cum incerta sua historia refellit.

R. P. Harduinus Iovem Tonantem, cum cervo illo loco *Psalmi XXVIII. v. 9.* ingeniose illustrat: *Vox Domini praeparantis cervos*: quod de tonitruum fragore accipendum monent Interpretes, quo cervarum partus promoveatur. Magis id adnotare poterat, si cervam, quam in solo nostro numo intuemur, consignatam offendisset.

Existimo tamen Cauloniatas , quod nunc inquirō , tam ingeniosos vix fuisse , ut huc respicerent .

Doctissimus Begerus , cum Achaeorum coloni fuerint Cauloniatae , et id e Strabone constat , apud Achaeos celebre Iovis Templum , frequentes item cervos fuisse , erudite coniicit , haec esse vetusta Achaeorum signa a Cauloniatis in Conditorum memoriam assumpta . Non eo inficias , ad Conditorum quoque symbola adluisse his figuris Cauloniatas ; vix tamen , quod domi suppetit , foris esse quaerendum mihi persuadeo . .

Itaque Iovis figura indicari credo (quod post Goltzium , etiam obiter monuit Begerus) cultum Iovis *Ομοπλῆ* , quasi dicas : *Confinis* , seu *Finium Tutatoris* . *Homorii* enim Iovis celebre Templum a Cauloniatis , foederatisque populis constructum esse , *Polybius Lib. II.* perhibet : verba etiam Barrius alia occasione (etsi in editione Graevianae Collectionis male *Aristotelis Lib. II. Pol.* loco *Polybii* adducatur auctoritas) ita protulit : *Siquidem Crotoniatae , Sibaritae , Cauloniatae , compositis inter se unanimiter rebus , primo Omenii* (legendum *Homorii*) *Iovis Templum publice constituerunt , ubi et conciones fieri , et cum populo agi posset .*

Cervorum figuras ad cervorum frequentiam ,

tiam , quibus abundat Cauloniae ager , omnino refero. *Barrius* libro laudato : *Fiunt venationes uberes aprorum, cervorum, et aliorum silvestrium animalium*. Certe alias quoque fertilis terrae divitias in argento signavere Cauloniatae . In numo nostro apīs mellis praestantiam , copiamque indicat : aratrum agriculturae opes : vas in Goltziano numo vini ubertatem , et una vasorum , quae illic fingerentur , bonitatem iactat : oleae ramus, olei proventum prodit . Quae omnia , praeter Poetas , initio productos , *Barrius* rursus ita confirmat , regionis huius apprime gnarus : *Fiunt Cauloniae vina, bonitatae mirifica, item olea, et mella clara, et caseus, et hippaces laudatissimi, et figlina opera non vulgaria*. Piscium quoque exquisiti saporis copia , quos duos amnes Alarus , et Musa sufficiunt , piscis effigie in numo nostro commendari videtur : qua de re superius e Barrio iniecta est mentio ; qui idem foli salubritatem , ac fertilitatem in universum commendat , quae in numo nostro cornu copiae exprimitur , et ab *Horatio* quoque comprobatur , dum *beatam* praedicat Cauloniam , *Ode citata* :

Ille Te mecum locus , et beatæ

Postulant arces .

Antequam de planta in nostro numo elegantissimo expressa, aliquid proferam, Goltzii opinionem heic praeterire silentio non possum, qui ramusculos in numis suis expressos, propterea, quod cervo adsignatos videret, illico dictamni nomine compellavit. Eruditissimus *Spanhemius de usu, et praestantia vet. Num. Tom. I. Dissert. vi. §. 8.* de Goltzii lapsu dubitat, et lauri ramos dicere mavult. Atque ego quoque alterum horum ramusculorum, in numo III. lauri esse existimo, tum ex figura ipsa, tum ex adiecto monogramate ΑΠ. quo Apollinem honoris ergo designasse videntur, cui laurus sacra: vel quod multa laurus apud Cauloniam cresceret, quam Apollini gratam credebant.

Illa vero de dictamno opinio mihi plane nullo modo sustineri posse videtur. Nam primum, uti docet *Theophrastus Lib. IX. Hist. Plant. Cap. 16.* τὸ δὲ Δίκταμνον ἰδικὸν τῆς Κρήτης. *Cretae proprium est dictamnium.* Atque illic quoque, si Plinio fides, non spatiose subnascitur. Alienam vero herbam cur signarent Cauloniatae? Deinde forma ipsa ramusculorum in Goltzianis numis, nihil sane, aut omnino modicum, ad dictamni speciem adcedit; quae herba, si eam, quae a plerisque recepta est, sententiam sequar, et formam contempler, quae

quae apud Rovillium, Mathiolum, Tabernaemontanum, et alios expressa habetur, est foliolis prope orbiculatis, ea fere forma, et ordine, quo numularia: singulisque caudicibus e terra enascitur, et oblongos in apice strobilos profert. Si vero ex Arabum Auctorum mente, de quibus *Gesnerus in Cervo*, Pulegium cervinum, verum dictamnium, aut simillimum certe dictamno esse dicam: cuius formam melius, atque alteram modo relatam, Elyriorum in Creta numus a Spanhemio relatus, exprimit; Goltzianis tamen ramusculis, qui ab hac quoque forma abludunt, nihilo magis dictamni nomen adferetur. Discrimen istud clarius ut pateret, numum illum Elyriorum heic quoque recudendum curavi Tab. I. num. VIII.

Neque dicere iuvat, fortasse hic Pseudictamnium signatum fuisse; quod id non in sola Creta provenisset, teste *Dioscoride Lib. III. Cap. 443*. Τὸ δὲ ψευδοδίταμνον καλέμενον φύεται ἐν πολλοῖς τόποις. *Planta, Pseudodictamnium dicta, multis in locis nascitur*. Verum cum ramusculi isti sincero dictamno dissimiles sint, adulterino quoque esse similes non possunt; quando eadem forma Pseudictamno, si folia spectes, quae et dictamno vero, a *Theophrasto* tribuitur *Lib. IX. Cap. 16*. Τὸ δὲ ψευδοδίταμνον τῷ μὲν φύλλῳ ὅμοιον,

ὁμοιον , τῷ κλωνίῳ δὲ ἐλάτῳ . *Pseudodictamnium est folio quidem simile dictamno , minoribus tamen ramis .*

Denique quod Goltzium impulisse videtur maxime , ut ramusculos illos dictamo tribueret ; id me , uti id negem , adducit maxime : neque cervo adsignatos esse hos ramos *Plinio* vero teste *Lib. XXV. Sect. 53.* dictamno tanquam praesentissimo remedio utuntur in Creta cervi , ad eiicienda e corpore iacula , quibus a venatoribus confixi sunt . At enim aliter nos docent , e quibus sua quoque hausit *Plinius* , *Aristoteles* περὶ θανμασίων ἐκασμάτων , et *Theophrastus* *Lib. IX. Hist. Cap. 16.* qui dictamnium a capris , non a cervis in Creta dictum in finem expeti contestantur . *Aristotelis* haec sunt verba : Αἱ ἐν Κρήτῃ αἶγες , ὅταν τοξευθῶσι , ζητῶσιν , ὥς ἔοικε , τὸ δὲ κλωνιον , τὸ ἐκείνῳ φερόμενον . ὅταν γὰρ φάγῳσιν , ἐνθὺς ἐκβάλλουσι τὰ τοξεύματα . Caprae in Creta , dum sagittis figuntur , quaerunt , uti fertur , dictamnium , quod illic nascitur ; nam continuo , atque comederint , sagittas eiiciunt . *Aelianus* etiam egregius rerum naturalium scriptor , nequaquam *Plinium* , qui medio fere saeculo praecesserat , cacce sequutus est ; sed veterum fontes consulens , capris , non cervis , dictamni usum adscripsit *Lib. I. Histor. Var.* Goltzianis itaque in numis , si omnia spe-

speciem, nequaquam dictamni; sed, quod forma ipsa, et foli ingenium suadet, lauri, et oleae ramum effictum esse, dicendum videtur.

Iam vero cuius esse plantae putem ramum, fructibus secundum, qui in nostro numo elegantissime, curatissimeque expressus habetur, porro dispiciendum est. Est vero hic ramus a Goltzianis iuxta, atque a dictamni forma plane abhorrens: et quamquam optime in argento (utinam ita in iconismo) ac distincte lineamenta omnia, efficta sint; fuit tamen non mihi modo, sed Botanicae rei peritioribus, quos consului, arduum visum eam plantam agnoscere. Plantarum fere omnium, quibus cervi gaudent, quaeque Calabriae climati conveniant, effigies excussi; nempe Elaphoboscum, seu ut etiam Dioscorides nominat, Eleliphascum, Sefeli, Spinam cervinam, Cynaram, seu Carduum altilem, Sambucum filvestrem, Arum, et si quae sunt aliae: verum aliqua harum, ut Elaphoboscum, Sambucus, Sefeli non satis; aliae nihil omnino similitudinis cum planta nostra offerebant. Folia equidem si speciem, vitem dicerem; sed grana plura, nec e tam longo pediculo pendentia, si vitis efficta esset, numus referret: quoniam et botris avide inhiant cervi, et vini generosi fertilis erat
ager

ager Cauloniae. Denique, si quidquam cervis proprium heic quaerendum est, *Solanum* hac plantae nostrae effigie repraesentari puto; cum inter *Solani* varias species, sit etiam eiusmodi reperire, quae folio ad vitem proxime adcedat, et grana quoque simili, ut numus habet, figura proferat: qualis est illa *Solani* species, quae quidem *hortensis*, Graecis τρύχρος, vel στρύχρος κηπίος dicebatur; sed Rovillio vade, iam vulgo, et invitis cultoribus crescit, ut silvestrium Plantarum ordini adcenferi possit. De hoc, aut simili Solano *Gesnerus in Cervo* ex *Hieronymo Trago* haec refert: *Cervi*, mares dumtaxat, *Solani* genus silvaticum, nostri baccas soporiferas vocant; et similiter *Sambucum silvaticum*, sive montanum, cui in umbellis grana croci instar rubent, mirum in modum amant, et per aestatem illic plerumque versantur, ubi hae plantae virent: solent enim iisdem fere locis nasci. Depascuntur autem frondes tantum, non etiam baccas. Femina utrisque tum *Solano*, tum *Sambuco* iam dictis abstinet: nisi cum foetum masculinum gestat; tunc enim, marium instar, eis deletatur. Est vero in hoc nostro numo cervus mas. Si nec hoc quidem placet; dicam ramusculo nostro, quod fagi glandiferae prope similis sit, silvas glandiferas indicari, quibus Cauloniatarum regionem abundare *Barrius* testatur.

NVMVS MAMERTINORVM.

TABVLA II.

AΔΡΑΝΟΥ. *Adrani*. Caput galeatum, promissis crinibus, et barba.

MAMERTIN. *Mamertinorum*. Canis stans. Tab. II. Num. IX. Aeneus parvae formae.

Profertur quidem inter Parutae numos, quos doctissimus *Havercampus* auxit, & illustravit, similis utriusque faciei typus; sed, quod nullibi me vidisse memini, *Adrani* nomen adscriptum non comparet. Feliciter quidem, et erudite *Havercampus* adsimilem galeati capitis figuram coniecit, Deum Adranum referre; sed monumenti veteris certa deerat auctoritas, quam nunc hoc numo sufficimus.

Messanenſes in Sicilia, quum a Mamertinis, Brutiorum populo, in potestatem reſecti eſſent, Mamertinorum ſubinde nomine fere compellatos fuiſſe, *Strabo Lib. VI. et Plinius Lib. III.* docuerunt. Numus hic noſter ad Siciliam referendus eſſe, vel ob ipſam *Adrani* epigraphen, videtur. Proprius ſiquidem, et Indigena Siculorum Deus Adranus eſt habitus. De eo ita *Plutarchus in Timoleonte*: *Ἀδρανῖται πόλιν μᾶλλον μὲν, ἱερὰν δ' ἔσαν Ἀδράνε θεῷ τινὸς τιμωμένη ἐν*
ολη

ὅλη τῇ Σικελίᾳ, κατοικῶντες. *Adranitae exiguam quidem urbem, sacram tamen Deo cui-dam Adrano, qui in tota Sicilia colitur, inhabitant. Templi quoque huius Adrani meminit Aelianus Lib. XI. Hist. Animal. Cap. 20.*
 Ἐν Σικελίᾳ Ἀδρανός ἐστι πόλις, ὡς λέγει Νυμφόδο-
 ρος, καὶ ἐν τῇ πόλει ταύτῃ Ἀδράνι νεῶς, ἐπιχωρίᾳ
 Δάιμονος, πάνυ δ' ἐναργῇ φησὶν εἶναι τεῖτον. *Est in Sicilia urbs Adranus, ut ait Nymphodorus, atque in ea urbe Templum Adrani, Dei Indigenae; ferunt porro illustre omnino esse illud Templum.* „ Eodem loco Aelianus me-
 „ minit ingentes Adrani canes fuisse, non
 „ pauciores quam mille, qui Adrano sacri,
 „ eumque colentes, prope Templum aleban-
 „ tur. Observavit hoc Vir Eruditissimus
 „ Ioannes Georgius Wachter, Archaeologiae
 „ Nummariae pag. 147. „ Adranum quoque
 ἀντονυμαστικῶς *Heroem Siculum* dictum fuisse,
 ex Macrobio, et Hesychio laudatus *Haver-*
campus comprobat: Macrobius enim e
 Xenagora refert: Palicos, celeberrimos Si-
 ciliae Heroès, vel Deos, suasisse Siculis,
 ut *Heroem Siculum* invocarent; idque ipsis
 profuisse. Hesychius vero Adranum Pali-
 corum Patrem facit: unde primum illatu
 est, quem Heroëm Palici monuerint a
 Siculis invocandum. Illud solum heic e *Ste-*
phano in vocabulo Παλική adnoto: *Aeschyl-*
um, in Aetnaeis Iovis, ac Thaliae filios
 di-

dixisse Palicos, eosdem a *Sileno Lib. II. de Aetna*, Vulcano, et Oceano parentibus tribui.

Ut ut se res habeat cum Palicorum parentibus, illud ob numi nostri epigraphen mirari subit: ecurr in Adrani urbis numis, qui haecenus prolati sunt, nusquam Adranus Deus legatur; quanquam haec urbs in Adrani Dei honorem a Dionysio condita, et hoc nomine ob Templum Adrani insignita sit: quod, praeter laudatos Auctores, *Diodorus Siculus Lib. XIV.* perhibuit; eius tamen Dei in Mamertinorum numis conspiciatur effigies, & legatur nomen. Quum vero Mamertini in aliis suis numis Martis effigiem, et simile etiam nostro caput galeatum, cum epigraphe ΑΡΕΟΣ. *Martis*, repraesentarint, et fuerit Mars eorundem praecipuus Deus, a quo, teste *Festo Pompeio*, *Mamertini* dicti sint; quum *Mamers* Osca lingua *Martem* significaret: suscipiari ex his omnibus, et numi nostri imagine, coepi, an non apud Siculos ipse quoque Mars *Adrani* nomine venisset? At quoniam veteris Scriptoris mihi non suffragatur auctoritas; rem omnem intra coniecturae limites arcte contineri volo. Quanquam et nominis posset tolerabilis origo assignari, a verbo ἀράω, et τῷ α ἐπιτατικῶς sumpto; ita ut notio esset: *valde agens, vehementer agens*; quod Marti utique congrueret.

NVMVS LACEDAEMONIORVM.

T A B V L A III.

Caput barbatum , et laureatum ,
fortasse Iovis .

„ **H** Oc in numo legendo lepidο me er-
 „ rore deceptum esse, lubens fateor,
 „ ac retracto ea, quae iithic prima edi-
 „ tione scripsi, et sunt, quae sequuntur,
 „ quae deleta volo. Nam quum in hoc
 „ Numo, uti figura probe exhibet, non-
 „ nisi A superius, et altera linea EIII
 „ tantum in tertia linea PK solum com-
 „ pareat; neque vestigia alterius literae
 „ viderim; et sane ne locum quidem li-
 „ terae sufficientem deprehenderim, legen-
 „ dum putavi ita: ΑΕΠΙΛΟΣ ΕΠΙΚΕΙΝΩΝ.
 „ Attamen nullus dubito e regione τῆ Α
 „ fuisse A, atque *Lacedaemoniorum* esse
 „ Numum, cum solita Clavae intra lauream
 „ figura: Magistratus vero nomen adesse
 „ EIII. ΕΥΡΥΚΛΕΩΣ. Quare de Lepido di-
 „ cta ad hunc quidem numum non dicta
 „ volo, etsi subiiciantur ad aliorum exem-
 „ plum: mihiq̃ue primum hunc errorem
 „ cautioni esse.

NVMVS ERYCINORVM

TABVLA II.

Caput barbatum , et laureatum ,
fortasse Iovis .

ΛΕΠΙ. ΕΡΥΚ. Λέπιδος Ερυκεινῶν, vel Ερυκαίων.
Lepidus , *Erycinorum* . Clava . Ex aere parvi
moduli , ad medium accedentis Tabula I I.
num. X.

HVius numi, qui magnam vetustatem
spirat , sparsos epigraphes characteres
recte me collegisse arbitror ; quum omnia ,
uti mox exponam, probe inter se se con-
gruant . De urbe Eryce ita *Stephanus* : Ερυξ
πόλις Σικελίας . Από Ερυκός τῃ Αφροδίτης, ἢ Βύτα.
Τὸ ἐθνικὸν Ερυκῖνος . *Eryx urbs Siciliae* , *mascu-*
lini generis , *ab Eryce* , *Veneris* , *et Bytae* (alii
Butae) *filio* . *Gentile Erycinus* . De hoc Ery-
ce , praeter Hyginum , haec ad numum no-
strum narrat *Pausanias Lib. 11 I. Cap. 16* .
Ηρακλέα γὰρ ἔχει λόγος παλᾷσαι πρὸς Ερυκα, ἐπὶ
τοῖς δὲ εἰρημένοις . ἦν μὲν Ηρακλῆς νικήσῃ , τὴν γῆν
Ερυκος Ηρακλέας εἶναι , κρατηθέντος δὲ τῇ πάλῃ , βῆς
τὰς Γηρυόνας . *Fama fertur : Herculem iis con-*
ditionibus cum Eryce in certamen descendisse :
ut , si quidem superaret Hercules , ipsius esset
regio Erycis ; si superaretur , boves Geryonis

C

Ery-

Eryci cederet. Huius pugnae idem Auctor *Lib. IV. Cap. ult.* mentionem facit. Exitus pugnae hic erat : *Hercules Victor Eryci et vitam, et regnum eripuit*, ut *Pomponius Sabinus* refert, ab *Rev. P. Harduino* adductus. Victorem igitur, ac Dominum suum simplici, quo veteres gaudebant, clavae signo, Herculem profitentur Erycini. Comprobat hoc alter apud Parutam numus, in cuius altera facie Hercules stans, cum epigraphe ΕΡΥΚΕΙΝΩΝ; in altera caput Veneris Erycinae: cuius celeberrimum Templum in praealto montis Erycis vertice, qui urbi imminebat, constitutum fuisse, *Strabo Lib. VI.* alii que commemorant.

Iam vero quis hic sit Lepidus, quem numo cohonestarunt Erycini, quidve ipsi in Sicilia deberetur, exponendum est. Existimo signatum heic esse Marcum Aemilium Lepidum, qui cum Octavio Caesare, et Marco Antonio Triumviratu R. P. Constituendae inclaruit. Lepidus hic (quod legere est apud Plutarchum, et Dionem) Octavium, cui id maxime cordi erat, ut Sextum Pompeium omni Sicilia exigeret, suis copiis iuvit, ac totam fere Siciliam obtinuit; etsi mox a Caesare copiis, et libertate agendi privatus sit. Sane Lepidus apud *Dionem Lib. XLIX.* *Caesarem culpabat, recensitis omnibus eius iniuriis, reposcensque ea omnia, quae a*
coniu-

coniuratione prima sibi data fuerant, et Siciliam quoque sua opera subactam sibi vindicans. Lepido igitur, tunc in Sicilia belligeranti, quemadmodum aliis Triumviris urbes aliae, hoc numo Erycini observantiae suae monumentum exhibuerunt. Erat quoque Lepidus auctoritatis suae, quam sustinere tamen nesciebat, admodum curiosus; id quod *Dio Libro citato* ita expressit: *Ipse, ut collega Caesaris, omnia aequali imperio (in bello Siculo) administrare: Caesar autem Lepido in omnibus rebus, tantum Legati loco, uti volebat.* Numus noster cusus videtur anno V. C. 718. quo Lepidus Messanam occuparat, aut anno praecedente. *Haec igitur tanquam non dicta sunt.*

MACEDONVM NVMI

T A B V L A I I.

Macedoniam a Paulo Aemilio, quum Perseum Regem libertate, et Regno exuisset, in quatuor Praefecturas, seu Provincias divisam esse, *Livius Lib. XLV. Cap. 29.* nos docet. Comprobant id numi veteres, qui haecenus prolati sunt, plures cum epigraphe MAKEΔONΩΝ. ΠΡΩΤΗΣ. sed cum epigraphe MAKEΔONΩΝ. ΔΕΥΤΕΡΑΣ. unus a Spanhemio: quae recte de hac divisione

sione accipientes Antiquarii, *Macedonum primae Praefecturae*, et *secundae*, interpretati sunt. Videtur et ille numus minimi moduli (qui a Goltzio, et Harduino non est relatus, quem tamen Begerus exhibuit, et in nostro quoque Cimelio habetur) id confirmare, in quo decussatae lineae quatuor in plagas circulum secant cum literis MA. Μακεδόνων. totidem Praefecturas indicantes. Tertiae, et quartae Praefecturae Macedonum numi hactenus prolati non sunt; noster quartam exhibet, qui ita habet.

Caput laureatum, et barbatum, Iovis.

MAKEΔONΩΝ. TETAPTHΣ. *Macedonum quartae*. Clava situ horizontali, quam et epigraphen querna corona ambit: sunt et monogrammata bina, alterum M et E, alterum N et K complectens. Vid. Tab. II. n. XI.

De quarta hac Praefectura ita *Livius*: *Quartam regionem Eordaei, et Lyncestae, et Pelagones incolunt. Iuncta his Atintania, et Stymphalis, et Elymiotis*. Monogrammata legenda cenfeo. MAKEΔONΩΝ. ΕΛΕΥΘΕΡΩΝ. ΝΕΩΚΟΡΩΝ. aut omissa etiam voce ΕΛΕΥΘΕΡΩΝ, tantum *Macedonum Neocororum*, qui titulus in aliis ipsorum numis habetur. Neque obest, repeti in eadem numi parte idem nomen Macedonum. Nam simile aliquid inferius in Romano, et Amiseno numo

mo ostendam : ut nihil de aliis eiusmodi numis nunc dicam . In hisce Macedonum numis clava Herculem notat , a quo originem deducebant Reges Macedoniae . Quercea corona, et caput laureatum, Iovis sunt symbola, qui Herculem ex Alcmena genuit .

NUMVS ARGIVORVM

ET VNA EPIDAVRIORVM

TABVLA II.

Caput Lupi sine epigraphe .

A , et infra E. Ἀργείων καὶ Ἐπιδaurίων .
Argivorum , et Epidauriorum . Aeneus parvi
moduli . Vide Tabulam II. num. XII.

NVmi Argivorum , quos adferunt Goltzius , Begerus , et Harduinus , una ex parte lupi protomen , ex altera epigraphen ΑΡΓΕΙΩΝ . vel ΑΡΓ . vel Α . exhibent ; sed sine E . quod in nostro numo , supremum ductum , aliquantum ad perpendicularum inflexum , refert ; ut Π una cum E exprimeretur ; atque ita , uti nullus dubito , Ἐπιδaurίων notaretur .

Argos vero , quae princeps est Argolidis

in Peloponeso urbs, cum Epidaurō, eiusdem Argolidis urbe, singulari quodam vinculo constringitur. Viciniae titulo primum obnoxia est Epidaurus Argo; quapropter a Stephano ita memoratur: *Επίδauρος πόλις πρὸς τῷ Ἀργεῖ*. *Epidaurus urbs prope Argos*. Deinde olim Argivis parebant Epidaurii, teste *Pausania Corinth. Cap. 26. Δηιοφόντης δὲ, καὶ οἱ Ἀργεῖοι τὴν Εὔριπον ἔσχον*. *Deiphontes, et Argivi Epidaurum obtinuerant*. Denique Conditorum quoque arctissimo vinculo hae duae urbes obstringebantur; id quod rursum *Pausanias eodem loco* perhibet: *Ἦν Εὔριπον πατὴρ Ἀργεῖος, ὁ Διὸς. Εὔριπον δὲ Ἀπόλλωνι Εὔριπον παῖδα προσποιῶσιν*. *Epidauro pater erat Argus, Iovis filius: Epidaurii tamen Apollini Epidaurum filium tribuunt*.

Atque apud Argivos quoque vetustissimus erat Apollinis cultus, quem *Λύκαιον*, *Lupinum* compellabant; propterea quod, ut *Pausanias* enarrat, infestati a lupis Argivi, oraculo Apollinis edocti, stipitem, designato loco inventum, cortice exuerint, eumque corticem, carnibus intritum, lupis escam exposuerint; qua delibata, lupi omnes perierint: stipitem vero memoriae causa, in Apollinis, quem *Λύκαιον* dixere, Templo statuerint. Lupi caput, in moneta nostra, aliisque signatum, hunc Apollinem indicat; quod quidem iam est ab aliis observatum.

Illud super hac narratione , ὡς ἐν παρόδῳ , animadverto : quum vetustissimum fuerit apud Graecos Argivorum Regnum , ex huius stipitis , in Templo conlocati , monumento , videri , Idolorum originem apud Graecas quasdam gentes , atque apud Romanos quoque , fortasse derivari posse .

Nam stipites , et informia ligna fuisse non Lycaeï tantum Apollinis apud Argivos , sed aliorum quoque Deastrorum apud alias gentes antiquissima signa , testantur cum Ethnicorum Scriptorum complures , ut *Vitruvius Lib. III. Plinius Lib. XXXVI. Herodianus Lib. IV. Athenaeus Lib. XIV. Pausanias* pluribus in locis : tum Christiani etiam auctores : ut *Tertullianus in Apologet.* -- *Et tamen , quanto distinguitur a Crucis stipite Pallas Attica , et Ceres Pharia , quae sine effigie rudi palo , et informi ligno prostat ?* Apud *Lactantium* quoque *Lib. I. Instit. Cap. 20.* legitur : *Deus Terminus lapis , aut stipes.* Similia Idola , quae informi ligno , aut tabula primum constarent , enumerat *Clemens Alex. in Protreptico* : uti , Dianae Icariae , Iunonis Cithaeroneae , et Samiae .

Hiscæ in stipitibus , tabulisve primum humanam faciem rudi manu ducebant , aut fingeant ; qua ratione Termini , Hermæ , Canopi simulacra confecta videntur . Deinde manus quoque addidere , nondum pe-

dibus opus suum ausi committere artifices: quin et manus fulcris, ne conlaberentur, muniverunt; ita Dianae Ephesiae, et Iunonis Samiae Idola exstitisse credo. Denique, statuaria arte ad perfectionem deducta, simulacra effinxerunt, integram humani corporis figuram referentia.

Quid, si apud Romanos quoque Idolorum initia quaedam ad hunc Argivorum decorticatam stipitem revocari posse suspicemur? Sane non de nihilo est, quod *Sextus Pompeius Festus* ab *Antonio Augustinio* in compendium redactus, adnotavit: *Lignum decorticatum vocatur delubrum, seu stipes delibratus, quem colebant veteres*. Librum porro pro cortice; ac delibrare, seu delubrare, pro decorticare sumi, *Columella Lib. V. Cap. 11.* nos docet. Consentit hisce *Servius* in illud *Virgilii Lib. IV. Aen. Delubra adeunt. Ligneum delubrum dicimus, e libro, hoc est raso ligno factum, quod Graece ξύλον dicitur*. Cur vero delibratos stipites adirent, colebantque Romani veteres, nisi superstitionis originem, ut alia fere omnia, a Graecis haberent?



NVMVS LYSIMACHIENSIVM

T A B V L A II.

Caput velatum : videtur Genium Urbis
referre .

ΛΥΣΙΜΑΧΕΩΝ. *Lyfimachienſium*. Victoria
ſtans , d. extenſa ſertum geſtat . Aeneus ,
mediae formae . Tab. II. num. XIII.

LYſimachia Thraciae urbs , in Chersoneso
ſita , quam Lyſimachus , Thraciae Rex ,
ex ruinis Cardiae excitavit . De ea *Pauſanias*
in Atticis Cap. 9. Την Καρδιανῶν πόλιν ἀνελὼν Λυ-
σιμαχίαν ἀντ' αὐτῆς ᾠκίσεν ἐπὶ τῷ Ἰσθμῷ τῆς Θρα-
κίας . Comprobat id numus apud Goltzium ,
in cuius una parte ΒΑΣΙΛΕΩΣ ΛΥΣΙΜΑΧΟΥ .
Regis Lyſimachi : in altera ΛΥΣΙΜΑΧΕΩΝ .
Lyſimachienſium legitur .

Urbem hanc , a Thracibus ſubinde ſuc-
cenſam , Antiochus Asiae Rex inſtauravit ,
teſte *Livio Lib. XXXIII. Cap. 38.* Plinii
tempore iam deſerebatur haec urbs : eam-
que Hexamilium , pro Lyſimachia , dictam
ſuiſſe , *Ptolemaeus Lib. II.* meminit . Rur-
ſum tamen inſtauratam , ſuoque veteri etiam
nomine celebrem fuiſſe ; imo etiam Plinii
tempore , aut mox ab eius morte reſloruiſ-
ſe , teſtantur numi apud Goltzium ; unus

Ve.

Vespasiani , cum titulo ΝΕΩΚΟΡΩΝ ; alter Elagabali , cum epigraphe ΜΗΤΡΟΠΟΛΕΩΣ .

Erat quidem altera quoque Lyfimachia in Actolia , uti Stephanus in *Λυσιμάχεια* . *Ἔστι καὶ πόλις Αἰτωλίας* . Ad hanc , minus etiam notam , numos hosce Vespasiani , et Elagabali pertinere non posse , ex eo probabile fit : quod suo iam tempore *Strabo Lib. X.* hanc Lyfimachiam everfam fuisse , prodiderit ; neque constet eandem e ruinis rursus exstitisse . Quare non video , cur Ptolemaeus , qui Antonini Pii tempore vixit , nomen Lyfimachiae Thracicae in Hexamilium inmutatum scribat : nisi utrumque forte haec urbs nomen retinuisset , veteri tamen in monetis suis usa .

Numus noster magnam vetustatem prae se fert , videturque circa ipsius Lyfimachi tempora percussus esse , qui de celebrioribus Alexandri Magni Ducibus non postremus , ab eius morte , Thraciae praefuit , cuius partem armis sibi subiecerat . Victoriae typus in numo nostro eadem victricia Lyfimachi arma significare videtur . Inlustr. *Spanhemius Tom. I. Dissert. 8. Cap. 5.* huius urbis numum adfert , cum simili velato capite , uti in nostro est , et clava ex altera parte .

NVMI TOMITARVM

TABVLA II.

T Omitarum numi antiqui, qui Augustorum, Caesarumve vultu signati sunt, satis frequentes habentur: aliorum vero paucissimi prolati sunt. Goltzius unicum exhibet, qui una ex parte caput Apollinis; ex altera Dioscuros ostendit. R. P. Harduinus alium e Cimelio S. Genovefae commemorat, in quo ΤΟΜΟΣ ΚΤΙΣΤΗΣ. *Tomus Conditor*. Quae sit utriusque faciei in numo figura, non adiungit: eius tamen iam antea meminit *Haeschelius in Not. ad Biblioth. Photii*, et ex hoc *Holstenius ad Stephanum*. Quatuor heic ego Tomitarum numos in imagine sistam, quorum tres *Tomis Conditoris* caput ostentant, diversa partis posticae figura: quartus Magistratus nomen exhibet, quod in nullo hactenus Tomitarum numo animadverti. Numi ita habent,

I. ΤΟΜΟC. *Tomus*. Caput imberbe diademate cinctum.

ΤΟΜΕΙΤΩΝ. *Tomitarum*. Leo stans. Vide Tabulam II. num. XIV.

II. ΤΟΜΟC. ΚΤΙCΤΗC. *Tomus Conditor*. Caput, uti in priore.

ΤΟΜΕΙΤΩΝ. *Tomitarum*. Hercules stans dexte-

dexteram clava fulcit ; sinistra pellem leonis sustinet. Tabula II. num. xv.

III. TOMOR. ΗΡΩΟΣ . *Tomī Herois* . Caput , uti in prioribus .

TOMEITΩΝ . *Tomitarum* . Figura stolata stans , dexteram quid gerat , non dignoscitur ; sinistra hastam puram . Tabula II. num. xvi.

IV. Caput Mercurii , galero tectum , sine alis .

TOMI. ΘΕΟΦΙ. Τομιτῶν, Θεοφίλῃς . *Tomitarum sub Theophilo* . Caduceus . Numi omnes quatuor sunt ex aere , parvi moduli : hic postremus magnam , prae reliquis , vetustatem , qua typi simplicitate , qua literis , et fabrica ipsa , ostendit . Tab. II. num. xvii.

Tomus , Moesiae inferioris urbs , ad Pontum Euxinum , ab Ovidii exsilio celebris , in numis , ab Antonino Pio ; item in *Notitiis Ecclesiasticis* , et a *Sozomeno Lib. IV. Cap. 11. Histor. Eccl.* Metropolis , Magna , et Felix compellatur . Eius nomen aliter ab aliis scribitur *Strabo Lib. VII.* Eandem post Istrum describens , ita nominat : Εἶτα Τόμῃς , ἕτερον πολίχνιον ἐν διακοσίῃς πεντήκοντα στάδιοις . *Deinde Tomus est alia urbecula , distans ducenta quinquaginta stadia* . Aliud nomen , et maiorem ab Istro , seu Istria distantiam ponit *Arrianus in Periplo Euxini* : ab Istria nempe ἐς τομάϊας πόλιν στάδιοι τριακόσιοι , usque ad

*ad urbem Tomeas , stadia ducenta . Aliter
rursum apud Stephanum : Τομεὺς πέλις πρὸς
τῇ Οδησσῷ — ὁ πολίτης Τομίτης . Tomens , urbs
ad Odeßum . Civis , Tomites . Apud Statium
Silv. Tomiorum audit :*

————— *Nec tristis in ipsis*
Naso Tomis . —————

Ab Ovidio fere Τόμος , *Tomus* dicitur :
gentile vero *Tomita* , et hinc *Tomitanus* . No-
men , et originem nominis *Lib. III. Trist.*
Eleg. 9. idem concinit :

Inde Tomis dictus locus hic ; quia fertur in illo
Membra soror fratris coniecuisse sui .

Eandem originem (ob dilaniatum illic
a Medea Absyrtum fratrem , sparsaque eius
membra , quo spectaculi moerore insequen-
tem patrem Aectam remoraretur) refert
Stephanus , et *Cicero in Orat. pro lege Mani-
lia* : qui tamen id , non tamquam factum
certa fide dignum , sed ex pervulgata fama ,
perhibet .

Sane Numi , qui *Tomum Conditorem* , eun-
demque *Herois* titulo insignem nobis osten-
tant , huic narrationi multum derogare
videntur , atque a Conditore *Tomo* nomen
potius sumpsisse urbem demonstrant . Ipse
quoque Ovidius urbis Conditores Milesios ,
quo-

quorum fortasse Dux fuerit Tomus, non oblcure agnoscit, dum ita suum Tomitanam in urbem adventum describit, eandem *Miletida*, seu *Milesida*, cognominans: *Lib. I. Trist. Eleg. 11.*

*A quibus adveniat Miletida sospes in urbem,
Offensi quo me compulit ira Dei.*

Verum Milesios tamen serius eo venisse censet, et loco ipsi prius nomen Tomi fuisse ab Absyrto. *Lib. III. Trist. Eleg. 9.*

*Huc quoque Mileto missi venere Coloni,
Inque Getis Graias constituere domos.
Sed vetus huic nomen, positaque antiquius urbe,
Constat ab Absyrti caede fuisse loco.*

At enim mihi probabile non videtur, Conditorem Tomum a loco, eoque inculto, in quo urbem conderet, nomen sibi sumere: aut ita opportune cecidisse, ut nomine Tomi appellaretur is, qui in eiusdem nominis loco urbem tum exstruxisset.

Aliam denique viam rimatus sum, qua et numos hosce possem, et veterem illam, de Tomi nomine, narrationem in tutum deducere. Suspicio *Tomum* hunc, quem numi referunt, non fuisse urbis Tomitanae Conditerem; sed celeberrimum in toto eo tractu, et vicina Thracia virum: atque
prae-

praeter cetera, ob coelibis, castaeque vitae laudem (tantum apud Barbaros ipsos haec virtus valebat) inter Divos quoque, aut Heroas relatum. Quod ne citra fundamentum me quisquam proferre arbitretur; id unum praemoneo: Tomitas, Thraciae proximis, eosdem fere cum Graeculis (quales et ipsi essent) Thracibus mores, dominosque habuisse; quando ipsa etiam quarundam Ponti urbium nomina, e veteri Thracum idiomate Strabo exponit, et inter Thraciae urbes, a Pontico littore incipientes, Tomum recenset Plinius. De Thracibus porro haec perhibet *Strabo Lib. VII. p. 296.* Εἰναι δὲ τινὰς τῶν Θρακῶν, οἱ χωρὶς γυναικὸς ζῶσιν, ἔτι ΚΤΙΣΤΑΣ καλεῖσθαι, ἀνιερωσθαι τε διὰ τιμὴν, καὶ μετὰ ἀδείας ζῆν. *Sunt quidam Thracum, qui sine uxore vivunt, quos Κτίστας Conditores appellant: iidem honoris causa consecrantur, ac dum vivunt immunes sunt.*

In nostris numis idem Tomus iam Κτίστης, iam Ηρώς compellatur: Κτίστης ob continentiae decus, Ηρώς; quod consecrata esset eius memoria; in alio numo TOMOC tantum, ob nominis celebritatem. Quod si hic Tomus Conditor urbis Tomorum, fuisset; existimo eundem in numis sine Κτίστος titulo (quem aliis in numis obtinet) in aliis vix consignandum fuisse. De numis haec accipio; nam apud Scriptores aliter se

res

res habet : ut apud *Thucydidem Lib. V.* Br-
fidæ Laconum Duci, ὡς Ἡρώι, *tanquam He-*
roi honores decretos : et ὡς Κτιστῇ, *tanquam*
Conditori, Coloniam dedicatam fuisse, Eru-
ditissimus *Spanhemius*, aliaque similia obser-
vavit. Diademate cinctum caput Tomus
exhibet ; sive quod in vicinia regionem,
aliquam, aut ipsam Ponti partem cum po-
testate regia obtineret : sive quod *Conse-*
crato id honoris tribuerent.

Quod me porro in hac coniectura con-
firmat, est illud : Ovidium certe, (ut nihil
de Strabone, ac Stephano dicam) qui To-
mitarum omnia excussit, non ignoraturum,
neque silentio praeteriturum fuisse, si de
Tomo, urbis Conditore, fama aliqua, aut
memoria consignata exstitisset. Nostri vero
numi, si fabricam ipsam, et characteres,
ac faciem omnem considerem ; non viden-
tur mihi ad altiore vetustatem, quam ad
saeculi a Nato Servatore tertii initium cir-
citer revocari posse. Quare Tomum hunc
post Ovidii mortem vixisse, ac floruisse,
existimo.

Controversiae totius haec est Synopsis :
pro origine nominis *Tomi*, deducendi ab
Absyrto laniato, pugnat fama, ac tradi-
tionis vetustas : pro eodem nomine deducto
a Tomo, urbis Conditore, numi soli, et
haud ita antiqui : pro media quadam via
ineun-

ineunda , facit coniectura e Strabone , Totum hunc non Conditorem urbis ; sed virum continentia , et fortasse potestate quoque , et fortiter gestis (quae Leonis , et Herculis effigie numi indicant) inlustrem fuisse . Eruditus Lector arbiter esto .

NVMVS MARCIANOPOLITARVM

T A B V L A III.

MΑΡΚΙΑΝΟΠΟΛΙΣ . *Marcianopolis* . Caput turritum muliebre , Genium urbis munitae referre solitum .

ΜΑΡΚΙΑΝΟΠΟΛΙΤΩΝ . *Marcianopolitarum* . Figura sedens , dextera pateram . Tab. III. num. XVIII. Est ex aere parvi moduli .

Numum hunc neque Goltzius , neque Harduinus exhibuit . Eundem tamen *Cl. Haymius in Thesauro Britannico* protulit ; sed in eo lapsus est (nam numus , ab eodem relatus , est omnino nostro simillimus) quod Caput illud turritum , vel flore aliquo ornatum , Marcianae Augustae , Traiani Sororis , esse putarit . Errorem hunc , quum sit alicuius in re Numaria vetere momenti , heic mihi visum est , indicari oportere . Nihil tamen idcirco de praeclaris Haymii meritis , atque eruditionis fama decerptum

volo : fuit enim iste oculorum facilis lapsus , non venia modo , sed propemodum laude dignus. Nam quum numum illum nactus esset , in adversa parte aliquantum attritum , ut turres , floresve in capite non discerneret , atque ornatui capitis , quo solet in numis Marciana comparere , hac ratione formam haud multum dissimilem numus exhiberet ; epigraphen praeterea non integram legeret , sed tantum ΜΑΡΚ , vel ΜΑΡΚΙΑΝ. Scisset etiam vir eruditus , Marcianopolin , cuius urbis populus in altera numi parte adscribitur , esse a Marciana , Traiani sorore , in Moesia conditam , et cognominatam , teste *Ammiano Marcellino Lib. XXVII.* Sane probabiliter poterat lectionem capitis ita supplere ; ΜΑΡΚΙΑΝΗ. ΣΕΒ. *Marciana Augusta.* Quod si ornatum caput distincte vidisset ; nullus dubito , quin memor eius numi , qui ab Harduino relatus est , caput turritum exhibens , cum epigraphē ΚΑΡΔΙΟΝ. altera ex parte ΚΑΡΔΙΑΝΩΝ. quin , inquam , aliter de hoc numo explicando statuisset .



NVMVS VRBIS ROMAE

T A B V L A III.

Cum aliis, monogrammate insignibus.
Semis perelegans ita habet :

CAput Iovis laureatum, promissa barba, et capillo : ad occiput litera S. inverfo situ inculpta est ; cuius inferior tantum ductus comparet, ut similis τϞ C. videatur.

ROMA. Navis, supra quam litera S. qualis in adverfa parte, qua nempe indicatur *Semis*. Ex parte monogramma, quale Tab. III. num. XIX. numi effigies refert, quo iterum *Roma* manifefte figuratur.

Occafione numi huius duo funt, quae paucis illuftranda fufcepi : primo numos alios Cimelii noftri, in quibus praeter monogramma adfignatum, nihil, quod non iam ab aliis effet expositum, deprehendi ; deinde pondus huius, et aliarum Romae veteris monetarum, ex aere conflatarum. Monogramma, in quo eadem prope res, quae in eadem numi facie integris literis fcripta exftat, adnotata legatur, dabimus inferius in numo Amifenorum, dedimusque in numo Macedonum quartae Praefectu-

rae. Referri huc potest, quod de Seleucensium ad Calycadnum numismate, quale in Cimelio etiam nostro habetur, iam occupavit R. P. Harduinus; isthic pars averfa inscripta est: ΣΕΛΕΥ... ΚΑΛΥΚΑΔΝΩ. ΑΘΗ. *Seleucensium ad Calycadnum, et Atheniensium*. Victoriae typus. In adverfa parte Palladis caput sese offert, cum epigraphe ΣΑ. quod iterum Σελευκέων. Αθηναίων. *Seleucensium, et Atheniensium*, laudatus Auctor legendum censet. Iam ad alia monogrammata. Maronitarum numus argenteus solito typo Bacchi stantis, et solita epigraphe: ΔΙΟΝΥΣΟΥ. ΣΩΤΗΡΟΣ. ΜΑΡΩΝΙΤΩΝ. *Bacchi Servatoris Maronitarum*: monogramma adsignatum habet ex averfa parte, quale vide Tab. III. num. xx. quod lego Δ'ε Πατρώε. *Divi, vel Dei Patrii*, aut Διονύσε Πατρώε. *Bacchi Patrii*. Et in alio simili numo Tab. III. num. xxi. monogramma lego: Πατρώε. *Patrii*: subaudiendo *Dei*. Bacchum vero *Deum Patrium* (repetito forte Διονύσε nomine) Maronitae Thraces, ob uberrimum in regione sua vini proventum, iure optimo compellant: cuius vini praestantiam *Tibullus Lib. IV. Paneg. Messalae*, et *Plinius Hist. Nat. Lib. XIV. sect. 6.* suis laudibus comprobarunt. Neque insolita est veteribus Graecis haec tituli formula *Dei Patrii*; quando inscriptio-

ptionem antiquam adfert *Gruterus pag. LX. num. 6.*

ΔΙΙ. ΠΑΤΡΙΩΙ. ΚΑΙ. ΑΡΤΙΜΠΑΣΑ.

Iovi, seu *Deo Patrio*, et *Artimpasae*. id est: *Veneri Caelesti*. Item aliam *pag. LXXXVI. num. 8.* ΑΓΛΙΒΩΔΩ. ΚΑΙ. ΜΑΛΑΧΗΒΗΛΑ. ΠΑΤΡΩΟΙΣ. ΘΕΟΙΣ. etc. Meminit *Pausanias Lib. I. Cap. 23.* statuæ Bacchi apud Megarenses, quem Διόνυτον Πατρῶν cognominabant. Apollinem quoque monogrammate honorabant, signabantque urbes nonnullae. De Cauloniatarum numo Goltziano cum ΑΠ. et lauri ramo, suo loco dictum est. Massiliensium numum argenteum tenemus, in cuius postica parte, symbolo non infueto, leo stans exhibetur, cum adiecto monogrammate, quod A et O, ac quodammodo Π completi videtur, uti habetur *Tab. III. num. XXII.* legendum puto Απóλλωνι *Apollini*. Convenit autem, id ad Leonis figuram ita signatum fuisse. Constat enim e *Pausania in Phocicis*: Massilienses Leonis aeneum simulacrum Delphos dono misisse, ob devictos navali praelio Carthaginenses, atque Leonem hunc proxime Apollini Delphico statutum fuisse.

Eundem Apollinem in argento suo signasse videntur Apolloniatae, cui praeter ordinarium lauri symbolum hoc mono-

gramma inferuerunt, quod praeter A. et Π. K. referre videtur, et Tab. III. num. XXIII. exhibetur; id lego: Απόλλωνι Κώκη. *Apollini Cocae*, vel *Coccocae*. Apollinis ΚΟΚ. inscripti, numum Apolloniatarum, item Pausaniae locum de *Diana Coccoca* R. P. Harduinus attulit; id nomen e *Suida*, *Celerem* significare posse, adnotavi alibi, ad numum Apolloniatarum, Caracallae inscriptum, in quo Apollo stans, cum Fortuna: in *Aetuario Appendic. ad Num. Graec. Vaillantii*. Quae omnia probabilem reddunt, quam proposui, monogrammatis huius lectionem.

Aliud quoddam monogramma in Locrensi numo offendi; est is argenteus parvi moduli, et pugilem, uti alii plures, exhibet, cum monogrammate, quod ΟΠ et Υ. comprehendit, uti proponitur Tab. III. num. XXIV. quod lego ΟΠΟΥΝΤΙΩΝ. *Opuntiorum*. Locri isti in Italia sunt, de quibus *Virgilius Aen. III. vers. 399.* canit:

Hic, et Narycii posuerunt moenia Locri.

Quem in locum ita *Servius*: *Namque prius Naryx, Opuns postea dicta*. Nomen Opuntiorum sumpsere ab Opuntiis in Locride, Graeciae regione, a quibus oriundos esse Italiae Locros testatur *Thucydides Lib. III. et Solinus Cap. 8.* Et quanquam
aliqui

aliqui Opuntiorum numi epigraphen habeant ΟΠΟΝΤΙΩΝ. meam tamen monogrammatiss, in hoc numo, lectionem confirmat numus apud *Lazium in Graecia antiqua* exhibitus, in cuius eadem parte legitur ΛΟΚΡ. ΟΠΟΤΝΤ. Goltzius quoque numos adfert, qui inscriptioni ΛΟΚΡΩΝ. monogramma ΟΠ adiunctum habent; ita ut Ο intra Π. collocatum sit: id quod pariter ΛΟΚΡΩΝ. ΟΠΟΤΝΤΙΩΝ. *Locrensiū, et Opuntiorum* legendum arbitror.

Alterum iam, quod recepi, exsequar, et numi Urbis Romae, quem initio proposui, aliorumque Romanorum numismatum, qui Assis, aut partium Assis, seu unciarum signa prae se ferunt, pondus expendam. Nemo tamen Dissertationem heic sibi aliquam de Ponderibus veterum polliceatur; intelligo quippe maioris id esse operae, et aliarum virium, quam ego meas agnoscam. Id unum propositum mihi est, ostendere: *Plinium Lib. XXXIII. Sect. XIII.* si quidem, uti videtur voluisse, dum omnes, et maxime primam, aeneae monetae mutationes recensere voluit, multum a vero aberrasse.

Numus itaque noster ROMA. inscriptus, unam propemodum unciam appendit; atque adeo, si *Plinio* credimus, cusus hic numus fuit eo tempore, quod inter bel-

lum primum Punicum , et Hannibalis irruptionem in Italiam intercessit. Nam *Plinius* libro citato : *Librale autem pondus aeris imminutum est Bello Punico primo, quum impensis Respublica non sufficeret : constitutumque est, ut Asses sextantario pondere ferirentur* — *Postea Hannibale urgente Marcum, Q. Fabio Maximo Dictatore, Asses unciales facti.* Numus vero noster *Semis* erat , ut nota S. indicat. Igitur As tum erat duarum unciarum , seu sextantario pondere . Quod si *Festum* sequi malimus , numus hic post coeptum bellum Punicum secundum percussus est ; nam ita is habet in verbo *sextantarii* : *Propter bellum Punicum secundum decreverunt Patres, ut Ases, qui tum erant librarii, fierent sextantarii.* Ego vero et *Plinium* et *Festum* in eo peccasse, contendo , quod *Assium* pondus a librari ad sextantarium , id est , a duodecim unciis ad duas , sine media alia mutatione, imminutum esse perhibeant. Id ex vetustissimis Romanorum numis *Cimelii* nostri , ad pondus antiquum monetae Romanae exactis , me confecturum spero.

Exstat in Thesauro Caesareo Viennae pulcherrimum illud vetustatis monumentum , pondus LEGIONIS . PRIMAE . ITALICAE . ita enim illic argenteis characteribus, aeneo ponderi insertis, habetur ; in cuius superiore

riore plano visitur X. *decem libras* indicans: inferius: LEGIONI. ITALICAE PONDERA. EXAMINATA. SIG. Eius descriptio integra, quum iam sit a Celeberrimo *Marchione Maffeo* post *Epistolas de Antiquitatibus Galliae* exhibita pag. 189. non repetitur. Pondus hoc mihi contemplandum, et contrectandum indulgit Perillustris, atque Eruditissimus Bibliothecae Aug. Praefes Dominus de Garellis. Idem Pondus hoc, et Assen Romanum maximum Cimelii sui ad usitata Viennae Austriae pondera examinavit, atque deprehendit pondus illud Legionis Italicae exacte decem libras vulgares, quibus in mercibus ponderandis isthic utimur, appendere: Assen vero illum libram pharmacopolarum nostrarium, quam ipsi libram Romanam vocant, exaequare. E quibus, quum alterum ab altero comprobetur; manifestum fit, habere nos etiamnum pondera, a Romanorum duplici libra, nihil diversa: quarum alteram Veteres ad compensandas merces; alteram ad Monetariam Rem, saltem aream examinandam, adhibuerunt.

His ego documentis fretus, Asses, Semisses, Trientes, Quadrantes etc. ad pharmacopolarum nostrorum libram expendi; atque deprehendi, mutationem ponderis non illico a libra ad sextantem (quod ipsum politicis ex rationibus, vix credibile
vide,

videtur, sine maxima perturbatione, fieri potuisse) sed per gradus, aut ad singulas uncias, aut ad duas certe, sub initium, et finem: ad tres quatuorve alias, factam fuisse. Illud vero nemo heic, ut opinor, a me exiget, ut pondera numorum istorum ab iis, quas signis suis indicant, librae partibus nullis omnino minutis aberrent. Nam vetustatem aliquid, et tempus edax immutasse, neque Romanos in aereis hisce monetis eo rigore, quo in argenteis, aureisque flandis processisse, satis certum est. Quare ita mihi procedendum duxi, ut proximo unciarum ponderi numum adscriberem, atque ut defectus, aut excessus dimidiam unciam non exaequaret.

Assen bene magnum tenemus, ex cuius una parte Iani bifrontis imago, cum solito signo Assis: ex altera Mercurii caput, et culter incurvus. Adpendit hic As novem unciis paullo amplius: quum tamen foramine pertusus, et arrosus vetustate sit, merito unam circiter unciam, una cum excessu illo supra novem, eidem attribuo: atque adeo As tum decem unciarum erat. Comprobat id semis, qui una in facie Navim, in altera Caput Iovis refert, et litteram s. Is numus omnino integer, quinque duntaxat uncias quamproxime exaequat.

Dein.

Deinde quadrantem expendi , qui Caput Iunonis Sospitae, et OOO una ex parte , ex alia bovem currentem cum serpente , et epigraphen ROMA refert ; is unciam unam, cum dimidia fere, ponderabat. Quum igitur quadrans esset, seu tres uncias assis conficeret quater sumptus sex uncias conficit ; As ergo tum ad semissem, seu sex libras imminutus erat. Contestantur hoc ipsum duo sextantes , quorum alteri Lupa cum Romulo, et Remo, et avis , botrum rostro gerens: alteri Mercurii Caput, et Navis cum nomine ROMA, insculpta sunt, una cum signis in utraque numi facie OO. *duarum unciarum* . Numi ambo unciam proxime adpendunt; igitur, sexies sumpti, Assen ad semissis, seu sex unciarum pondus redactum produnt.

Examinatus item est As , qui una in facie Ianum , in altera Navim cum nota. Assis , offert ; pondus eiusdem paullo levius tribus unciis offendi. Eo igitur tempore ad tres uncias As redactus est : cui suffragatur sextans , Capite Mercurii, et Navi signatus , cum epigrapha ROMA , et utrimque OO . Adpendit hic numus fere semunciam : sexies igitur acceptus Assen trium unciarum explet .

Atque haec , ex unico Granelliano Cismelio deprompta , fidem facere meae senten-

tentiae abunde possunt : Ponderis Assis imminutionem non illico e libra ad duas uncias ; sed saltem primum ad decem ; deinde ad sex , ad tres denique antea uncias , quam ad duas institutam esse . Quod si plurium antiquarum monetarum Urbis Romae examen instituire Eruditi voluerint ; non dubito , quin alias quoque Assis immutationes , et fortasse ad singulas uncias sint reperturi ; quemadmodum iam e pluribus monetis , quas heic non adfero , constat : de tribus ad duas , de duabus ad unam unciam , et semunciam denique Assen esse deminutum .

Porro autem , si subtilis quispiam arguator neget , ex iis , quae pro regula adsumpsi , ponderibus satis argui , eadem esse Romanis ponderibus omnino consentanea ; Plinii tamen , et Festi sententia , Assen de libra ad sextantem esse prima imminutione redactum ; Numorum nostrorum ea , quam inter se habent , ponderis proportionem , refelletur . E compensatione quippe nostrorum numorum patet , ab Assi maiori , quem attuli , decrementum ponderis deprehensum esse in ratione arithmetica 10. ad 6. & deinde 6. ad 3. qualescunque illae partes sint . Ex Pliniana vero relatione habetur imminutio in ratione 12. ad 2. Quum igitur maior utique
fit

fit differentia 12. 2. *aequal.* 10. quam. 10. 6. *aequal.* 4. et 6. 3. *aequal.* 3. in aperto est, diminutionem ponderis, in numis nostris repertam, mediam intercessisse inter eam, quae a Plinio, tanquam uno saltu, prima est assignata. Nisi vero heic se aliquis offerre audeat, qui pondus monetae aerae, postquam imminutum fuerat, rursus ad plures uncias Reipublicae decreto adcrevisse contendat; quod, utrum, qui credat fit aliquis futurus tam facilis, nisi validissimis testimoniis comprobetur, vehementer ambigo.

Neque iuvat cum Alciato legere in-textu Plinii: *dextantario*, loco *sextantario pondere*. Nam P. Harduinus manu scriptos Codices refragari. deprehendit; et si ea correctio daretur, cetera tamen non cohaerent: a decem unciis illico ad duas Assem esse redactum.

„ Supra laudatus percelebri eruditione
 „ Vir Iohan. Georgius Wachterus Archaeo-
 „ logiae Nummariae *Cap. X* multis osten-
 „ dere contendit, Asses omnes, fescun-
 „ cialibus multo leviores, quos septem un-
 „ ciarum cum dimidia esse vult, vel non
 „ esse Romanos Asses, vel ad Antonino-
 „ rum, Caracallae, et Elegabali tempora
 „ esse removendos. Non vacat nunc qui-
 „ dem ea pluribus confutare; neque opus
 „ est

„ esse apud eos arbitror , qui bene mul-
 „ tas Aesium monetas conspexere . Satis
 „ esto Numisma aeneum cum Aesis nota ,
 „ alterum s v l a . alterum c i n a inscriptum ,
 „ duas uncias appendens ; quale et Vail-
 „ lantius de Nummis antiquis Familiarum
 „ Romanar. describit , et habetur in Cimelio
 „ Collegii Vindobonensis Soc. Iesu ; quod
 „ utrumque nemo , arbitror , qui viderit ,
 „ ad Antoninorum tempora referet : quod
 „ sane nullo modo fecit Vaillantius , qui
 „ Bello primo Punico Aesem ad duas un-
 „ cias redactum fuisse arbitratur , libro ci-
 „ tato pag. 351.

„ Porro grave Numismatum pondus
 „ sententiae nostrae addit Ioannes Casp.
 „ Eifenschmidius in doctissimo Opusculo
 „ *De Ponderibus et Mensuris* , ubi enumera-
 „ tis compluribus variisque Aesium , et Aesis
 „ partium ponderibus , sub finem Praefa-
 „ tionis ita concludit : *Certum inde sumitur*
 „ *argumentum , Aesses olim haud semel , et de*
 „ *repente , ut ex Plini narratione concludi*
 „ *potest , e libralibus factos fuisse sextan-*
 „ *tarios ; sed sensim , et repetitis vicibus*
 „ *ad unciales , tandemque ad semiunciales*
 „ *fuisse reductos .*

„ AENEAE NUMISMATA ITATIAE , ET SICI-
 „ LIAE , notis ponderum Aesis etc. insignia ,
 „ e quorum varietate illud colligi posse
 pro-

„ probabiliter videtur : Assum pondus ,
 „ uti Romae, ita in vicina reliqua Italia ,
 „ ac Sicilia per varios gradus imminutum
 „ deinceps fuisse . Pauca haec stimuli in-
 „ star sunt Eruditis , alia plura , ut con-
 „ quirant, ac tum denique certius aliquid
 „ hac de re constituent. Pondera adnotata
 „ sunt librae Norimbergensis, Pharmaco-
 „ paeis usitatae, quae XII. unciiis conitat.


N V M I S M A T A

primum SICILIAE , deinde ITALIAE

CIMELIA


PONDERA

1.	Numisma magnum cras- sum ; utrinque S et <i>Pegasus</i>	3. <i>Pnc. gr. 40.</i>
----	---	------------------------

2.	Bufo ) (<i>Triquetra</i> , Siciliae symbolum.	2. <i>Pnc.</i> 2. <i>Drachm.</i>
----	--	-------------------------------------

AKPATANTINON.

3.	Aquila leporem corripuens.	6. <i>Drachm.</i> 20. <i>gran.</i>
----	-------------------------------	---------------------------------------

Cancer ma- rinus intra sex uncias.	
--	---

64 ANIMADVERS. IN VET.

4. Similes figurae utrimque
Sed ○ ○ 2. Drachm.
5. grana.
Collegii Vindob. S. I.
- KENTOPHINON. ○ ○
5. Aratrum, et Avis. 42. grana
Caesareum
Caput muliebri, retro spica.
6. Simile Numisma, seu
Sextans; sed caput
laureatum, loco muliebri.
45. grana.
Colleg. Vindobon.
7. Caput Apollinis laureatum)(KATANAI.
ON. II. nota Sextantis
Mulier stans, d. avem 1 Drachm.
6. grana.
Colleg. Vindob.
8. Capita iugata Dioscurorum)(KATAN. III.
Triens. Mercurius 42. Grana
fere.
Caesar. & P. Khell.
stans. *Dubiae aliquantum sunt lineolae;
sed quatuor potius,
quam tres videntur.*
9. Caput Palladis ○ ○)(1 Drach.
6. grana.
TATPOMEN. Bubo stans. *Coll. Vindob.*
10. Caput
pone folium)(ΓΕΛΑΣ. 1 Drach.
7. grana.
○○○. Taurus stans. *Coll. Vindob.*
11. Caput Palladis ○ ○ ○ ○
) (TIATI. ○ ○ ○ ○ 5. Drach.
22. grana.
Caesareum.
Noctua super capitello
columnae Ionicae.

12. *Colleg. Vindob.* Simile aliud. 3. Drachm.
18. grana.
13. *Caesar.* Caput Herculis)(TIATI.
○○○○ Leo graduens 4. Drachm.
et clava. 18. 2. grana
14. *Caesar.* Caput Palladis)(TIATI.
○○ Noctua stans. 3. Drachm.
9. grana
15. *Coll. Vindob.* Similes figurae ; sed
Quadrantis notae ○
○○ 3. Drachm.
50. grana.
16. *Caesar.* Caput Palladis ○○
) (V. Veleton 2. Drachm.
Noctua ramo in- 9. grana.
sistens.
17. *P. Kbell.* Simile aliud ○○ V 1. Drachm.
25. grana.
18. *Caesar.* Caput galeatum S
) (AVSOMorum 1. Drachm.
S. Hercules stans, 14. grana.
d. clavam, s. cornu
copiae.
19. *P. Kbell.* Caput laureatum
○○○.) (ΠΕΤΕΑΛ- 1. Drach.
NON. Iupiter gra- 18. grana.
diens, d. fulmen.

20. Caput galeatum ○○
 ○○)(LOVCERI 5. Drachm.
P. Kbell. Rota.
21. Caput galeatum ○○○
)(ΛΟΚΡΩΝ. Cornu 43. grana.
Catfar. copiae in laurea.
22. Caput laur. barbatum Δ Drachm.
)(BRVND. s. vir nudus 13. grana.
P. Kbell. delphino insidens, cum
 lyra.
23. Similes figurae utrim- Δ Drachm.
 que ; sed ○○○ 31. grana.
P. Kbell.
24. Similis inscriptio BRVND.
 et figurae ; sed utrim-
 que ○, unciae nota.
Colleg. Vindob.
25. Caput incertum)(PH- 2. Drachm.
 FINON. ○○○○ Tripus fere.
Collegii Vindob.
26. Dioscurorum capita iu- Δ Drachm.
 gata)(PHFINON. IIII. 2. grana.
Colleg. Vindob. Mercurius stans, d.
 baculum, s. caduceum

27. Caput Iovis)(PHGINQN 33. grana.
Coll. Vindob. III. Mulier stans d. spicas.
28. Caput Palladis OO 2. Drachm.
Coll. Vindob.)(TIANO. Gallus stans. 9. grana.
29. Figura sedens OO A Drachm.
Coll. Vindob. incerta.)(OO 5. A grana.
AΠIAPAION OO
30. Caput Martis, et OO 5. Drachm.
Caesar.)(BPETTIQN. fere.
Tropaeum, pone cor-
nu copiae, et T.
31. Alius BPETTIQN. su- 5. Drachm.
Caesar. pra Victoriolam lunula. fere.
)(OO
32. Alius fere similis. 5. Drachm.
Caesar.
33. Caput muliebre. S. A Drachm.
Caesar.)(VALENTIA S. 29. grana.
duo cornua copiae,
34. Alius similis. Semis. 2. Drachm.
Coll. Vindob. 40. grana

35. Alius similis . Semis . $\dot{\Lambda}$ Drachm.
Noster Valentiae , nonnihil 40. grana .
 attritus; ostendit tamen.
36. Caput Herculis)($\dot{\Lambda}$ grana .
Caesar. et VALENTIA. OO
Noster. Clava .
37. Caput Palladis O O O O . $\dot{\Lambda}$ Drachm.
Noster. Bubo stans . 2. grana .
38. Caput Palladis galea- 2. Drachm.
Coll. Vind. tum, et O O 26. grana .
)(KAIAINON . Tro-
 paeum gestatum a
 Victoria gradiente .
39. Caput Palladis galea- 2. Drachm.
Caesar. tum O O) KAIAINON . 29. grana .
 O O Tropaeum .
40. Similia duo alia Nu- 2. Drachm.
Coll. Vindob. mismata KAIAINON . in 16. et 30. gran.
P. Kbell. area praeterea ful-
 men , et duo astra .
41. Simile KAIAINON . in
Caesar. area Clava: est tenuis .

42. Caput muliebre Λ Drachm.
 floribus ornatum 3. grana.
 Caesar. ΠAIS Pacsta- O
 norum O
 O
 Cornu copiae, O
 pone ramus et OOOO
43. Simile Numisma cum Λ Drachm.
 Trientis nota utrimque 15. grana.
 Nostr.
44. Caput Iovis laureatum. Λ Drach.
 OOO)(ΠAIS. OOO 15. grana.
 Nostr. cornu copiae, pone,
 caducaeus. Hoc Nu-
 misma par est pondere
 praecedenti; tamen si hoc
 Quadrans sit, praecedens
 Triens.
45. Caput Palladis galea- Λ Drachm.
 tum OOO 10. grana.
 Nostr. COΠIA. OOOO
 Cornu copiae.
46. Caput Muliebre Λ Drachm.
)(ΑΡΠΑΝ. Di.
 Nostr. midius Aper.

Postremos hosce quatuor Numos dono accepi cum nonnullis aliis a Viro Celeberrimo Domino Du Val , Bibliothecae Augustae , quae Florentiae servatur , Praefecto dignissimo : cuius amplissima eruditio , nobilis animi candor , et prisca virtus , subactumque iudicium mea praedicatione non egent . Mihi sane ex animo gratulor , Collegam me delectum esse talis viri , ad redigendum in ordinem CIMELIARCHIVM NUMARIVM Augustissimae AVLAE Vindobonensis , e quo Thesauro multa isthic ignota Numismata descripsi .





NVMI IN ASIA PERCVSSI

PARS ALTERA



NVMVS NICOMEDIENSIVM

TABVLA III.



Gregium hunc , aut simili
cum epigraphe, numum Ni-
comediensium , cuius imagi-
nem Tab. III. N. xxv. fulto,
ante nos produxit *R. P. Har-*
duinus de Numis Popul. et Urb.
e Cimelio Regio ; sed nulla
typi mentione facta : in epigraphe quoque
Epocham adiungere praetermisit ; cuius ta-
men in Chronologia Veteris Testamenti
meminit : de figura vero Remae sedentis, et
inscriptione ROMA, omnino siluit ; aut
ista in attrito numo non dignovit . Heic
igitur integram eius descriptionem, quia
apud nos elegantissimus , et integerrimus
est , repraesentandam duxi .

ΝΙΚΟΜΗΔΕΩΝ. *Nicomediensium*. Caput laureatum Iovis, promissa barba.

ΕΠΙ. ΓΑΙΟΥ. ΠΑΠΙΡΙΟΥ. ΚΑΡΒΩΝΟΣ. ΡΩΜΗ. ΔΚΣ. *Sub Caio Papirio Carbone. Roma. Anno 224.* Romae figura, galeato capite, sedens; d. Victoriolam porrigit, s. hasta pura fulcit. Aeneus mediae formae.

Nicomedia Bithyniae Metropolis, urbs splendidissima, atque ab aliis iam satis inlustrata, mea heic opera non eget. Verum anni, in hoc numo signati, aliqua difficultate non carent. Laudatus R. P. *Harduinus in Chthonolog. Vet. Test.* In Gaza. Gallorum Regia numos esse, refert, unum sub Caio Papirio Carbone Nicaeensium, cum notis ΒΚΣ. id est anno 222. alios similes Nicomediensium, Niceaensium et Bithyniensium, cum epoca ΔΚΣ. 224. Quae urbes omnes tres Bithyniae sunt, annosque aerae Graecorum, seu Seleucidarum heic esse consignatos, doctissimus P. Harduinus arbitratur.

Ego vero heic Bithyniae Regum epocham me deprehendisse, atque hoc ipso numo confirmare posse, confido. Id ut praestem, infirmenda primum est R. P. Harduini sententia; deinde mea stabilienda. Si anni Aerae Graecorum in relatis urbium Bithyniae numis signati essent, numi isti cusi essent alii anno V. C. 663. vel 664. alii

665. vel 666. Nam quum aera Graecorum incipiat ab autumno anni V. C. 442. igitur 442. * 222. *aequal.* 664. quo annus Bithynicus in autumno finitus est, atque incepit ann. V. C. 663. in autumno. Ita 442. * 224. *aequal.* 666. et ab autumno anni praecedentis 665.

Iam vero apud Chronologos, e certa veterum Scriptorum combinatione, id in confesso est, ultimum Bithyniae Regem Nicomedem IV. Epiphanem dictum, vitam finisse anno V. C. 679. et Rempublicam Romanam sui regni heredem scripsisse.

Illi igitur Bithynici numi, ad mentem P. Harduini, percussi essent aliquot annis ante Nicomedis postremi obitum. At enim vivente Rege (etsi is in clientelam Romanorum sese dederit, et praesidiarium militem suscepit) a subiectis sibi urbibus signatos esse numos, sola Romani Legati, qualem Papirium fuisse putat Harduinus, nulla vero ipsius Regis mentione facta, quis id sibi persuadeat? Adcedit, nihil adferri auctoritatis, nec adferri fortasse posse, qua ostendatur, tum Caium Papirium Carbonem in Bithyniam Legati nomine missum fuisse. Quod si quis autem neget, Scriptoribus plerisque veteribus fidem habendam; ferat, si ipsi quoque non habebitur. Certe Numorum, et Scriptorum,
vete-

veterum consensus in dies pluribus exemplis firmabitur ; dum , qui libero animo quaerant , non desint . Atque id ipsum nunc ago .

Aio itaque , in hoc numo signatos annos referendos esse ad aeram Regum Bithyniae , quae apud Doctissimum Spanhemium anno V. C. 466. initium sumpsisse , ex Syncello , et ex obitu ultimi Nicomedis comprobatur . Nam *Syncellus in Excerptis Eusebianis Scaligeri pag. 67.* Bithynorum Reges annis tredecim superducentos parmanisse docet . Nicomedes postremus vero e vivis excessit anno V. C. 679. Si igitur 213. anni demantur a 669. habebitur initium aerae anno V. C. 466. cum qua aera omnes annorum notae , in Bithyniae Regum numis detectae , egregie conveniunt : uti laudatus *Spanhemius* ostendit *Tom. I. de praestantia , et usu Num. ant. Dissert. VIII. §. 7.*

Iam vero , ut numum nostrum , aliosque similes , ab eruditissimo Harduino exhibitos , ad hanc aeram pertinentes , annos exhibere credamus , id satis fuerit : urbes istas Nicomediam , Nicaeam , Bithynium , ad Bithyniam tum omnes pertinuisse , et Nicomediam quidem , ac Nicaeam , eius Provinciae metropoles fuisse . Bithynica igitur Epocha maxime congrua quum sit ,
quae

quaerendus est Caius Papirius Carbo, qui hisce temporibus in Bithynia, iam Romana Provincia, (uti ex calculo annorum 224. et 222. ad aeram Bithynicam subducto, patet) negotii aliquid habuerit. Ecce vero luculentum *Dionis Cassii* testimonium *Lib. xxxvi.* locum latine tantum, quia longior est; integrum tamen, quia politicam quoque doctrinam complectitur, adscribam: *Et M. quidem Cotta, quum Quaestorem suum P. Oppium, quem donorum acceptorum, et insidiarum suspectum habebat, repudiasset; ipse autem magnam vim pecuniae ex Bithynia corrasisset, a C. Carbone accusatus est: isque Carbo, etsi praeter Tribunatum Plebis honorem alium nullum gesserat, ob id Consularibus honoribus exornatus est. Atque ipse deinde, quum Bithyniam Provinciam obtineret, et, quum Cotta, moderatiorem se non gereret, ab eius filio vice versa in iudicium tractus, reusque peractus est. Longe enim proclivius est, alios reprehendere, quam sibi moderari etc.*

Huic narrationi mox ea Dio subiicit, quae anno V. C. 688. gesta sunt: uti Leunclavius in margine adnotarat. Ad haec tempora itaque si incidant anni, in numis nostris expressi, rectissime se omnia habebunt; et e numis ipsis anni, quibus Bithyniae Caius Carbo, nomine Papirius, praefuit,

fuit , certius determinabuntur . Quare si ad aerae Bithynicae initium anno V. C. 466. adiciam annos numi nostri , 224. erit annus V. C. 690. Si Harduini similes numos adhibeam cum annis 222. habebitur annus V. C. 688. usque ad autumnum . Fuit igitur Caius Papirius Carbo Bithyniae Praefes anno V. C. 688. et 690. ac porro Bithynica aera praeclare hoc exemplo constabatur .

SARDIANORVM NUMVS

T A B V L A III.

Caput nudum crispis crinibus,
et crispa barba .

CΑΡΔΙΑΝΩΝ . *Sardianorum* . Figura muliebris , brevi vestitu , caput pileo Asiatico tecta , collo et dextro poplite curvato , dextram pectori admovet ; sinistra clavam humero imponit , et amiculum sustinet , pelli leonis non absimile . Tab. III. Num. xxvi. Aeneus est , medii moduli .

Sardis , urbs Lydiae vetustissima , et clarissima , non ipsius tantum Lydiae ; sed
etiam,

etiam , uti nñmus a Spanhemio relatus
 habet CAPΔIC. ACIAC. ΑΥΔΙΑC. ΕΛΛΑΔOC.
 Α ΛΗΤΡΟ ΟΑIC. *Asiae, Lydiae, Hellados
 Prima Metropolis.* Caput virile, quod sa-
 ne virum robustum ipsa sua forma pro-
 dit, Herculem referre arbitror; muliebri
 vero figura repraesentari Omphalen: quam
 deperiens Hercules, passus est, depositis
 armis suis, femineis sese vestibus ornari,
 atque labores sibi muliebres imperari:
 quod quum obvium, et ab omnibus My-
 thologis, ac plerisque Poëis decantatum
 sit, non repeto. Verum vice versa Om-
 phalen ipsam Herculis arma induisse, haud
 ita obvium est; est tamen ad numum no-
 strum necessarium. *Donatus in illud Te-
 rentii in Eunuchō. Act. V. Scena 8. Qui mi-
 nus, quam Hercules servivit Omphale.* Ita
 commentatus est: *Omphale Lydiae Regina
 fuit, quae Herculem sibi servientem etiam
 ad lanificium compulit: quum ipsa calathum,
 et colum, cultusque femineos Sagittis, et
 clava, leonisque tegmine mutasset. Quae
 omnia ad numum nostrum exponendum
 claro sunt indicio; quippe in urbe Ly-
 diae principe, et veterum Regum sede,
 percussum: A Palaeophato Omphale, non
 Regina Lydiae quidem, sed Ιαυδάως Συ-
 γάρτηρ Αυδών Κυσιλέως appellatur; id est,
 Iardani, Lydorum Regis, filia.*

Con-

Confirmat egregie numi nostri expositionem similis alius apud Begerum ; in quo tamen figura Omphales stans , cum epigraphe ΜΑΙΟΝΩΝ. *Maeniorum*, et cum simillimo Herculis capite . Maeoniam vero ipsam Lydiam dictam esse , vel e *Stephano* patet : Μαιονία, ἡ Λυδία ἀπὸ Μάιονος ποταμοῦ. *Maeonia* , *Lydia* , dicitur , a *Maeone* fluvio . Comprobat item ista numus apud Goltzium , qui una ex parte caput nostro geminum ; ex altera quidem parte Herculem stantem , sed epigraphen exhibet ΟΜΦΑΛΙΤΩΝ. *Omphalitarum*. Quod nomen in Omphales , et Herculis memoriam urbi datum esse , vel ipse duplex Herculis typus probabile facit . Fuit autem Ομφάλιον , seu , ut *Diodorus Siculus* scribit , Ομφάλειον , urbs alia in Creta , alia in Epiro ; aut iuxta *Stephanum* , in Thessalia .

NVMVS CYZICENORVM.

ΚΥΖΙΚΗΝΩΝ . *Cyzicenorum* . Fax sola .

T A B V L A III.

Bos Cornupeta . Aeneus est , mediae formae Tab. III. Num. xxvii.

CErerem , ac Proserpinam frequentissime in numis suis consignaverunt Cyziceni . Hic simplici symbolo fax inquisi-
tam

tam a Cerere Proserpinam notat. Bovis autem figura indicat sacrificium vaccae nigrae, quo placabatur Proserpina; qua de re Poëtarum veterum testimonia adduxi in *Appendicula ad Numos Coloniarum a Vaillantio editos*, ad numum Antiochenum Iuliae Severi. P. Harduinus quoque *Appianum in Mithridate*, et *Plutarchum in Lucullo*, de nigra bove, a Cyzicenis quotannis Proserpinae mactari solita, mentionem fecisse, perhibet. Cyzicum, illustrem Propontidos urbem fuisse, vix opus est monere.

ERYTHRAEORVM NVMVS

T A B V L A IV.

ΙΕΡΑ . ΣΥΝΚΛΗΤΟC . *Sanctus Senatus*,
vel *Sanctum Concilium*. Protome mulieris,
crinibus crispatis.

ΕΠΙ . C . Π . Α . ΑΤΤΑΛΟΥ . Τ . Β . ΕΡΥΘΡΑΙΩΝ . Επὶ Στρατηγῇ Περβλίῃ Αἰλίου Αττάλου τὸ β Ερυθραίων . *Sub Praetore urbis Publio Aelio Aitalo*, iterum, *Erythraeorum*. Templum tetrastylon, in quo idolum Fortunaе, capite tutulato: d. temonem, s. cornu copiae gerens. Aeneus mediі moduli Tab. IV. num. XXVIII.

Vrbes, Erythra appellatae, quinque,
a Stephano recensentur; Europaeae duae,
in

in Locride una , altera in Boeotia : alia Lybiae ; rursum alia Cypri , quae Paphus dicta est ; denique Ερυθρα πόλις Ἰωνων — ὁ πολίτης Ερυθραῖος : *Erythra urbs Ionum — incola Erythraeus dicitur* . Ad hanc Ioniae Erythram prae Europaea utraque (nam de aliis duabus vix esse suspicio potest) numum nostrum pertinere , et Magistratus Στρατηγῶν *Praetoris Urbici* , manifestat , quem in monetis suis Graecorum Europaeorum urbes expressisse , non sunt observatae : et ipsum quoque Magistratus nomen proprium . Nam *R. P. Harduinus in Num. Popul. et Urb. Alexandri Severi* numum refert , cum epigraphe ΕΠ. CT. Π. ΑΙ. ΑΤΤΑΛΟΥ. ΤΟ. Β. ΕΡΥΘΡΑΙΩΝ. Ex quo in aperto est , eiusdem anni , et Regionis esse numum nostrum . Hunc vero *Harduini* , ex eo quoque probabile fit , ad Ioniae Erythram , esse potius , quam ad aliam , numum referendum ; quod in eo Hercules stans exhibeatur . Porro Herculis templo ornatam fuisse hanc Erythram , *Plinius Lib. XI. Cap. 31.* testatur , et *Elagabali* numus , Herculis templo insignis , apud *Tristanum Tom. II.* confirmat . *Strabo* quoque Herculis Ἰουλιόνε , quod apes exterminasset , apud Erythaeos Ionios cultum floruisse *Lib. XIII.* commemorat . De epigraphe : *Sanctus Senatus* , numo sequente agetur .

TRAJ -

TRALLIANORVM NVMVS.

T A B V L A IV.

IEPA. CTNKAHTOC. *Sanctus Senatus*,
vel *Sanctum Concilium*. Protome mulieris,
capite velato.

ΕΠ. ΓΡ. Μ. ΑΥΡ. ΕΥΝΟΟC. Επὶ Γραμ-
ματέως Μάρκε Αὐρηλίου Εὐνοός. *Sub scriba Marco*
Aurelio Euno. ΤΡΑΛΛΙΑΝΩΝ. *Trallianorum*.
Phoebus, capite radiato, currui quadrigis
iuncto insistens, dextram protendit: fini-
stra flagellum, et lora tenet. Aeneus
maximi moduli. Tab. IV. num. xxix.

Trallis, vel Tralles notissima Lydiae,
aut vicinae Cariae urbs, in aere suo Γραμ-
ματέως Magistratum exhibere solet; haec
tamen nomina viri huius omnia, neque in
numis, neque in libris me vidisse memi-
ni: atque adeo de numi huius aetate ni-
hil habeo, quod adferam.

Videntur Tralliani hac epigraphae IEPA.
CYNKAHTOC. *Sanctus Senatus*, Romanum
potius, quam suae urbis Senatum, hono-
rasse; quoniam numi characteres, et ipsa,
quantum coniici potest, aetas, indicant
eundem tum percussum esse, quum iam su-
biecti essent Tralliani Romanis. Confir-
mare id videtur numus a R. P. Hardui-

no prolatus, in cuius una facie ΙΕΡΟC. ΔΗΜΟC. *Sanctus Populus*. In altera ΤΥΧΗ. ΤΡΑΛΛΙΑΝΩΝ. *Fortuna Trallianorum*. ut adeo hisce numis *Senatum Populumque Romanum Sancti* titulo, ac talibus symbolis honorasse videantur: quibus professi sint, ab *Romano Senatu*, tanquam a *Sole*, totum Orbem, et Orientem in primis conlustrari; tum *Fortunam* quoque *Trallianorum* esse *Populi Romani Fortunae* inligatam. Non ignoro tamen, in aere veteri epigraphen ΔΗΜΟC. et ΙΕΡΟC. ΔΗΜΟC. item ΒΟΥΛΗ et ΙΕΡΑ ΒΟΥΛΗ. ad Graecarum etiam Urbium *Populum*, *Curiamque* signandam adhibitam fuisse. ΙΕΡΑ. ΣΥΝΚΛΗΤΟC. tamen, quum quasi proprie *Sacrum Romanorum Senatum* in numis designet; etiam alteram inscriptionem ΙΕΡΟC. ΔΗΜΟC. eiusdem urbis, et fortasse temporis, eodem referendam putavi.

ATTUDEORVM NUMVS.

T A B V L A IV.

QVum superiore numo de epigraphē ΔΗΜΟC. *Populus*, et ΒΟΥΛΗ *Senatus*, vel *Curia*, vel *Concilium*, aliqua mentio inlata sit, exemplum heic aliquod subiicere libuit.

AT-

ΑΤΤΟΥΔΕΩΝ. ΒΟΥΛΗ. *Attudeorum Curia*, seu *Senatus*. Caput videtur laureatum esse, et Maximinum Imperatorem referre. Iconismum vide Tab. IV. num. xxx.

Vrbis huius, de qua Geographi antiquiores silent, notitiam aliquam Eruditissimus Pater Harduinus nobis adtulit e *Notitia Ecclesiast. antiqua*, ubi inter sedes Episcopales Phrygiae Pacatianae Αττυδα legitur. Et apud *Leunclavium* pag. 98. ὁ Ατλέδων. Demum in *Concil. Calched.* Συμμέχιος πόλεως Ατλεδῶν. *Symmachius urbis Attudorum Episcopus*.

Numi huius urbis, praesertim qui sine Augusti vultu percussi sint, rarissimi exstant: Goltzius nullum eiusmodi; unicum laudatus Harduinus e Cimelio Regio proposuit, in quo inscriptum habetur ΔΗΜΟΣ *Populus*. Qua epigraphe, uti et nostra ΒΟΥΛΗ. ipsius Attudeorum urbis *Senatum*, *Populumque* indicari arbitror; cum nihil heic suadeat, cur Romano Senatui, Populoque potius adscribatur.

Erudito lectori haud ingratum accidet, duas heic antiquas inscriptiones contemplari, quarum, cum aliis pluribus, exemplum, ab Anglis acceptum, Ephesi easdem describentibus, Eruditissimus *Dominus de la Condamine*, cuidam e *Soc. Iesu*, ille mihi indulsit. Fit etiam in his men-

tio *Senatus*, et *Populi Ephesiorum*, hoc eodem vocabulo ΒΟΥΛΗ . ΔΗΜΟΣ . Fideliter apices omnes ac lacunas exhibebo, ac deinde supplebo, quae potero, atque latine reddam.

Supra lapidem positum, ad latus quadragesimi primi arcus aquaeductus.

ΑΥΤΟΚΡΑΤΟΡΟΣ ΚΑΙΣ
 ΑΡΟΣ ΘΕΟΥ ΤΡΑΙΑΝΟΥ ΠΑΡ
 ΘΙΚΟΥ ΤΙΟΥ ΟΙΟΥ ΝΕΡΟΥΑ
 ΜΙΟΝΟΥΤΡΑΙΑΝΟΥ ΑΔΡΙΑΝΟΥ
 ΣΕΒΑΣΤΟΥ
 ΗΦΙΛΟΣΕΒΑΣΤΟΣ
 ΕΦΕΣΙΩΝ ΒΟΥΛΗ ΚΑΙ ΟΝΕΩ
 ΚΟΡΟΣ ΔΗΜΟΣ ΚΑΘΙΕΡΩΣΑΝ
 ΕΠΙ ΑΝΘΙΠΑΤΟΥ ΠΕΔΟΥΚΑΡ
 ΟΥΠΡΕΙΣΚΕΙΝΟΥΤΗΦΙΣ
 ΜΕΝΟΥ ΤΙΒ ΚΑΙΤΑΛΙΚΟΥ
 ΤΟΥΓΡΑΜΜΑΤΕΩΣ ΤΟΥΤΗΜΟΥ
 ΕΡ ΕΠΙΣΤΑΤΗΣΑΝΤΟΣ
 ΤΙΒ ΚΛΠΕΙΣΩΝΕΙΝΟΥ.

υιον Θεου
 lego N.
 pro T. in
 fine.
 Peto Ca-
 rus sub
 Traiano
 Cosf.
 αλ lego
 pro κα.
 εφ. lego
 pro εφ.

Sic interpretor : *Imperatoris Caesaris Divi Traiani Parthici Filium, Divi Nervae Nepotem, Traianum Hadrianum Augustum, colentes Augusto addictus Ephesiorum Senatus, et Neocorus Populus consecrarunt, sub Pro-Consule Pedone Caro, Priscini filio : suffra-*

*ſuffragium ferente Tiberio Claudio Italico ;
Scriba Populi Ephesiorum , Praefide Tiberio
Claudio Piſonino. Sequitur altera inſcriptio :*

Inſcriptio arcus quadrageſimi ſecundi.

ΗΒΟΥΛΗΚΑΙΟΔΗΜ - - ſuppleo ΔΗΜΟΣ
ΕΤΕΙΜΗΣΕΝ
ΑΝΤΟΝΙΑΝΙ ΟΥΛΙ - - - ΙΟΥΛΙΑΝ-
ΗΝΤΗΝΙΕΡΕΙΑ - - - ΙΕΡΕΙΑΝ
ΤΗΣ ΑΡΤΕΜΙΔΟΣΘ - - ΘΥ
ΓΑΤΕΡΑΜΑΝΤΩΝΙΟ - - ΑΝΤΩΝΙΟΥ
ΒΑΡΟΥΦΙΛΟΣΕΒΑΣΤΟΥ
ΚΑΙΦΛΑΒΙΑΣ ΤΕΡΤΥΛΛ - - ΤΕΡΤΥΛΛΗΣ
ΤΗΝΤΕΙΜΗΝ ΑΝΑ
ΣΤΑΣΑΝΤΩΝΟΣΠΟ - - ΠΟΛΛ vel
ΠΟΥΒ. forte
ΜΗΤΡΟΔΟΡΟΥΤΟ - ΤΟ. Α. vel Β. forte
ΗΡΥΤΑΝΕΩΣ vel ΤΟΥ
ΘΑΙΑΙΛΙΟΥ ΚΑΙΟ - - ΚΑΙΟΝΙΟΥ forte
ΠΙΟΥΤΟΥΓΡΑΜΜΑ
ΤΕΩΣ ΤΟΥ ΔΗΜΟΥ

Manca omnia certo ſupplere non ſum
auſus: quae poſſum , ita interpretor : *Se-
natus Populusque honorauit Antoniam Iulia-
nam Sacerdotem Dianae , filiam Marci An-
tonii Vari , Auguſto addiſti , et Flaviae
Tertullae , honoris ergo excitari hoc monu-
mentum curantibus --- Metrodoro primum ,*

vel primo Prytane, et Aelio Caenio Pio, Scriba Populi.

In his inscriptionibus, praeter *Senatum*, et *Curiam*, cuius gratia heic allatae sunt, mentio fit Γραμματέως τῆ Δήμῃ. *Scribae Populi*. Nam Senatui quoque suum Γραμματέα fuisse, in erudita sua de Γραμματέωσι Dissertatione, ex Oxoniensi Marmore ostendit Doctissimus *Dom. Christianus Schwartzius* pag. 14. Est aliud quoque Marmor inter nostra Ephesina, in quo verbum nullum integrum, praeter haec ultima, legere est: ΣΤΕΦΑΝΘΕΙΣ ΤΠΟΤΗΣ ΒΟΥΛΗΣ ΚΑΙ ΤΟΥ ΔΗΜΟΥ ΧΡΥΣΕΩΣΤΕΦΑΝΩ. *Coronatus a Senatu, et a Populo corona aurea*. Rursum alia arcui aquae ductus trigesimo sexto vicina, in qua habetur inter cetera:

----- ΗΦΙΛΟΣΕΒΑΣΤΟΣ

ΕΦΕΣΙΩΝ ΒΟΥΛΗ ΚΑΙ ΟΝΕΩ

ΚΟΡΟΣ ΔΙΣ ΔΗΜΟΣ ΚΑΘΙΕΡΩ

ΣΑΝ etc.

Augusto devotus Ephesiorum Senatus, et Populus bis Neocorus consecrarunt.

NVMVS TIBERIOPOLITARVM

T A B V L A IV.

Aliud adhuc exemplum consignati Asia-
tici *Senatus*, et *Populi* sufficiunt numi
Tiberiopoleos, urbis in Phrygia Pacatiana,
quae unico vocabulo *Τιβεριόπολις* a *Ptole-*
maeo Lib. V. et a *Notitia Eccles. antiqua*.
exprimitur; duobus vero a *Socrate Lib. VII.*
Hist. Eccles. cap. 26. *Εν Τιβερίῃ πόλις τῆς*
Φρυγίας. Numum huius urbis unicum, sine
Augusti vultu, refert *R. P. Harduinus*;
in cuius adversa parte caput senile bar-
barum, laureatum, cum epigraphe ΔΗΜΟΣ.
Populus. In averfa TIBERIOΠΟΛΕΙΤΩΝ. Ge-
nius urbis stans, dextrâ temonem finistrâ
cornu copiae tenens. Noster numus ita
habet:

ΒΟΥΛΗ. *Curia, vel Senatus*. Caput
velatum muliebris formae.

TIBERIOΠΟΛΕΙΤΩΝ. *Tiberiopolitarum*. Iu-
piter togatus stans, dextrâ aquilam susti-
net. Est figura Iovis *Φιλλληθῆς*. *Veritatis*
amantis. Aeneus parvi moduli, elegans.
Vide Tab. IV. num. xxxi.

AMISENORVM NUMVS.

T A B V L A V.

AMISOT. *Amisē*. *Amisē*. Victoria gradiens, dextra palmam. Ex utraque parte monogramma, quod vide Tab. V. num xxxii.

Caput Medusae, squamato ornatu cinctum: videtur scutum Palladis referre. Aeneus, parvi moduli.

Huius numi typus est iam a Goltzio propositus; sed monogrammata heic alia sunt, quam in Goltzianis numis. Monogramma alterum literas A. M. E. T. manifesto complectitur, quod lego *Ἀμισσηνῶν, Μιλητίων. ἔτους. Amisenorum, et Milesiorum, anno*: Alterum literis Σ. et Ο. constat, quas esse numericas notas censeo; atque adeo indicare annum 270. Lectionis primum reddenda ratio, deinde epochae.

Numos rectissime e numis exponimus. In laudato saepius *R. P. Harduini* libro Maximini numisma e Cimelio Regio adfertur, cuius postica facies ita inscripta habetur: AMICOT. ΕΛΕΥΘΕΡΑC ET. CΕΗ. AMICHNΩN. ΜΙΑΗCΙΩN. En tibi, idem nomen urbis *Amisē*, eadem vocabula gentilia, *Amisenorum, et Milesiorum*: eadem
li.

literas ET. ad annum indicandum, uti in numo nostro lectum est. Porro etiam *Strabo Lib. XII.* Amisum Milesiorum Coloniam compellat: etsi Atheniensibus id quoque tribuat *Arrianus in Periplo Ponti Eux:* et *Appianus in Mithridat.*

Numeri, in P. Harduini numo signati, supputantur ad aeram Amisi, quae coepit anno V. C. 721. nam si addas CEN. aequal. 268. exhibit annus V. C. 989. Maximini secundus. In nostro vero numo habetur 270. atque adeo 270. ✱ 721. referret annum V. C. 991. Gordiani Pii primum; nisi aliud obtaret. Nam numus noster, qua characteribus, qua forma sua omni, et fabrica, multo antiquiorem se esse monet.

Alia igitur quercus mihi excutienda est, aliudque vetustioris epochae quaerendum est initium, idque eiusmodi, ut adiectus in numo nostro annorum numerus 270. praecedat annum V. C. 721. quo nova et altera Epochae initium sumpsit; quod eo tempore se Amisus, abdicato Stratone Tyranno, in pristinam libertatem asseruerit.

Vetustiore hanc aeram non pro luitu meo confingo; sed a Doctissimo Morellio constitutam, Ponti Regum aeram adsumo, deductam a Mithradate Primo, qui *Krisis Conditor* dictus est. Initium sumitur

mitur ab anno Urbis conditae 448. quibus adiungendo 270. habetur annus C. V. 718. anterior illo 721. quo nova aerea coepit.

Quid vero magis congruum, quam celeberrimam Ponti Asiatici urbem, eiusdem Ponti Regum aeram usurpasse? Quamquam enim Amisus, sub Persis quoque, iam inde ab sui primordio libera esset; tamen, teste *Appiano in Mithrid.* Ponticis Regibus servire coacta est, et eorundem quoque Sedes regia erat; uti auctor est *Cicero Orat: pro lege Manilia*: Lucullum cepisse *Sinopen, atque Amisum; quibus in oppidis erant domicilia Regis, omnibus rebus ornata, atque referta.* Rursum quidem ab ipso Lucullo primum, ut confirmat *Appianus*, deinde ab Iulio Caesare libertas data est: ab Antonio tamen de integro ablata; ab Augusto denique restituta: quas variantis fortunae vices *Strabo Lib. XII.* exsequitur.

Annus in nostro numo signatus incidit in tempora M. Antonii, quum compositis Ponti rebus in Medos moveret. Verum siue tum libera adhuc Amisus permanferit, siue Regulo alicui, aut Stratoni Tyranno subdita fuerit; nihil vetat, quin prisca Regum aera usos dicamus Amisenos; quando constat, sub Romanis quoque,

que, in numis suis, urbes quasdam veterem supputandi temporis rationem diu retinuisse.

NVMVS EVMENIS REGIS.

T A B V L A V.

QVanquam huius numi, fane mirabilis et singularis, locum, in quo percussus sit, assignare certum non possum; adferendum tamen putavi, atque proponendam saltem coniecturam meam, ut si quidem mereatur, eam probent Eruditi: sin autem, meliorem ipsi expositionem invenient. Typum vide Tab. V. num. xxxiii.

BA. intra literam Σ. ut sit ΒΑΣ. ΕΥ. superius ΝΟ. inferius ΚΔ. lego haec: Βασιλέως Ευμενῆς, *Regis Eumenis*. ΚΔ. numericas notas arbitror, et indicare annum, 24. Regni Eumenis. Literas ΝΟ aut ad nomen Eumenis pertinere arbitror, ut ita Ε. vel cum Α. vel cum Υ. simul literam Μ. consignet: aut si ingenio indulgere, voluero, legam: Ναόν Οικίσας ΒΑΣΙΛΕΥΣ ΕΥΜΕΝΗΣ ἔτει ΚΔ. *Aede excitata* (nempe Iovi Capitolino) *Rex Eumenes anno vigesimo quarto*, hoc numisma signandum curavit: quae lectio cum parte averfa egregie conveniret, in qua ita habetur.

ΚΑΠΕ.

ΚΑΠΕ. quod interpretor Καπετώλιον, *Capitolium*, aut Καπετώλιος Ζεὺς, *Iupiter Capitolinus*. Templum tetrastylon. Aencus, medi moduli.

Illas certe literas ΒΑΣ. ΕΥ. una cum ΚΔ. annorum haud dubie notis, quid demum aliud significare credamus, quam Βασιλέα *Regem* aliquem, cuius nomen ab ΕΥ. incipiat, et cuius regni tempus annos quatuor, et viginti saltem impleverit? quique Capitoli excitandi, aut colendi Capitolini Iovis, Romae Tutatoris, singulares causas habuerit; ego sane non video. Haec vero omnia invenio in Eumene, Rege Pergameno.

Fuit hic Eumenes Attali filius, qui Attalus Φιλοφωμάιος dictus, et primus Pergami Rex adpellatus est: de quo *Strabo Lib. XIII. Ρωμαίοις κατέστη φίλος, καὶ συνεπολέμητε πρὸς Φιλίππον. Romanorum amicus erat, et in bello adversus Philippum socius*. Eumenes ipse filiorum Attali natu maximus (fratres enim habebat tres, Attalum, Philadelphum dictum, Philetaerum, et Athenaeum, Strabone teste) et Regni heres, Romanorum amicitiam maioribus adhuc meritis sibi devinxit, fratrum suorum opera strenue adiutus; ac denique filius Eumenis, Attalus et ipse, Philometor cognomine, Regnum omne moriens hereditario

tario iure in Populum Romanum transtulit .

Eumenes noster sane praeclare de Romanis meritus est, quos adversus Perseum, Antiochum, et Mithradatem bellantes constanter adiuvit : uti legere est apud *Appianum in Bell. Syr. et Mithridat.* ac fusc. apud *Livium Decade IV. Lib. VI. et VII.* Polybius quidem, et Paterculus suspectam eius in Romanos fidem, aut certe ipsum haesitantem, faciunt. Verum satis purgavit Eumenem ab hac suspicione et Lucullus sensus, qui eundem Archelao Mithradatis Duci, in exemplum fidei, quam ipse Romanus Dux praemiis sit remuneratus, proposuit, teste *Appiano in Mithrid.* et amplissima illa Senatus Romani sententia, qua eidem Asia cis Taurum omnis, Antiocho adempta, magnas inter laudes dono data est : quod apud *Livium*, et *Strabonem* locis citatis adnotatum legimus.

Eumenes hic, ut Strabo refert : βασιλεύσας ἑτη τεσσαράκοντα καὶ ἑννέα, ἀπέλιπε τῷ υἱῷ τὴν ἀρχὴν Ἀττάλῳ. *Cum regnasset annos quadraginta novem, filio suo Attalo regnum reliquit.* Et quanquam magnus Petavius pro ἑννέα legendum censeat ἐν unum et quadraginta; abunde tamen annorum recensio est pro numo nostro.

Urbes duas splendide condidisse, aut
in-

instauratione, ornatuque legitur Eumenes; Eumeniam in Phrygia, de qua *Eutropius Lib. IV. cap. 2.* agens de pugna cum Antiocho: *Auxilio fuit Romanis in ea pugna Eumenes, Attali Regis frater, qui Eumeniam in Phrygia condidit*: et latinus textus *Chronici Eusebii* prope iisdem verbis. Nomen vero *Eumeniae* urbi huic imposuisse Attalum, in honorem Eumenis nostri, dicti etiam Philadelphi, *Stephanns* perhibet.

Vrbs altera Pergamus erat, quam Eumenes aedificiis, et Bibliotheca in primis ornavit, *Strabone Lib. XIII. et Plinio Lib. XXXV.* testibus. Equidem templum Iovi Capitolino erexisse Eumenem, nusquam invenio; omnino tamen credibile est, publicis etiam monumentis, suum in Romanos, atque eorum Tutatorem Iovem Capitolinum, gratum, ac devotum animum testatum fecisse; quippe qui, quantum Regum alius nemo, Romanae Reipublicae deberet. Quod si excitato Iovis Capitolini templo (quale habuisse Colonias, aliasque urbes, ex *Aulo Gellio Lib. XVI. Cap. 13. Livio etc.* atque ipsis e numis constat) Eumenes Romanos non coluit; eiusdem Dei saltem in monetis suis memoriam, et venerationis symbolum aliquod exprimendum curasse, dubitare vix licet.

Quare

Quare quum omnia, in numo nostro expressa, cum Rege hoc Eumene plane convenient, ad alium vero Regem ita applicari, quantum quidem ego video, non possint; coniecturae huic meae aliquem peritorum adfensum polliceri ausim. Eidem si adiicere aliam licet, de loco in quo signatus sit hic numus; haud multum a vero me aberraturum puto, ubi Pergamum, Regiam Eumenis sedem, eiusque Regni urbem principem nominavero. Confirmant me Pergamenorum numi, Augusti unus, e Cimelio Domini Focuault, dein in Parmense inlatus, in quo legitur ΘΕΑΝ. ΡΩΜΗΝ. ΠΕΡΓΑΜΗΝΟΙ. *Deam Romam colunt Pergameni.* Et alii, templum Iovis exhibentes, quos *Vaillantius*, et *Harduinus* recensent.

ELAEVSIORVM NVMVS.

T A B V L A V.

Regem Pergami Eumenem, Rex alter, e numo Elaeusiorum signis quibusdam eruendus, excipiat Archelaus. Habet hic numus duo singularia; primum, quod Elaeusam urbem nobis in memoriam revocet, cuius nullae, cum nomine Elaeusae,

fae, haëtenus apud Numariae Rei Scriptores, quod sciam, productae sunt monetae: alterum, quod Archelai, celeberrimi Cappadociae Regis, vultum nobis exhibet, cuius numum nullum alibi adductum me vidiſſe memini. Archelai Iunioris, Philopatoris dicti, qui filius erat Archelai nostri, numum unicum e *Baudelotio Utilité des Voyages, Tom. II. pag. 605.* repraesentat Spanhemius, capite imberbi una, ex parte, ex altera clava insignem; idemque Archelai prisci Macedonum Regis numos, quos produxerat Goltzius, commemorat: verum de Archelao Seniore Cappadociae Rege, numum nuspiam reperit, quem exhiberet. En nostrum.

Caput barbatum, et diademate cinctum: ad occiput litera A. orbiculo inclusa, qua indicatur. *Αρχέλαος. Archelaus.* Exhibetur typus Tab. V. num. xxxiv.

ΕΛΑΙΟΥΣΙΩΝ, ΣΕΒ. *Ελαιούσιων Σεβαστηνῶν. Elaeusiorum Sebastenorum*, Victoria, capite galeato, gradiens; dexterâ extensa fertum tenet, sinistrâ vestem adducit. Litera Σ. Ε. et Β. etsi ordine alio, quam quo antea scripseram, numo insculptae sint; sic tamen collocatas, lectasque oportuit: fuit autem Ε. infra Β. positum, quia τῷ Ε. alia litera, quae adtrita est, a tergo fuit annexa, quae, quantum dignoscere licet,

ciat

erat A. ut ita ΣΕΒΑ. signatum credam : Vide Tab. V. num. XXXIV. Est ex aere mediocris moduli, ad parvum declinantis.

De loco primum dicam; deinde de Rege una et urbe ab ipso condita. Elaeusa insula, et urbs erat ad littus Ciliciae Asperae: Orthographiam nominis certam, hic denique numus nos docet. Nam a Strabone, et Stephano duplici Σ. Ελαιῦσσα, scribitur: ab Oppiano vero *Lib. III. Ha-lient.* atque a Flavio Iosepho, aut horum potius exscriptoribus, sine diphthongo Ελεῦσα, itemque a Plinio *Elēusa* exprimitur; in numo vero Ελαιῦσσα.

Insulae huius, et urbis situm Plinius *Lib. V. Cap. XXXI.* indicat: *Idalium abest ab Anemurio Ciliciae quinquaginta M. passuum: mare, quod praetenditur, vocant An-lona Cilicium. In eo situ Elēusa insula est. Urbs eiusdem nominis condita illic est ab Archelao, Cappadociae Rege, Strabone teste Lib. XII. cuius ibidem regia sedes fuit:* Καὶ τὰ ἐν τραχέειᾳ Καιλινίᾳ, ἐν ἣ τὴν Ἐλαιῦσσαν νῆτον ἑυκαρπὸν συνέκλισεν Ἀρχέλαος ἀξιολόγως, καὶ τὸ πλεόν ἐνταῦθα διέτριβεν. *Quaeque in Cilicia Aspera sunt, in qua Elaeussam Insulam fertilem, urbe exstructa, frequentavit, atque eam ut plurimum incoluit. Similia Lib. XIV. habet. Praeter hanc Archelai, Elaeusam inhabitandi, consuetudinem, alterum quo-*

que huius urbis nomen Iosephus *Lib. XVI. Antiq. Cap. IV.* exponit: Ηρώδης δὲ πλέων σὺν τοῖς παισιν, ὡς ἐγένετο κατὰ Κιλικίαν ἐν Ελεῦσθι, τῇ μετωνομασμένῃ νῦν Σεβασή, καταλαμβάνει τὸν βασιλέα τῆς Καππαδοκίας Ἀρχέλαον. *Herodes autem cum filiis suis navigans, ubi ad Ciliciam in Elëusam pervenit, quae nunc Sebastae adpellatur, convenit illic Archelaum, Cappadociae Regem. Vtriusque nominis Elaeusae, et Sebastes meminit etiam Stephanus, et gentile nomen Ελαίεστιος format, quale, dempto uno s. in numo nostro signatum est. Ptolemaeus Lib. V. Cap. VIII.* solum nomen Sebastes adfert, atque cum vicina Coryco, uti et Stephanus, nominat: Τῆς ἰδίας Κιλικίας, Κώρυκος Σεβασή. *Ciliciae propriae, Corycus, Sebastae.*

Numi quoque huius urbis, qui a Comodi temporibus habentur, ΣΕΒΑΣΤΗΝΩΝ tantum inscripti deprehenduntur. At noster, quum utrumque nomen ostendet, haud dubie eo tempore cusus videtur, quo Elaeusae nomen non dum exolevit; imo vero, quo Sebastes compellatio, honorifici cognominis ergo tantum usurpata fuerat. Equidem ipsum Archelaum *Sebastes* nomen Elaeusae suae adiecisse, nuppiam lego: certum mihi tamen est, id Archelao auctore factum esse. Nam *Sebastes*, seu *Augustae* nomen, uti aliae urbes,
ita

ita haec quoque non nisi in Augusti honorem obtinuit : atque adeo , aut vivente adhuc Augusto , aut recenti eius durante memoria . Archelaus vero beneficiis egregiis est ab Augusto cumulatus ; quum non modo ab Antonio data , ei , et Amyntae , solis permiserit Caesar Augustus : quod *Dio Lib. LI.* refert : verum etiam Ciliciae parte , et Armenia minore donaverit , ut idem *Dio Lib. LIV.* perhibet . Archelaus porro anno a morte Augusti quarto , V. C. 770. Tiberio imperante , ipsique infenso , Romae accusatus , *finem vitae* , ut cum *Tacito Lib. II. Annal.* loquar , *sponte , aut fato implevit* . Dubitandum igitur nullo modo arbitror , Archelaum ipsum Elaeusam suam *Sebastes* cognomine adpellasse .

Quod vero Strabo , qui sub Tiberio scripsit , solius nominis Elaeusae mentionem faciat , inde factum videtur ; quod sub initium vetus nomen *Elaeusae* loco principe , uti noster numus testatur , retentum sit , et cognominis instar *Sebastes* compellatio adceserit ; subinde vero cognomen , quod et in hominum cognominibus saepe accidisse constat , seu adulatione , seu Romanorum , Cappadociae , ac Ciliciae , in Provinciam redactae , Dominorum iussu , prae veteri Elaeusae nomine invaluerit .

Satis argumentorum me attulisse existimo, cur τὸ A. in aduersa numi nostri parte signatum, Archelai Regis nomen indicare; et caput diadematum, eiusdem Regis vultum referre, censuerim. Iovis quidem certe caput heic signatum esse, non credo, quod lauro cinctum, et prolixiore barba effingi solet.

NUMVS CORYCIOTARVM ET HERACLEAE

T A B V L A V.

ELaeusae vicina Corycus heic sibi locum vendicat. Numum Coryciatarum, sine Augusti capite, unum Goltzium protulit, qui cistam Bacchi, et caput Iovis exhibet, cum epigraphe: ΚΩΡΥΚΙΩΝ. atque hunc numum ad Cretae Corycum Goltzium refert. Alii numi, sub Augustis signati, ΚΩΡΥΚΙΩΤΩΝ. inscripti leguntur, addito nonnunquam titulo Ἀσύλα, et Ναυάρχιδος, *Asyli iure gaudentis, et Classicae*. Noster quoque numus ΚΩΡΥΚΙΩΤΩΝ. gentile nomen profert; Stephanus utroque modo format: Κώρυκος πόλις Κιλικίας -- τὸ ἔθνικόν Κωρύκιος — λέγεται καὶ Κωρυκιώτης.

Co-

Corycus urbs Ciliciae, gentile Corycius, dicitur etiam Coryciota. Numum nostrum in imagine sisto Tab. V. num. xxxv. quem quidem iam obiter descripseram in *Austario Appendiculae ad Numos Graecos Vaillantii*. Ita habet:

Caput muliebre turritum, ad occiput ΔT. Anno 304.

ΚΩΡΥΚΙΩΤΩΝ. HP. TAP. Κωρυκιωτῶν, Ηρακλεωτῶν, Ταρτέων. *Coryciotarum, Heraclotarum, Tarsensium.* Mercurius, galero tectus, stans, destra strophium colligit; sinistra caduceum sustinet. Aeneus, parvi moduli.

Characteres ΔT. in antica numi parte signatos, annorum esse notas, nullus dubito. Quum vero numus multam vetustatem spiret, et numerus sat magnus indicetur; ad nullam Ciliciarum urbium aeram, quae, in Augustorum numis, serius coepisse, repertae sunt, applicari posse, persuasum habeo. E vetustioribus vero epochis, cui rectius, quam Seleucidarum adtribuam, non invenio. Si itaque addam 304. * 442. habebo annum V. C. 746. Eo tempore Elaeusa, cum vicinis urbibus, uti ad numum praecedentem adnotavimus, Archelao parebat; quem epocham aliquam novam, vetere abolita, instituisse non constat. Corycum vero Elaeu-

fae vicinam , imo proximam fuisse , Ptolemaeus , Oppianus , et Stephanus comprobant , qui has duas urbes in descriptione Ciliciae consociant .

Haud procul ab Elaeusa etiam Tarsus aberat , clarissima Ciliciae metropolis : quare τὸ TAP. in averfa numi facie citra dubium Ταρσέων , *Tarsensium* legeram : concordiam , aliumve harum urbium nexum indicari credens . Τὸ HP. vero etsi Ηρακλεωτῶν *Heracleotarum* , legendum arbitreri ; cui tamen Heracleae , quum viginti tres recenseat Stephanus , ac inter duas potissimum , utri hanc epigraphen tribuam , ambiguus haereo .

Heracleam Cariae , quod inter Asiae minoris urbes eiusdem nominis , proxima esset Ciliciae , heic accipi oportere primum suspicabar ; ad quod confirmandum induxi in dicto *Autario Appendiculae* insignem Tarsensium numum , in quo , uti describere Vaillantius , et Harduinus , tres figurae , totidem Provincias referentes , effictae sunt , Genio urbis Tarsensis coronam imponentes , cum epigraphe : ΕΠΙ. ΑΡΧ. Γ. ΟΜ. CETHPIAN. ΤΑΡΟΥ. ΜΗΤΡ. ΤΩΝ. ΚΙΛΙΚΩΝ. ΙΚΑΤΡΙΑ. ΚΑΡΙΑ. ΛΥΚΑΟΝΙΑ. *Sub Archonte Caio Hom. — Severianae Tarfi , Metropoleos Cilicum , Isauria , Caria , Lycaonia.* Hoc ex numo , et Scriptorum veterum

rum testimoniis collegeram, singulare quoddam iuris, aut amicitiae vinculum Cariam Ciliciae adstrinxisse: quod et urbes suae in numis professae fuerint,

Aliud quoque, ad illustrandum hunc nexum Heracleae Cariae cum Tarso, numisma in subsidium vocaveram ex Collectione R. P. Harduini, in quo legebat: H. TA. ΑΔΕΛΦΩΝ. ΔΗΜΩΝ. ΔΕΡ. infra nota Praefecti monetae: omnia intra coronam lauream, in medio fulmen: altera numi pars caput Iovis refert. Quae ita interpretatur laudatus Scriptor: *Heracleae, et Tarfi, Fratrum Populorum, anno 165*. Dubitat etiam Harduinus, Thraciae, an Ponti Cariae, an Aeoliae Heracleam heic indicatam arbitretur.

Posteaquam vero similem omnino numum in Cimelio Granelliano conspexi, qui a modo descripto vix quidquam diversi, praeter unius anni numerum, haberet, uti habetur Tab. V. num. xxxvi. cuius unum monogramma item H. et P. conexum exhiberet; alterum vero non Tarsum, sed BY. quod lego Βίβλος, atque adeo Byblum urbem indicaret; confirmatus quidem in ea opinione sum, *Heracleae* urbis heic mentionem fieri: imo vero, quum in utroque numo *Heracleae* nomen quum diversae urbis nomine compareret, ipsius

Heracleae esse numos hosce, quae cum aliis urbibus *fraternam populorum concordiam*, in aere suo commendaret. Verum loco Caricae Heracleae alius mihi in mentem venit, cum qua, nisi horum duorum numorum omnia egregie congruere ostendero, dicta non dicta volo.

Est ea Heraclea in Pieria, Syriae regione, sita. Sane vix alia re opus esse puto, quam ut Seleucia, urbis eiusdem Pieriae, numos quisquam cum hisce nostris conferat, quo mea comprobetur sententia. Seleucenses numi caput Iovis ex una parte; ex altera fulmen ibidem ostentant, ut in numis nostris. Iupiter hic in Seleucia nonnullis numis ΖΕΥΣ. ΚΕΡΑΥΝΙΟΣ. *Iupiter Tonans*, vel *Fulgerator*, inscribitur: in memoriam eius facti, quo Seleuco Nicatori, dum Seleuciam conditurus ad aras sacra faceret, fulminis ictu addictum esse ferunt.

Deinde inscriptio ΑΔΕΛΦΩΝ. ΔΗΜΩΝ. *Fratrū Populorum*, huic regioni praeclare convenit; nam principes quatuor Pieriae urbes, quas Τετραπόλεως nomine complexi sunt Veteres, nempe Antiochia Daphnes, Seleucia, Apamea, et Laodicea, hoc eodem Αδελφῶν vocabulo usae sunt, teste *Strabone Lib. XVI.* Ελέγοντο ἀλλήλων ΑΔΕΛΦΑΙ, διὰ τὴν ὁμόνοιαν, Σελεύκῃ τῇ Νικάτορος κλίτῃ.

κλίμα. *Urbes hae ab invicem Sorores, seu Fraternal dictae sunt, ob concordiam, quum essent a Seleuco Nicatore conditae.* Porro Strabo eadem pagina Tarsum ab eodem Seleuco conditam esse memorat. Vnde in aperto est, cur Heraclea Pieriae *fraternam concordiam* cum Tarso iactet: quae etiam esset, uti primariae in Pieria urbes, Σελεύκῃ τῇ Νικάτορος κλίμα.

Porro Byblenses inter, et Heracleotas Pieriae, Concordiae vinculum intercessisse, situs ipse credibile facit; ad eandem quippe Syriaci littoris oram, haud ita magno ab se invicem intervallo, ambae urbes constitutae erant.

Denique annorum numeros utriusque numi supputandos existimo ad Aeram, Seleucensibus in Pieria usurpatam: non illam quidem, quae a Pompeio; neque alteram, quae ab Augusto deducitur; verum ad antiquiorem, quam celeberrimus Norisius a pace, inter Antiochos Fratres constituta, derivat, quae coepit anno V. C. 645. Addendo igitur 164. vel 165. exhibit annus V. C. 809. vel 810. qui fuit annus Imperii Neronis tertius, et quartus. Huic vero Epochae cur potius, quam Pompeianae, aut Augustanae tribuam, ratio est; tum quod numi nullum cum Romanis nexum exhibeant, nullaue signa, quibus

quibus Seleucia se ipsis obnoxiam fateatur : tum quod characteres numerorum, probabili argumento sint, ante Domitiani tempora eosdem esse signatos. Si autem Pompeiana Aera adsumeretur anno V. C. 691. incipiens, addendo 164. deveniretur ad annum V. C. 856. Traiano iam Imperante.

Haec omnia incertum me reddidere, utrinam Heracleae, Caricae, an Syriacae, τὴ ἩΡ. in numo Coryciatarum expressum, rectius convenire pronuntiem. Fateor tamen ob duos, modo expositos, numos magis me ad Heracleam Pieriae inclinare. Eruditi Lectoris arbitrium esto.

TRIPOLITARVM NVMVS.

T A B V L A V.

TRipolin Phoeniciae urbem Seleucidarum Aera suis in monetis usam fuisse, e numis Augusti certum habemus; in quibus cum notae ΠΣ. aequales 280. et IT. aequales 310. existent; in aperto est, has ad aliam referri praesertim in Syriacis urbibus, quam ad Seleucidarum Aeram non oportere.

Aliam porro, haud ita antiquam Epocham suo in aere indicasse Tripolitas, extra dubium est : unde ea initium sum-
pse-

pferit, id vero controversum est: *R. P. Harduinus in Chronol. Vet. Test.* e numo Tripolitano, qui una ex parte caput nudum M. Antonii: ex altera caput Cleopatrae Reginae diadematum offert, cum epigraphe: ΤΡΙΠΟΛΙΤΩΝ. ΓΚ. *Tripolitarum anno 23. confecisse se putat: Tripolitas Aeram Caesarianam, quae eadem Antoniana sit, coeptam Anno V. C. 705. in hoc numo consignasse. Duobus rem argumentis firmare connititur: altero, quod Antonii vultum numus prae se ferat, videri et epocham Caesariano - Antonianam adhibitam; altero, aliam Aeram heic esse non posse, atque Pompeianam, vel Caesarianam laudatam: Pompeianam vero huc non facere; quod, numis testibus, inferiorem tantum, seu meridionalem, non vero superiorem, seu borealem Syriae partem in ordinem redegerit, eamque beneficiis, aut Societatis foedere inito sibi devinxisse Pompeius.*

His ita, uti putat, constabilitis, recte sane deducit: Actiacam pugnam (quam secutus est Antonii interitus) non anno V. C. 723. quae communis erat omnium sententia; sed anno saltem 727. exeunte, aut potius 728. accidisse. Nam in hoc numo Antonii vultus indicat, eo vivente, ac florente hanc monetam esse percussam; atque

atque adeo , si ad initium Aerae Caesariano - Antonianae 705. adiungantur 23. incipiet annus iste vigesimus tertius Tripolitarum in autumno anni V. C. 727. quo adhuc in vivis erat Antonius.

Nodus heic alius incidit . Nam si ex mente P. Harduini anno V. C. 705, foedus cum Romanis inierunt Tripolitae, atque ab eo supputare annos suos usque ad Antonii obitum coeperunt ; quid erat, quod interea temporis antiquam Seleucidarum Aeram resumerent ? siquidem in Augusti numo , superius relato , habetur ΠΣ. *aequal.* 280. adde 442. habes annum V. C. 722. qui iuxta Tripolitanos coepit in autumno anni 721. Cur igitur in illo Antonii numo ad Antonianam Epocham anno 727. redierunt ? Expedite vero heic respondet , nodumque omnem expedit : anno V. C. 721. Tripolitas foedus , cum Romanis antea initum , ita dissolvissè , quin tamen amicitiae renuntiarent ; id vero deinde innovassè ante annum V. C. 727.

His ego viri eruditissimi coniecturis facilius adsensum praeberem , si Aetiacae Victoriae Epocham , contra unanimem veterum , atque recentiorum consensum , loco suo non moveretur , atque quinque annis ferius incoepissè statueretur . Quid enim tanti momenti heic etiam adfertur , cuius
causa

causa Scriptorum omnium fidem, et vadium deferamus? Antonii vultum praefert numus: igitur Antonianam Aeram numus exhibet? nego enim vero hanc sequelam; praefertim quum habeam aliam viam, qua omnia tuto deducam. Foedus cum Romanis initum, et rescissum prohibitu fingitur; at numi, Antonianae Aerae repugnantes, ita facere cogunt. Pompeiana Aera ne admittatur, id unum opponitur: Pompeio in Australi Syria nihil admodum negotii fuisse. Verum contraria Numorum, et Historicorum auctoritate comprobantur.

Nihil igitur Antonianam Aeram heic moror; sed in Tripolitanis numis antiquioribus, qui exigui numeri characteribus insignes sunt, Pompeianam Aeram, ab anno V. C. 691. incoeptam, adhibitam fuisse contendo. Numum nostrum ante exhibebo, quam ei rei argumenta dicam. Vide Tab. V. num. xxxvii.

Caput muliebre turritum.

ΤΡΙΠΟΛΙΤΩΝ. A. L. H. Αὐτοῦς vel, Πρώτης, Λυκάβαντος ἢ. *Tripolitarum urbis, propriis legibus utentis, vel Primae anno 3.* Dioscuri equites, hastam gestantes, utriusque pileo stella insistit. Aeneus parvi moduli.

Lite-

Literam A. hic praeter morem Tripolitanorum numorum τῷ L. praepositam, lego vel Πρώτης, *Primae*; quoniam numisma Regis Galliarum ab Harduino profertur, in quo legitur: ΚΟΙΝΟΝ. ΠΡΩΤΗΣ. ΤΡΙΠΟΛΕΙΤΩΝ. *Commune Primae Tripolitarum*. quod numisma Antonio, et Cleopatrae dicatum est; adeoque eorundem temporum, ac numus noster: vel legi potest τὸ Α. Αὐτονομία. Nam hoc etiam titulo insignem Tripolitarum numum Spanhemius Tom. I. Dissert. IX. §. II. e Cimieliarchio Pembrochiano produxit, ita inscriptum: ΤΡΙΠΟΛΕΙΤΩΝ. ΤΗΣ. ΙΕΡΑΣ. ΚΑΙ. ΑΥΤΟΝΟΜΟΥ. *Tripolitarum urbis Sacrae, et suis legibus utentis*.

Hoc *Αὐτονομίας* exercitium, utrum a Pompeio Tripolitanis indultum sit, quum auctoritas satis clara id non comprobet, certo adferere nolim; illud tamen certum habemus, quod inficias ibat R. P. Harduinus, Pompeium in Syria propria, et septentrionali, atque in Phoenicia regione, in qua Tripolis sita est, fuisse, et aliquid negotii composuisse. *Plutarchus in Pompeio* refert: eundem in *Syriam* profectum, eamquae quod legitimos Reges non haberet, in Provinciam Populi Romani redeigisse: deinde subdit singillatim: *Iudaeam porro subegit. Syriam* profecto hic pro-

propriam, et Septentrionalem quoque intelligi debere, nemo non videt. *Dio. Lib. XXXVII. Constituta Syria, atque Phoenice, adversus Aretam Pompeius se convertit.* En de Phoenicia testimonium, in cuius maxime Boreali parte sita erat Tripolis. Atque haec a Pompeio gesta sunt in Syria anno V. C. 691. a quo Aera Pompeiana initium sumit.

Porro autem de ipsa quoque Tripolitana urbe egregie, singulari conlato beneficio, meritus est Pompeius, qui Tripolitanae urbis Tyrannum, Dionysium Tyrium, capite plectendum curavit; uti colligitur ex *Flavio Iosepho Lib. XVI. antiq. Cap. 5.* Qua occasione, circa annum 691. Tripolitanis aut *Αυτονομίαν*, aut alia salubria instituta, a Pompeio impertita esse existimo.

Sane *Card. Norisus de Epoch. Syro. Maced.* ex numis iuxta, atque ex *Entropii Lib. VI. et Collectaneis Porphyrii apud Scalligerum* commonstat, Antiochiam, Seleuciam, et Laodiceam, Syriae propriae, et Septentrionales urbes, *Αυτονομίαν*, et libertatem cum aliis Syriae urbibus accepisse; atque inde annorum numeros, aeri suo consignatos, deduxisse. Quibus omnibus expensis, iure merito ego quoque numi nostri exiguos numeros, aliosque id ge-

nus,

nus, ad Pompeianam Aeram revocandos cenſeo.

Ita denique Aera Seleucidarum nihil in Tripolitanis numis obturbabit. Noſter enim numus, exhibens annum octavum Aerae Pompeianae, dabit annum V. C. 699. Antonii; et Cleopatrae numus, cum anno 23. dabit annum V. C. 714. quo anno Antonius, inita cum Octaviano pace, urbem ovans ingreſſus eſt. Numus vero ille, qui ſub Auguſto 280. prae ſe fert, quum incidat, ab Aera Graecorum ſupputando, in annum V. C. 727. indicat Tripolitanos iam deſiſſe Aera Pompeiana in numis uti. Nihil heic ſecum pugnans: inter Scriptores, et Numos veteres egregie convenit: neque, ut antiqua deſtatione ſua Actiacae pugnae Aeram depellamus, quidquam eſt, quod nobis occaſionem praebeat.

Quod vero heic Scriptoribus veteribus fidem aliquis neget, & ſuis tantum ad numos exponendos coniecturis credi velit; nae illi ego iniuriam haud fecero, ſi meam, et aliorum explicationem numorum veterum, una cum ingenti, hac quidem in re, Historicorum, et Chronologorum prope omnium conſenſu, audenter oppoſuero.

NVMVS TARSENSIVM

T A B V L A V.

TAPΣEΩN. *Tarsensium*. Nomen aliud, fortasse Magistratus, legi totum non potest. Iupiter sedens, semicinctus; dextra Victoriolam, coronam offerentem, sustinet; sinistram hasta pura fulcit.

NEΩKOP. Νεωκόρων, *Aedituorum*, nempe Tarsensium. Litera B. etiam adparet; sed quum una alterave litera in area numi extrita sit; dubito, utrum B. ad Νεωκόρων pertineat, ut sit *Iterum Aedituorum*: an vero praecefferit Γ. ut sit Γράμματι Βαλῆς *Senatus Decreto*. Figura muliebris sedens, capite turrito, manibus protensis, ad pedes figura nuda procumbens. Vid. Tab. V. num. xxxviii. Aeneus mediae formae.

Iovis insignem cultum, et simulacrum proprium apud Tarsenses fuisse, ex Hadriani numo, quem R. P. Harduinus protulit, confirmatur, in quo legitur ΔΙΟΣ. TAPΣEΩN. ΜΗΤΡΟΠ. *Iovis Tarsensium Metropolitaram*. Figura, nudum virum, ad Genii urbis Tarsensis pedes prostratum, referens, Cydnum, celebrem, et maximum Ciliciae fluvium, designat. Cyd nus siquidem per mediam Tarsum labebatur, uti testantur *Strabo Lib. XIV. Mela Lib. I.*

*Cap. XIII. Plinius Lib. V. Cap. XXVII.
Arrianus Lib. II. Verba apponam Dionysii
Periegetae versu 868.*

Κύδνῃ τε σκολιοῖο μετὴν διὰ Ταρσὸν
ἰούλος

*Cydnus obliquo meatu mediam Tarsum
transit.*

NVMVS SINOPENSIVM

T A B V L A V.

CAput, quantum adparet, laureatum,
et barbatum; penes vultum sceptrum
prominet: sine epigraphe.

ΣΙΝΩ. Σινώτης. vel Σινωπέων. *Sinopes*,
vel *Sinopensium*. Vir, currenti, et pha-
learato equo infidens; dextra telum vi-
brans. Caput galea munitum. Aeneus par-
vi moduli. Tab. V. num. xxxix.

Equitis armati figura, fortasse Mithri-
dates Eupator, Ponti Rex, repraesentatur,
qui, cum bellis adversum Romanos gestis
inclaruerit, hastam dextra librans non male
effingeretur. Ostendit autem numus no-
ster magnae sanae vetustatis indicia: atque
Sinope erat splendidissima Mithridatis Re-
gia. Id quidem cum ex M. Tullii ver-
bis,

bis, ad numum Amisenum productis; tum ex *Diodoro Siculo Lib. XIV.* docemur, qui ita de Sinope: *Εν ἣ δὴ καὶ ἡμᾶς ἔσχε Μιθριδάτης, ὁ πρὸς Ῥωμαίους διαπολεμήσας, τὰ μέγιστα βασίλεια. Qua in urbe Mithridates, qui in Romanos arma mouerat, nostra aetate maximam aulam regiam habuit.*

Caput barbatum, ac laureatum Iovem Sinopensem exhibet, apud antiquos Scriptores celebrem. Mitto heic, quae de Sinope, Nympha aliis, aliis Amazone, Graeci iuxta, atque Latini Poëtae cecinere, quae integram ab Iove proco virginitatem fraude abstulerit. *Taciti* verba de Iove Sinopensi adferre libet, qui Sinopensi ex urbe Iovis simulacrum Alexandriam in Aegyptum delatum perhibens, haec adiungit, *Lib. IV. Histor. sub finem: Deum ipsum multi Aesculapium, quod medeatur aegrotis corporibus; quidam Osirim, antiquissimum illis gentibus Numen; plerique Iovem, ut rerum omnium potentem; plurimi Ditem Patrem — coniectant.* Iovi Sinopensi varias, cum variis nominibus, virtutes Veteres tribuere; sub quo velo aut rerum Naturam, aut ipsum potius Deum latitantem, et obscure nimis cognitum, coluere. Praeterire heic non possum egregiam inscriptionem antiquam, ad illustranda modo dicta oportunam, quam Colle-

gae cuidam meo in Oriente, cum aliis inscriptionibus, ab se collectis, descriptam dedit Doctissimus Dominus de Bohn. Scriptum illud, quod propria manu videtur exarasse Bohnius, titulum hunc praefert: *Inscriptions Grecques et Latines recueillies en differens endroits voisins de la Propontide, et de l' Hellespont, par G. I. de Bohn*. Ultima ex his inscriptionibus, in Insula Chio reperta, de Iove agit; ita tamen male scripta comparet, ut necessarium duxerim, primum eam repraesentare, uti accepi, quam vide *Tab. VI.* deinde meas emendationes, supplementa, et interpunctiones adhibere. Id an feliciter praestiterim, periti iudicent. Ita legendam inscriptionem censeo.

ΑΓΑΘΗ. ΤΥΧΗΙ.

ΟΥΡΑΝΙΩΝ. ΠΑΝΤΩΝ. ΒΑΣΙΛΕΥ. ΧΑΙΡΕ.
ΑΦΘΙΤ. ΑΝΟΥΒΙ.

ΣΟΣΤΕ. ΠΑΤΗΡ. ΧΡΥΣΟΣΤΕΦΑΝΟΣ.
ΠΟΛΥΣΕΜΝΟΣ. ΟΣΕΙΡΙΣ.

ΑΥΤΟΣ. ΖΕΥΣ. ΚΡΟΝΙΔΗΣ. ΑΥΤΟΣ.
ΜΕΓΑΣ. ΟΥΡΙΜΟΣ. ΑΜΩΝ.

ΟΥΡΑΝΟΣ. ΑΘΑΝΑΤΩΝ. ΠΡΟΤΕΠΗΝΗ-
ΤΑΙ. ΣΕ. ΣΑΡΑΠΙΣ.

ΣΗ.

24

24

24

ΑΓΑΘΗ ΤΥΧΗ

ΟΥΓΑΝΙΟΝ ΠΑΜΤΟΜΒΑΣΙΛΕΥΧΑΙΡΕΑΦΘΙΓΑΝΟΥ
 ΣΟΣΤΕΠΑΤΗΡΧΡΥΣΤΕΥΑΝΟΣΠΟΛΥΣΓΝΝΟΣΟΣΕΙΡ
 ΑΥΤΟΣΖΕΥΣΚΡΟΝΙΔΗΣΑΥΤΟΣΜΕΓΑΣΘΒΡΙΜΟΣΑΜ
 ΟΙΡΑΝΟΣΑΘΑΝΑΤΩΝΠΡΟΤΕΠΝΗΤΑΙΞΕΣΑΡΑΤΙΣ
 ΣΗΤΕΜΑΚΑΙΡΑΘΕΔΜΗΤΗΡΦΟΛΥΩΗΥΜΟΣΙΣΙΣ
 ΗΝΤΕΚΕΝΟΥΡΑΝΟΣΕΥΦΡΝΙΔΗΣΕΠΙΚΥΜΑΣΙΠΟΝΤ
 ΜΑΡΜΑΡΕΟΙΣΟΡΕ+ΕΝΔΕΡΕΒΟΣΦΩΣΙΑΣΙΒΡΟΤΟΙΣΙ
 ΠΞΕΣΒΙΣΤΗΝΜΑΚΡΟΝΟΛΥΜΠΩΣΚΗΠΤΡΟΝΕΧΟΥΣ
 ΚΑΪΑΙΗΣΠΑΣΗΣΚΑΙΠΟΝΤΟΥΔΙΑΝΑΝ

ΣΗ. ΤΕ. ΜΑΚΑΙΡΑ. ΘΕΑ. ΜΗΤΗΡ. ΠΟΛΥΩ-
ΝΥΜΟΣ. ΙΣΙΣ.

ΗΝ. ΤΕΚΕΝ. ΟΥΡΑΝΟΣ. ΕΥΦΡΑΝΙΔΗΣ.
ΕΠΙ. ΚΥΜΑΣΙ. ΠΟΝΤΟΥ.

ΜΑΡΜΑΡΕΟΙΣ. ΟΡΕΧΕΝ. Δ. ΕΡΕΒΟΣ. ΦΩΣ.
ΠΑΣΙ. ΒΡΟΤΟΙΣΙ.

ΠΡΕΣΒΙΣ. ΤΗΝ. ΜΑΚΡΟΝ. ΟΛΥΜΠΩ.
ΣΚΗΠΤΡΟΝ. ΕΧΟΥΣΑΝ.

ΚΑΙ. ΓΑΙΗΣ. ΠΑΣΗΣ. ΚΑΙ. ΠΟΝΤΟΥ. ΔΙΑΝ,
ΑΝΑΣΣΑΝ.

Bonae Fortunae.


Caelestium omnium Rex, Salve, incor-
ruptibilis Anubi! Tuus Pater est, aurea
corona redimitus, multum venerandus
Osiris: Idem Iupiter, Saturni Filius, idem
magnus, et robustus Hamon: Caelum prae
omnibus Immortalibus Te celebravit, O Sa-
rapi! Tua Mater est beata Dea, multis
nominibus gaudens, Isis. Quam genuit Cae-
lum laeta facie in fluctibus Ponti rutilan-
tibus: ipsi vero Inferi desiderabant lumen:
omnibus hominibus Tu Advocata, Te, quae
magnum in Olympo sceptrum geris: et Ter-
rae omnis, et Ponti diuam Reginam co-
limus.

Anu-

Anubin, qui Aegyptiorum erat Mercurius, Osiridis, Isidisque filium fuisse ex *Diodoro Lib. I.* colligitur. Illud mirum: *Caelestium Regem* appellari Anubin. Fortasse τὸ ὀυρανίων, motus orbium caelestium indicat. Penultimo versu, qui loco *Advocata*, vertere volet: *legati munere fungeris*, me non invito fecerit.



MANTISSA
NUMISMATVM
RARISSIMORVM
ET ANTEA NVNQVAM EDITORVM
PRAECIPVE
EX CIMELIARCHIO REGIO CAESAREO
VINDOBONENSI
QVAE A CL. VIRO
P. ERASMO FROELICH
SOCIETATIS IESV
ACCVRATE DESCRIPTA ATQVE INLVSTRATA SVNT





REVERENDISSIMO

A C

CELEBERRIMO DOMINO

ANTONIO FRANCISCO GORIO

BAPTISTERII FLOR. PRAEPOSITO

IN ACADEMIA PVBLICO PROFESSORI

ERASMVVS FROELICH S. I.



Eniam dabis, VIR REVERENDISSIME, tanto tempore cessanti: alia ex aliis me impediere negotiola. Communico tecum

NVMISMATA quinque rarissima, et plane singularia. His addidi notulas aliquas, quas

To

Tu audenter corrige, auge, imminue, ubi optimum factu videbitur. Adiunxi etiam NUMISMATA quaedam aurea CIMELII REGIO-CAESAREI, quæ, inter ordinandi labores, raptim descripsi; puto tamen accurate. Quinque illa priora Numismata Trevoltiensis Diarii Scriptoribus Iesuitis itidem miseram. Teneo Syllabum Numismatum anecdotorum ex auro et argento Imperatorum Romanorum, e Cimelio Domini DE FRANCE, de quo alias. Vale, VIR REVERENDISSIME, et Bono Rei Antiquariæ nate; vale inquam, et me esse patere tuum.

Viennæ A. D. XI. Martii MDCCL.



NVMISMATA RARISSIMA

NVNC PRIMVM EDITA



NVMISMA PRIMVM

TI. CAESAR. DIVI. AVG. F. AVGVSTVS
IMP. VII. P. M. *Caput Tiberi nudum.*

DIVVS. AVG. IMPER. OCTAVIA. *Capita adversa, Augusti nudum, astro imposito, et Octaviae, lunula imposita.*

Argenteum maximi moduli.

HOc Numisma Dominus DV-VAL, Imperatoris Augusti Bibliothecarius Florentiae, vir omni ex parte laudatissimus, in Italia emerat : FRANCISCVS IMP. AVGVSTVS redemptum Cimeliarchio Aulæ Aufriacæ intulit.

OCTAVIAE numisma, et cum eiusdem adscripto nomine, vulgatum fuisse non memini; huius inquam Octaviae sororis Augusti.

Seguinus pag. 95. edit. Paris. 1665.
nu.

numisma aeneum exhibet , in quo iunctis *M. Antonii* , et *Caesaris Octaviani* capitibus, oppositum est caput mulieris , quod *Octaviae* , docte, ut solet , coniectura tribuit ; sed nostri numi vultus, et ornatus capitis abludit. Spanhemius *de praest. et usu Num.* Tom, II. pag. 276. Numisma se vidisse meminit, quod hinc caput Augusti , inde *M. Antonii* , et *Octaviae* , ut credebat , exhibuit. Inter Numismata aerea selectiora maximi moduli Musei Pisani exitat Tab. III. num. II. caput *M. Antonii* iugatum alteri virili ; quibus opponitur caput feminae, quod Vaillantius *Cleopatrae* ; Doctissimus Abbas Albertus Mazzolenus *Octaviae* tribuit . Ornamenta colli gemmae, aliaeque in imagine expressa, Romanae matronae minus convenire videntur ; si Numismata Augustarum consulamus , cum istius , tum sequentium duorum saeculorum . Sed de *Octavia* ipsa pauca videamus .

Constat Svetonio auctore in *Octav.* Cap. I. pag. 115. edit. Graevii, *M. Attium* Balbum , patria Aricinum, e *Julia*, *C. Iulii Caesaris* sorore , filiam sustulisse *Attiam* : ea primum nupsit *L. Marcio Philippo*, deinde *C. Octavio*. Porro *C. Octavius* e priore uxore *Ancharia Octaviam* genuit seniore : ex altera uxore
Attia

Attia Octaviam Iuniorem, et C. Octavium deinde Augustum. Plutarchus in Antonio adferit, Octaviam M. Antonii, et antea C. Marcelli uxorem, fuisse natu maiorem, et non uterinam Caesaris Octaviani sororem. At Glandorpius in *Onomastico Hist. Rom.* pag. 86. et 87. e Philippica III. Ciceronis, et Dione Lib. XI. contendit, Octaviam Iuniorem, uterinam Augusti sororem, M. Antonio, et antea Marcello collocatam fuisse. Sane Cicero Aricinam (Attiam intelligit) L. Philippo, et Aricinae filiam, sane non aliam, quam Attiae filiam, Octaviam Iuniorem, C. Marcello nuptam testatur; quae eadem Octavia citra dubium M. Antonii coniux erat.

Huius itaque OCTAVAE, uterinae Augustae fororis memoriam una cum Augusto instauravit hoc numismate Tiberius. Profecto meruit id Octavia illa suis virtutibus, quae viro suo M. Antonio, etsi Cleopatrae probroso amore insanienti, fidelem se, piam, ac beneficam praebeuit, ut eandem *σχῆμα θαυμαστὸν γυναικός*, adpellarit Plutarchus. Eidem Octaviae Augustus ipse vivae praecipua officia praestitit: defunctae honores maximos tribuit, Suetonio teste. Athenienses Octaviae, apud se degenti, honores egregios detulerunt:

mor-

mortuae Corinthii templum prope Forum
exstruxerunt, uti refert Pausanias Lib. II.
pag. 89. edit. Wechel.

NVMISMA SECVNDVM.

D. N. MARCIANVS. P. F. AVG.
Protome Marciani, capite galeato; dextra
hastam supra humerum, sinistra scutum.

FELICITER NVPTIIS (sic). Infra:
CON. OB. Marcianus et Pulcheria stantes
dextras iungunt; medius adstat Sacerdos,
stola sacra ornatus: singulorum trium ca-
put nimbus ambit.

*Aureum, mole solita horum temporum,
in Cimelio Perill. Domini De France, Prae-
fecti Thesaurorum THERESIAE Augustae
Imperatricis, et Reginae.*

In huius numismatis averfa parte no-
tatu digna sunt, Formula ipsa, Ortho-
graphia, figurae Nimbi ornamentum;
quod seu ad sanctitatis, vel maiestatis
indiciu pertineat, utrumque probe con-
venit Augustis et virgineis MARCIANI
et PVLCHERIAE Nuptiis, quibus Ana-
tolius tum novae Romae Patriarcha aditi-
tisse videtur.

Iuvat haec omnia Zonarae verbis com-
plecti: *Theodosio mortuo; sed eius obitu*
paucis

paucis cognito, Pulcheria Marcianum adcersit senem iam, sed virum bonum, et Imperatoris morte indicata; Te, inquit, prae ceteris omnibus Imperatorem elegi, si fidem dederis, te virginitatem meam, quam consecravi Deo, intactam conservaturum. Adversum illum, Patriarcha et Senatu adcersitis, Imperatorem salutat, et diademate cingit. Zonaras Lib. xiii. Annal. Cap. xxiv. et xxv. MARCIANI et PVLCHERIAE praeclara de Imperio, et Ecclesia merita notiora sunt, quam ut heic elogio egeant: abunde habentur eiusmodi apud Zonaram citato loco. In Codice Theodos. et Iust. in Actis Consilii Chalcedon. apud Evagrium Histor. Eccles. Lib. ii. etc.

NVMISMA TERTIVM.

ΘΕΟΔΩ. ΑΥΓΟV. *Theodora Augusta.*

Protome THEODORAE gemmis undequaque ornatae, cum scepto gemmato; sinistra globum. IC. XC. Protome Christi Servatoris, capite nimbo cincto, sinistra librum gerentis. *Aureum mediocris molis in Cimelio Domini DE FRANCE.*

Hoc THEODORAE numisma alteri non convenire quam Theodorae Constantiniani VII. et Helenae filiae, et famosae illius

illius Zoës forori, vel ex eo colligo, quod Theodora nulla Imperio Orientis *sola* prae fuerit. Sane Theodorae Constantii Chlorigi uxori, nec numi ratio, neque vestitus congruit. Theodora Iustiniani II. etsi *Augusta* adpellata sit, de reliquo tamen obscura eius vita.

Theodora Theophili uxor, mater Michaëlis, Constantini, et Theclae etc. non comparet ΔΕCΠΟΙΝΗC titulo; quod sola nunquam rerum potita sit. THEODORA nostra primum cum Zoë sorore imperavit; qua de re duo apud Bandurium, sed suspectae fidei, exstant numismata; quia e Strada exscipta. Denique extincto Constantino VIII. Monomacho, sola THEODORA anno uno, et menses fere novem imperavit; nempe anno Aerae Christi MLV. et sequente. De hac Augusta consuli possunt Zonaras Lib. XVII. et Cedrenus, qui multa; Glycas, qui pauca refert.

Itaque THEODORA isthaec et sola, et Augustae titulo, et stemmate, gemmisque ornata comparet in auro; quod signatum censeo anno MLV. vel sequente. Laudatum fuerat, prae multis viris, huius THEODORAE imperium, quae *Porphyrogenita* dicta est; quod Imperatorem Patrem nacta sit. Extremo morbo Imperatorem nominavit Michaëlem Aratoticum, se-

fenem decrepitum . *Constantinus Manas* .

NVMISMA QVARTVM

..... ΘΕΟΔΩΡ . Videtur legendum ΟΚΕ
 ΒΟΗΘΕΙ ΘΕΟΔΩΡΩ . *Christe succurre Theodoro* .
 Crux media inter duas protomas ; quarum
 altera Deiparam refert : caput nimbo cin-
 ctum : altera THEODORVM , stemmate cruci-
 gero coronatum : dextro numismatis loco
 Ω ΟΕΟΔΩΡΟC . ΔΕCΠΟΤΗC . Ο . ΔΟΥΚΑC .
 Hoc solum in area averfae partis : *Theodo-
 rus Despota Ducas* .

Aeneum parvi moduli in Cimelio Col-
 legii Regii Theresiani Nobilium : dono
 mihi missum a Viro Celeberrimo Domi-
 no Apostolo Zeno .

Duos invenio THEODOROS , de qui-
 bus lis esse potest , utri adscribendum sit
 hoc numisma . Constantinopoli a Latinis
 anno MCCIV . magna iam ex parte capta ,
 et Alexio Duca Murzuphlo ex urbe elap-
 so , duo Theodori , Lascaris alter , alter
 Ducas , imperium captabant , laudati am-
 bo . Theodorus Lascaris a Clero praela-
 tus , Nicaeae in Bithynia imperium auspi-
 catus est . De Theodoro Duca nihil porro
 invenio . *Nicetas in Murzuphlo . Num . III .
 Niceph . Gregoras Lib . I . Cap . 2 .*

Hunc THEODORVM Ducam Despotae

titulo usum fuisse vix dubito; quod Ducarum e familia esset, e qua Alexius Marzuphas: tum etiam, quod par Theodoro Lascari Candidatus pro Imperio fuisset. Attamen cum de hoc Theodoro Duca nihil certi constet, alium quaeremus, cui numisma fortasse tribuatur. Theodoro Lascari in imperio successit Ioannes, familia Vatazes, sed cognomento *Ducas*, quod a materna stirpe assumpsit; quae res apud Orientis Imperatores non erat insolita. Ioanni Vatazi, seu Ducae patri, successit *Theodorus* filius, quem *Nicephorus Gregoras* Lib. III. Cap. I. *Lascarem* compellat, nempe a matre Irene Theodori Lascaris filia. *Lascaris* item cognomine hunc Theodorum afficit *Georgius Pachymeres* Lib. I. *Histor.* Cap. VII. Verum *Georgius Acriopolites* in Chron. Theodorum tantum nominat. Hunc Theodorum, vivente saltem patre, *Ducae* cognomen sumpsisse probabile est, quum pater eo sit gavisus. Porro Theodorum isthunc dum pater moreretur, iam triginta tres annos natum, saltem *Despotae* titulo insignem fuisse, nullus dubito. Tametsi enim *Gregoras* Lib. III. Cap. I. differte memoret, Theodorum a Patre Ioanne dum viveret, non fuisse renunciatum *Βασιλεα*, seu Imperii consortem; id tamen nullo modo conficit,

cit, filium adeo grandem natu, ne Despotam quidem appellatum esse; qui honores eadem aetate multis aliis obtigerat.

Itaque Numus noster signatus dici potest vivente Ioanne THEODORI patre, quum Theodorus etiam *Ducas*, uti pater, appellaretur; nec nisi Despotae dignatione insignis esset. At enim quando hunc Theodorum nemo Ducam; contra vero duo Scriptores *Lascarem* appellant, neque de *Despotae* titulo certo constat; malim, priori illi Theodoro Ducae, Theodori *Lascaris* aemulo, Numum nostrum adscribere; tametsi nihil obsit, quin idem *Theodorus* et *Lascaris*, et *Ducas* compellaretur: uti *Leo Allatius de Simeonibus*, Theodori *Lascaris Ducae* meminit, qui Elogium S. Tryphonis Martyris conscripsit. Eruditi Lectoris arbitrium esto.

NVMISMA QVINCTVM

T. GRACCHVS. Caput Tiberii
Gracchi imberbe et nudum.

AGRARI. Ita inscriptum basi, sive suggestui, cui insistit Gracchus togatus, dextra elata, sinistra baculum gerens: eius vultui Solis radiantis orbis opponitur.

tur . Thorax, aliaque arma humi posita.
*Argentens quinarius : in Cimelio Augustae
 Imperatricis et Reginae .*

Res ipsa loquitur , hunc numum signatum esse in memoriam celeberrimi illius TIBERII SEMPRONII GRACCHI, Tribuni Plebis, qui Agrariam legem a Licinio Stolone latam, ne quis Civium agrum possideret quingentis ingeribus ampliore, anno V. C. DCXX. instauravit, atque adversus opulentiorum machinas summa contentione propugnavit. Repræsentatur hic GRACCHVS e superiore loco pro lege Agraria declamans, quod eum perfaepe acerrimeque fecisse, atque violentiae metu baculum gestasse, cuius cavo, veluti vagina, gladius occultatur, *Plutarchus in Gracchis* prodidit. Arma humi posita seditiones inde enatas designant. Solis imago, quoniam diversis significationibus obnoxia est, cuiusvis ingenio relinquitur. Si ex Historia ipsa coniecturam capere licet, adludi poterat ad mortem Attali III. et postremi Pergami Regis, qui moriens Populum Romanum heredem scripsit. GRACCHVS Attali opes ad redimendos ab opulentis agros, pauperesque iuvandos impendendas esse, nova lege sanxit, eaque re tumultus auxit. Porro Attalum Regem, dum operas ad perficiendum

dum matris sepulcrum , assidue urgebat ;
ardentibus *Solis* radiis prostratum periisse ,
memorat Iustinus Lib. xxxvi. Cap. 4.

Quinarius iste a peritis Antiquariis
vere antiquus est habitus , et mihi quo-
que talis videtur . Vnum , quod me an-
git , est , τὸ T loco TI. cum T. *Titum* ; TI
vero *Tiberium* notet . Sempronii Gracchi ,
in Historia celebres , omnes praeno-
mine *Tiberii* , vel *Publii* , vel *Caii* fuere ;
nemo *Titi* , si Numos , Fastos , et melio-
res veterum editiones consulamus . Fortasse
hic quinarius non in moneta publica ; sed
clam percussus est , dum Iulius Caesar le-
gem Agrariam primo Consulatu tulit .



N V M I S M A T A

QVAEDAM AVREA
DECLINANTIS IMPERII

IN BANDVRIANO OPERE NON DESCRIPTA

*E Cimeliarchio Regio Caesareo
Vindobonensi*

1.

GALLIENVS AVG. Caput laureatum ,
longis praeter morem foliis .

P. M. TR. P. III. COS. PP. Gallienus
paludatus stans inter duas iacentes figuras
Fluviorum , qui ex urnis aquas effundunt :
ipse dextra hastam ; sinistra parazonium
gerit.

2.

GALLIENVS AVG. Caput cum co-
rona radiata .

S. P. Q. R. Leo gradiens , cuius ter-
go Aquila insistit : omnia intra lauream
coronam .

3.

AVRELIANI Numisma , cuius in aver-
sa parte .

IVCTORIA AVG. loco VICTORIA.

4.

4.

VIRTVS. FLORIANI AVG. Protome eius galeata.

PERPETVITATE. (sic) AVG. Mulier stans, d. globum, s. hastam transversam: cubito sinistro columnae innititur.

5.

VIRTVS. FLORIANI. AVG. Protome eiusdem galeata.

VIRTVS AVG. Mars gradiens; captivus ad pedes.

6.

IMP. C. M. AVR. PROBVS AVG. Caput laureatum.

VICTORIAE AVGG. Victoria bigas agitans.

7.

MAXIMIANVS. P. F. AVG. Caput laureatum Valerii Maximiani.

FELIX. INGRESS. SEN. AVG. Roma sedens, in cuius scuto VOT. XXX.

8.

SEVERVS. NOB. CAES. Caput laureatum Severi.

PRINCIPI IVVENTVTIS. infra SMSP.
Ipse

Ipse stans paludatus, d. hastam; prope finitram duo signa militaria humi fixa.

9.

Eadem Inscriptio : idem Caput.

FELICITAS. CAESS. NOSTR. Infra
A Q. Mulier sedens, d. caduceum, s. cornu copiae.

10.

IMP. LICINIUS. P. F. AVG. Caput
Licinii Patris laureatum. SECVRITAS
AVGG. Infra SIS. Licinius in quadriga,
d. ramum.

11.

CONSTANTINVS P. F. AVG. Caput
laureatum Constantini Magni.

VICTORIBVS. AVGG. NN. Victoria
adverso vultu stans; utraque manu scutum ante pectus tenet, cui inscriptum:

X

X

X

Infra

P. T. R.

C A T A L O G V S
 N V M O R V M A V R E O R V M
 A V G V S T A L I V M

QVI IN VAILLANTIO ET BANDVRIO DESIDERANTVR
 E CIMELIO D. IOSEPHI DE FRANCE



1.

C A E S A R. D I C T. P E R P E T V O. Caput laureatum Iulii Caesaris.

L. B V C A. Orbis , securis , manus dexterae iunctae , fasces , caduceus .

2.

D I V V S. I V L I V S. Caput laureatum eiusdem . Crinitum *fidus tantum*.

3.

A V G V S T V S. Caput nudum Octaviani. Sphinx residens in pedes posteriores *tantum*.

4.

C. C A E S A R. I I I V I R. R. P. C. Caput nudum eiusdem .

L. R E G V L V S. I I I V I R A. P. F. Aeneas Anchisem portans super humeros.

K

5.

5.

GALBA. IMP. Caput laureatum globo
impositum.

BON. EVEN. *Bonus Eventus*. Vir nu-
dus stans d. pateram, s. spicas et papaver.

6.

DIVVS. TITVS. Caput laureatum .
IMP. CAES. TRAIAN. AVG. GER.
DAC. PP. REST. Fulmen arae impositum.

7.

IVLIA. AVGVSTA. TITI. AVG. F.
Caput Iuliae.

VENVS AVGVSTA. Venus stans, d.
pomum s. hastam, columnae innixa.

8.

P. SEPTIMIVS. GETA. CAES. Ca-
put nudum.

PONTIF. COS. II. Minerva galeata
sedens; d. serpentem partim arbori cir-
cumvolutum : s. scuto innititur.

9.

P. SEPT. GETA. PIVS. AVG. BRIT.
Caput laureatum.

TR. P. III. COS. II. P. P. Geta pa-
ludatus stans; d. parazonium ; s. hastam :
dextro pede hostem calcit humi abiectum.

10

M. OPEL. SEV. MACRINVS. AVG.

Caput laureatum.

COS. II. Victoria gradiens: d. fer-
tum; s. palmam.

11

IVLIA. MAMAEA. AVG. Caput eius.

FELICITAS. PVBLICA. Mulier stans;
d. caduceum; s. columnae innixa.

12

IMP. PHILIPPVS. AVG. Caput lau-
reatum Patris.

MARCIA. OTACIL. SEVERA. AVG.
Caput eius.

13

IMP. AEMILIANVS. PIVS. FEL. AVG.
Caput cum corona radiata.

ERCVLI. VICTORI. (sic) Hercules
nudus stans: d. clavam; s. arcum cum
sagitta, et exuvias leonis.

14

IMP. GALLIENVS. AVG. COS. II.
Caput laureatum.

VIRT. GALLIENI. AVG. Hercules
nudus stans: d. ramum; s. clavam, et exu-
vias leonis. Maioris moduli, appendit au-
reos Hungar. 3. 1.

15

IMP. C. POSTVMVS. P. F. AVG. Caput laureatum.

AETERNITAS AVG. Hercules stans coronat Postumum paludatum stantem : s. clavam et, exuvias Leonis.

16

IMP. C. M. CL. TACITVS P. AVG. Caput laureatum.

CONSERVATOR. AVG. Castor nudus stans : d. equum fraeno tenet ; s. hastam.

17

IMP. C. M. AVR. PROBVS. P. F. AVG. Caput radiatum.

FIDES. MILITVM. Mulier stans, quae utraque manu signum militare tenet.

18

Eadem Inscriptio : Protome galeata cum scuto et telo.

P. M. TRI. P. COS. III. Processus Probi cum quadrigis ; d. sceptrum cum aquila.

19

VIRTVS. PROBI. AVG. Caput galeatum. Aversa pars eadem, quae praecedentis.

20

IMP. PROBVS. AVG. Protome laureati cum hasta.

VICTORIOSO SEMPER. Probo, d. fasciculum, s. sceptrum gerenti supplicant quatuor figurae: duae flexis genibus; duae stantes: inferius corona.

21

IMP. PROBVS. P. F. AVG. Protome laureati cum telo.

VIRTVS. AVG. Probus fedet; s. sceptrum gerit: ei mulier galeata stans globum porrigens, s. hastam tenet: a tergo Probi Victoria stans, s. ramum palmae praefert: hinc Milites stantes: infra corona.

22

MAGNIA. VRBICA. Caput eius.

PVDICITIA. AVG. Mulier sedens: d. vultui velum obducit; s. hastam transversam tenet.

23

IMP. C. M. AVR. CARINVS. NOB. C. Caput laureatum.

VICTORIA. AVGG. Victoria stans coronat Carinum stantem, qui dextram dat duabus figuris genu flectentibus. Infra asteriscus.

24

M. AVR. NUMERIANVS. NOB. C. Caput laureatum.

PRINCIPI. IVVENT. Caesar stans; dextra ramum, sinistra hastam tenet.

25

DIOCLETIANVS. AVGVSTVS. Caput laureatum.

COMITATVS. AVGG. Duo Augusti in equis; dextra elata: sinistra hastam, vel sceptrum gerunt.

26

Eadem Inscriptio. Caput Diocletiani. COS. II. Imperator eques, dextra elata.

27

DIOCLETIANVS P. AVG. Caput laureatum.

IOVI VICTORI. Iupiter stans: dextra fulmen torquet in Captivum, quem sinistra protrudit.

28

CONSTANTIVS. P. F. AVG. Caput laureatum Chlorig.

CONSVL. AVGG. NN. Ipse togatus stat: d. globum: in area B. infra SMSD.

29

CONSTANTIVS. NOB. CAES. Caput laureatum Chlorig.

CONSVL. CAESS. Ipse stans, d. globum : in area Σ infra T.

30

CONSTANTIVS P. F. AVG. Caput laureatum Chlorig.

IOVI. CONSERVATORI. AVGG. NN. Iupiter feminudus stans : d. fulmen ; s. hastam : infra AQ.

31

CONSTANTIVS. NOB. C. Caput laureatum Chlorig.

HERCVLI. COMITI. AVGG. ET. CAESS. NN. Hercules stans d. clavam. s. caput humanum, et exuvias leonis.

32

CONSTANTIVS. NOB. C. Caput laureatum Chlorig.

VIRTVS. AVGG. Vir nudus (fortasse Hercules) cervum cornibus prehensum sternit : infra TR.

33

FL. HELENA. AVGVSTA. Caput diademate cinctum. SE-

SECVRITAS. REI. PVBLICAE. Figura galeata itans ; d. ramum protendit ; infra SMR. Bandurius simile Numisma , ut singulare ex Mediobarbo profert ; sed in eo est infra scriptum STR.

34

SEVERVS. AVGVST. Caput laureatum.
CONCORDIA. AVG. ET. CAES. Mulier tutulata itans: d. pateram ; s. hastam. In area B. infra ALE.

35

MAXIMIANVS. NOB. CAES. Caput laureatum Galerii Maximiani.

CONSVL. CAESS. Caesar togatus itans: d. globum ; s. sceptrum. In area Z. infra TS.

36

MAXIMINVS. NOB. CAES. Caput laureatum.

FELICITAS. SAECVLI. CAESS. NN. Duae Victoriae tenent coronam ; in qua VIC. CAESS. Infra SMAQ.

37

LICINIVS. P. P. AVG. Caput laureatum Patris.

CONSVL. PP. PROCONSVL. Ipse stat togatus: d. globum: In area ^{*}C IS
Infra ANT. IN

38

CONSTANTINVS P.F. AVG. Caput laureatum.

RESTITVTORI. LIBERTATIS. Roma sedens; d. globum porrigit Constantino M. adstanti: s. hastam tenenti. Infra SMT.

39

Eadem Inscriptio; et Caput Constantini M.

SIC. X. SIC. XX. Infra SMHB. omnia intra Coronam quadruplicatam; supra eam Aquila.

40

FL. IVL. CRISPVS. NOB. C. Protome Crispi laureata: d. globum cum Victoriola.

VICTOR. OMNIVM. GEN. (*Litterae sunt inverse sculptae*) Mars nudus gradiens: d. hastam; s. tropaeum: intra duos Captivos humi sedentes: Infra PTP.

41

CONSTANTINVS. IVN. NOB. C. Protome eius diademate ornata: d. globum cum Victoriola.

FELIX. PROCESSVS. COS. II. AVG.
Caesar togatus stans; d. globum; s. sce-
ptrum: Infra SIRM.

42

FL. IVL. CONSTANTIVS. P. F. AVG.
Caput diademate revinctum.

FELICITAS. ROMANORVM. Et in-
tra lauream coronam: VOTIS. MVLTIS.
XX. Infra SMANZ.


43

CONSTANTIVS. AVGVSTVS. Caput
diademate ornatum.

VICTORIAE. DD. NN. AVGG. Duae
Victoriae stantes clypeum tenent, in quo
VOT. XX. MVLT. XXX. Infra SIS. et
duo ramusculi: *Maximi moduli; adpen-
dit aureos 5. $\frac{3}{4}$.*

44

FL. MAGNENTIVS. TR. . . . P. F.
AVG. Caput nudum.

RESTITVTOR LIBERTATIS. Cae-
sar stans paludatus: d. Victoriolam; s.
labarum, in quo . Infra SMAQ.

45

D. N. GRATIANVS. P. F. AVG. Ca-
put diademate cinctum,

PRIN-

PRINCIPIVM. IVVENTVTIS. Ipse stans, caput nimbo cinctus, paludatusque: d. hastam; s. globum: infra CONS. et hinc asteriscus, inde fertum. *Digna notata Inscriptio, et nimbus in capite.*

46

D. N. VALENS. P. F. AVG. Caput revinctum diademate.

VIRTVS. ROMANORVM. Duo Augusti paludati stant; altera manu hastam, altera globum simul tenent cum Victoria, quae ambos coronat. Infra CONS. et duo ramusculi.

47

D. N. THEODOSIVS. P. F. AVG. Caput cum diademate.

VICTORIA AVGG. Victoria stans scribit in scuto: XX. XXX. In area Crux et astrum: infra CONOB.

48

Similis Numus. Ibidem parvi moduli: Sed Victoria in scuto scribit †

49

D. N. ARCADIVS. P. F. AVG. Protome galeati, cum clypeo et hasta.

NOVA. SPES. REI. PVBLICAE. Vi-

L 2

ctoria

storia sedens, scribit in clypeo XX. XXX.
In area asteriscus: infra CONOB.

50

D. N. MARCIANVS. P. F. AVG. Protome galeati, cum clypeo et hasta.

FELICITER. NVBTIIS. Marcianus et Pulcheria sponsi stantes dextras iungunt, adstante in medio Sacerdote stolato. Singula trium capita nimbus ambit. Infra CON. OB. *Singularis est numus, et plane elegans, de quo superius quae adnotata sunt pag. 126. vide. Corrige, ut dicat NVBTIIS.*

51

.... O. LEON. PP. A. Protome Leonis Sapientis diademati cum Cruce; d. globum Crucigerum.

52

CON SN. PP. *Constantinus Perpetuus Aug.* Protome Constantini Porphyrogeniti: d. Crucem. *Parvi moduli.*

53

Heracli Numisma adest maximi, et plane enormis moduli; in quo Heraclius curru quatuor equis iuncto vehitur: simile est illi, sed non idem, quod P. Bandurius profert. Appendit viginti aureos. Sed de anti-

antiquitate, tametsi leviter, suspectum sit; indicandum saltem duxi: describendum non item.

54

ΘΕΟΔΩ. . . VΓΟVS. Protome Theodoraе Filiae Constantini VII. gemmis onerata, d. sceptrum gemmatum; s. globum Crucigerum gerit.

IC. XC Protome Iesu Christi capite nimbo cincti: s. Librum. Singularis est, de quo seorsim actum superius: corrige pag. 127. ubi pro AVΓOV. scr. VΓOVS.

55

ΝΙΚΗΤΟΡ. ΚΑΙ. ΒΑCΙΑ. AVΓ. B. P. *Nicephorus et Basilius Augusti Perpetui.* Amborum. Protomae diademate ornatae cum Cruce: simul Crucem duplam tenent.

† IHS. XS. REX. REGNANTIVM. Protome Iesu Christi cum Libro.

56

† ΘΕΟΦΙΛΟΣ. ΒΑΣΙΛΕ. Caput diademate cinctum cum Cruce: d. tenent duplam Crucem.

57

MICHAEL. 7 CONSANTIN.

Duae Protomae Crucigero diademate ornatae. In area Crux.

58

† CONSTANZINOS . ΔΟΥΚΑΣ .

Protomae cum diademate Crucigero :
d. sceptrum cum Cruce : s. globum cum
Cruce .

IC . XC . Protome Christi .

59

† CONSTANZINOS . Ο . ΔΟΥΚΑΣ .

Ducæ stanti adstat a sinistris Deipara , ca-
put nimbo cincta ; quæ dextram benedi-
centis more levat . In arcu :

M . Θ . Mater Dei .

60

† IHS . XPS . REX . REGNANZ IUM .

Christus , caput nimbo cinctus , in thro-
no sedens : s. Librum . *Concavus Numus .*

61

Eadem utrinque Inscriptio : Ducas stans :
d. labarum ; s. globum cum Cruce , capite
diademato cum Cruce . *Numus concavus .*

62


KΩN . MIX . ΑΝΔ . *Constantinus , Mi-
chaël , Andronicus .* Tres stantes supra sin-
gula pulvinaria : in medio Michael altior :
d. sceptrum .

63

† ROMAN. . . . ANM. *Romanus Aug.*
 Christus capite nimbo cincto ; medius
 stans inter Romanum Diogenem , et Eu-
 dodiam coniugem : manus diversas impo-
 nit capitibus Augustorum . Supra Chri-
 stum est : $\overline{\text{IC}}$. $\overline{\text{XC}}$. Romanus d. glo-
 bum Crucigerum tenet .

Constantinus , Michaël , et Androni-
 cus erant Eudociae filii ex Constantino.
 Duca , et privigni Romani Diogenis , qui
 Eudociam Ducae viduam , uxorem duxit .





IN GRAECAM INSCRIPTIONEM
ASIATICAM SVPERIVS ADLATAM

ANIMADVERSIONES

P. EDVARDI CORSINI

CL. REG. SCOL. PIAR.

IN PISANA ACAD. PROFESSORIS
AD ANT. FRANCISCVM GORIVM

PRAEPOSITVM BAPTISTERII FLOR.

ET IN PATRIA ACADEMIA PROFESSOREM



Raeclare de me, GORI CLARISSIME,
deque studiis hisce meis mereri
pergis, ubi selectas eruditorum ho-
minum lucubrationes, easque in-
primis, quae vix ac ne vix quidem ad
nos perferuntur, mecum perhumaniter
communicas. Certe aureolum doctissimi
FROELICHII Libellum, cuius nuperrime mihi
copiam fecisti, summa cum animi volup-
tate percurri; atque in ipso eandem il-
lam omnigenae eruditionis ubertatem, in-
genii vim, severioris criticae, penitioris-
que doctrinae copiam suspexi, quam in
ceteris diligentissimi Scriptoris Operibus
iampridem admirari, meritoque efferre con-

M

sue-

fueveram; quod etiam factum ab Inlustri Wachtero me monuisti, qui hunc ipsum librum valde probat, et in Archaeologia sua Numaria multis laudibus prosequitur. Itaque, AMICE GORI, maximas tibi gratias ago; enixeque a Te peto, ut quidquid in posterum tibi occurrat, quod mihi aut voluptati, aut praesidio esse possit, liberaliter largiri velis. Quandoquidem vero libellum ipsum novo etiam cultu exornatum, auspicio, curisque tuis, brevi proditurum mones; atque pro veteri necessitudine postulas, ut libere ingenueque tibi communicem si quid in veteri Inscriptione, quae postremam Libri partem occupat, quaeque Tibi adhuc implexa, et obscura videtur, vel corrigendum, vel illustrandum esse coniecerim; consilio, imperioque tuo morem geram: quaeque obiter in tanta temporis angustia, Fastorumque meorum Opere, quo distineor, observavi, brevissime exponam: quae si Tibi, celeberrimoque Froelichio probari fortasse possint, in nova Operis editione coronidis cuiusdam instar adiungi, novaeque coniecturae, aut interpretationis loco, proponi poterunt.

Ac priores quidem tres eximii Marmoris versus perspicue, optimeque a Clarissimo viro latine redditi sunt; nisi quod
ille

ille Muratorium sequutus, Graecas voces
 ΣΟΣ ΤΕ ΠΑΤΗΡ interpretatur *Tuus pater*
est; quum potius Epigraphes auctor, qui
 voti fortasse reus, Anubidem hoc anathema-
 te honoravit, vocibus illis non *Anubidem*
 solum, sed eius etiam patrem *Serapidem*,
 simulque matrem *Isidem* salvere iusserit. Ita-
 que suspicor ita reddendum; *Salve Anubi...*
tuusque pater; itidemque in 5. versu *tua-*
que mater valeat.

In 4. versu legendo reddendoque a
 doctissimi viri sententia atque interpreta-
 tione libens discefferim. Quid enim heic
 oratio ad *Anubidem* directa repente abrum-
 patur, atque ad *Serapidem* veluti a *Caelo*
celebratum convertatur; quum initio *Anubis*
 ipse advocetur, moxque *ipsius mater* Isis
 dicatur; quod ad *Serapidem* referri certe
 non poterit, qui *Isidis* non *filius*, sed *co-*
niux fuit? Quid *Serapis* a *Caelo* celebratus
 dicatur, quum *Serapis* ipse, Varrone teste,
 sit *Caelum*, adeoque a *Caelo* laudari non
 possit? Si quid coniecturis heic assequor;
 Epigraphes auctor tertio quartoque versu
 non aliud, quam varia *Osiridis* nomina;
 complecti voluit; otimeque dicit, quod
Osiris est *Iupiter Saturnius*, *magnus*, ac
praepotens Ammon. Itaque, quum ex My-
 thologis constet, quod *Osiris* ipse erat e-
 tiam *Serapis*; hoc est, ille *Serapidis* etiam

nomine vocabatur, in quarto versu non aliud, quam duo alia Osiridis nomina, vel epitheta continentur; ac praesertim quod *Osiris* ipse *Serapis* erat. Hinc initio quarti versu non ΟΥΡΑΝΟΣ, sed ΚΟΙΡΑΝΟΣ, legendum arbitror; ut sensus sit, quod unus idemque Osiris tum *Iupiter Saturnius*, tum *magnus, potensque Amon*, tum *Rex immortalium*, tum *Serapis* etiam esse, vocarique debuit. Maxima solum obscuritas atque perplexitas in penultima voce reperitur, in qua Bimardus legerat ΠΡΟΤΕΡΟΝ ΗΤΑΙΣΕ; Bohnius, ac Froelichius ΠΡΟΤΕΠΜΝΗΤΑΙΣΕ; Marmoris apographum ΠΡΟΤΕΠΝΗΤΑΙΣΕ. Ego vero mutilam vitiatamque vocem ita refingendam arbitror, ut illa purum putumque Serapidis attributum, vel epitheton contineat. Itaque superstitum characterum formam sequutus, pro ΠΡΟΤΕΠΝΗΤΑΙΣΕ, legerim ΠΡΟΤΕΠΝΗΤΩΡΤΕ. Etenim facile in exesis praesertim, vitiatisque Marmoribus, Ν cum Π, itemque Ω cum Α, et Ρ cum Ι confundi poterat, ut sexcentis exemplis aliis ostendi potest. Quin etiam quum ex ambiguo promiscuoque sono, characteris Η, et diphthongi ΑΙ facile a quadratario ΑΙ pro Η substitui poterit; scribendum fortasse fuerat ΠΡΟΤΕΠΝΗΤΗΣΤΕ. Nihil est enim quod
 syll-

syllabam ΠΡΟ, quae corripienda fuerat, hic produci miremur; quum monosyllaba, alioquin brevia, saepissime producantur; pluraque Graeci in varianda syllabarum quantitate sibi arrogaverint. Optime vero Serapis *immortalium Rex*, ac *progenitor* appellatur; quum Caelum, quo nomine *Osiridem*, ac *Serapidem* intelligendum esse iam monui, Deorum primus, atque antiquissimus haberetur. At neque *Serapidis* solum, sed *Apidis* etiam nomine *Osiris* appellabatur; adeoque unum idemque maximum Numen et *Apis*, et *Iupiter*, et *Serapis* vocabatur. At inde certe, ut id obiter moneam, explicandam existimo Gemmae inscriptionem, quae doctis viris haecenus imposuit. Apud Causeum in *Romano Museo Sect. I. Tab. 63*. Numen quoddam Gemmae insculptum conspicitur; quod modium capiti impositum, sceptrumque dextera gerit; ipsique pone sinistrum pedem triceps animal aut canis adhaeret, cum his characteribus in orbem fere dispositis.

ΠΙC ZETC CΑΡΑΠΙC

Causeus in primo caractere, veluti sigla quadam, vocem ΜΕΓΙCΤΟC, et secundo tertioque IC vocem ICOC delitescere existimavit; adeoque legit CΑΡΑΠΙC

MEFICTOC ICOC ZETC: vel ΙCΙΚΑΚΟC ZETC; asseritque, quod *ipsum* Serapidem *et Maximum*, *et Iovi aequalem declarat inscriptio Gemmae incisa*. Ego vero characterem Π ex A et Π una coniunctis coaluisse putaverim; quum praesertim character A in voce CAPAΠIC hac ipsa facie Η effingatur; transversaue lineola aut a Scalptore, aut a Pictore facile dissimulari potuerit. Itaque fidenter lego AΠIC. ZETC. CAPAΠIC; eaque Gemma, symbolisque ipsi insculptis perspicue expressum existimo unum idemque Numen *Apidis, Iovis, Sarapidis* nomine decorari.

In 7. versu non OPEXEN, quod doctis tamen viris placuisse video, sed OPEYEN, ipse legerim; ut, nimirum facilis ac perspicuus sensus sit, quod *Isidem Caelum quidem genuit; sed Erebus tamen nutrit*. Itaque reddendum existimo - *Tuaque mater beata Dea multinominis Isis, quam genuit Caelum laeta facie, in fluctibus Ponti rutilantibus, nutritque Erebus*.

Cetera, quae mox consequuntur, sic interpungenda, distinguenda, ac explicanda putaverim, ut omnia ad *Isidem Anubidis matrem*, veluti tituli epitheta, vel ut Grammatici loquuntur, *appositorii casus* referantur: ut sensus nimirum sit, quod

quod Caelum genuit , Erebusque nutrit
*Isidem lucem omnibus mortalibus , beatorum
 antiquissimam , sceptrum in Olympo haben-*
tem , Divamque et Terrae , et Maris Re-
ginam .

Etenim in 8. versu minus accommo-
 de accurateque legitur ΜΑΚΡΟΝ ΣΚΗΠ-
 ΤΡΟΝ , latineque redditur *magnum scep-*
trum ; sed facili levique mutatione rescribi
 debet ΜΑΚΑΡΩΝ : tum ut sensus con-
 cinnior sit ; tum etiam ut versus ratio
 constet . Siquidem ante vocem ΟΛΥΜΠΩ
 vox EN , quae temere a quadratario o-
 missa fuit , restitui debet ; proximoque
 loco non ΠΡΕΣΒΙΣΤΗΝ , quae nihil
 vox est , sed ΠΡΕΣΒΙΤΑΤΗΝ , legen-
 dum erit ; quod nempe Isis beatorum
 ac immortalium omnium antiquissima cen-
 feretur .

Ac certe quidem haec omnia Isidis
 attributa , quae in Epigraphe memoran-
 tur , facile pluribus veterum testimoniis
 ostendi possent , quae fuscè a Mythologis
 proferuntur . Sic , ut innumeros alios prae-
 teream , apud Apuleium *Metam. Lib. II.*
Isis vocatur Elementorum omnium Domina ,
seculorum progenies initialis , summa Numi-
num , Regina Manium , prima Caelitum . . .
quae Caeli luminosa culmina nutibus dispen-
sat ,

*fat, cuius numen unicum nomine multiiugo
totus veneratur orbis.*



Haec sunt, GORI DOCTISSIME, quae in brevissimo Marmore suppleri corrigi, vel restitui posse putavi. Quid in prolixiori Herculis Farnesiani Marmore; quod tu ipse iam pridem in Donianis edideras, supplendo, illustrandoque, Te argumentum huiusmodi proponente, hortante, et Tabulam ipsam aeri incisam publico bono mihi suppeditante, praestiterim, brevi inspicies.

Pifis Nonis Novembris anni CIO. IO. CC. L.

L A V S



S O L I D E O V E R O






i.


Post paginam 210!



Tab. i.

Post paginam 2201





Tab II



XX



XXI



Posterior

XXII




XXIII



XXIV



XXVII



Tab III .

post paginam 78.



XX
Δ Δ



XXI
Π Δ



XXII

Δ
XXIII
Δ



XXIV

Δ Δ



Tab III

post paginam 72



XXVIII



XXIX




XXX



XXXI











241 E 3' 8"

5 tav
v. 12
e na festa
(12/12/12) = 1

A-16

